

أجنحة النور

الطبعة الأولى ٢٠٠٩
الطبعة الثانية ٢٠١٠



Facebook..

إحدى قصص الدين

حالة الزعماني

أحمد سلطان

١٥٠٠

أجندة الثورة

إنجي محي الدين / هالة الزغندي /

أحمد سلطان

الطبعة الأولى

2011



دار الكتب للنشر والتوزيع

أجندة الثورة
إنجي محي الدين
هالة الزغندى
أحمد سلطان

أجندة الثورة

إنجي محي الدين / هالة الزغندی / أحمد سلطان

الطبعة الأولى، 2011



دار أكتب للنشر والتوزيع

10 شارع عبد الهادی الطحان، المرج الغربية

موبايل: 0110622103

E - mail : dar_oktob@gawab.com

المدير العام : يحيى هاشم

تصميم الغلاف : محمد كامل

رقم الإيداع : 2011 / 16000

I.S.B.N: 978-977-488-154-6

جميع الحقوق محفوظة ©

تمر سنة ...

وميتغيرش شىء سوى تاريخ على جلدة أجندة يكتب بدم شهدا جدد..

أجندتنا اللى مش هتتغير .. وأجندتهم اللى مش هتتغير

واللى جوه الأجندة هو هو .. ثوار وميدان .. ظلم وطغيان ..

أجندة مثبتتش غير حقيقة واحدة بس ..

" التاريخ دائماً ... بيعيد نفسه "

امضاء أجندة الثورة

فكرة الكتاب: إنجي محي الدين

تطوير الفكرة وتجميع المادة وترتيبها في سياق:

إنجي وهالة وسلطان

تقديم المادة والفصول: إنجي وهالة

قام بكتابة المادة: مجموعة من شباب مصر على الفيس بوك

شكر خاص لكل من شارك بكتاباته في الأجنحة.

إهداء

إلى اللجان الشعبية
وشبابنا اللي وقف وقال "أنا الحكومة"
إلى كل من خاف على بلده بطريقته
إلى كل اللي هتف "ارحل"
إلى كل شهيد
وإلى أم الشهيد
إلى الخالد السعيد
إلى كل مصرى فقد عزيزاً
إلى كل مصاب أو معتقل
إلى تونس الملهمه
إلى كل شاب هتف "عيش.. حرية.. كرامة إنسانية"
وكل مصرى أراد إسقاط النظام
إلى كل من قال كفاية .. ارجعوا
إلى كل اللي مرجعش وبات على أسفلت الميدان
إلى أرض الميدان اللي حضنتنا
إلى البلح والبقسماط أبو سمسم قوت الناس بالميدان

إلى الجيش اللي اتصورنا على دبابته
إلى الشرطة اللي ضربتنا بالحى والمطاطى وانسحبت
إلى الإعلام المصرى اللي كذب واللى خان
إلى كرات النار وتمورة بتاع غمرة وكتاكى وأجندات طالبان
إلى النظام اللي وحدنا وقوى عزيمتنا
الى خلانا نصمم نكتب أجندتنا
أجندة الثورة

إهداء إلى مصر



المقدمة

المقدمة

قالوا علينا عيال سيس ..
قالوا علينا عملا وجواسيس
قالوا معنا أجنداث خارجية
دورنا .. فتشنا .. لقينا أجندة واحدة
فتحناها .. لقينا مصر جواها
عالفيس بوك اتكتبت أول حروفها
من يوم مانتصر الياسمين ..
ليوم ما خلعنا النظام وفرح المصريين
وعلى صفحة مصر بنتجمع
بنكتب لحظة بلحظة ..
كل اللي بيحصلنا ..
مشاعرنا .. رأينا .. أحزاننا وفرحنا
أنت كمان هتشارك ..
كنت مصرى أو مش من هنا

كنت في زماننا أو اتولدت بعدنا
هتلاقى مربع فاضى ليك..
في كل صفحة من صفحات مصر
اكتب تعليقك.. ذكرياتك.. انطباعك أو إحساسك
الأجندة مفتوحة.. والثورة مستمرة
مازلنا بنكتب وندوّن للتاريخ
وعشان ماينضحكش علينا بنكتب تاريخنا بإدينا

يعنى إيه

The Facebook logo, consisting of the word "facebook" in white lowercase letters on a dark blue rectangular background.

facebook

?

الفيس بوك هو موقع للتواصل الاجتماعي... يعنى إيه ؟
يعنى زى الشارع اللى أنت ساكن فيه، مليون بيوت ومحلات
وقهاوى وإعلانات ..

كل واحد له بيت على الفيسبوك اسمه بروفايل (Profile)
يعنى صفحة شخصية....بيكتب فيه البيانات اللى يحب الناس
تعرفها عنه، زى اسمه وشغلانته وحالته الاجتماعية وهواياته
وصوره وسنه..وعلى حيطه بيتك اللى هى اسمها الـ (Wall)
..ممكن تكتب أى حاجة تحب تقولها، إحساسك أو رأيك فى
موضوع معين أو خبر عرفته وعايز تنشره والجملة دى
اسمها..استيتوس (Status) ...

وكماتقدر تخط على حيطه بيتك صورة أو فيديو أو تكتب
مقال طويل اسمه نوت (Note) ...

و حد حب يدخل بيتك، بيخبط على الباب وده اسمه إنه
يعملك آد (Add) وبعد موافقتك على إضافته لأصحابك يعنى
تعمله (Accept)..ساعتها بس يقدر فى أى وقت يدخل
بيتك ويشوف أنت كاتب إيه النهارده..ولو فى استيتوس أو
نوت أو صورة أو فيديو على حيطه بيتك وعجبته ممكن يعلق

عليها في مربع فاضى موجود تحتها يعنى يعمل
(Comment) ويمكن كمان ييدى إعجابه بيها بانه يعمل
لايك (Like) ..

وممكن كمان ينقلها لأصحابه اللي ساكنين في شارع تانى
بأنه يعمل شير (Share) للحاجة ديه على صفحته وبكده
كل اصحابه يقدروا يشوفها هما كمان.. عشان كده الأفكار
بتنتشر على الفيسبوك زى النار فى الهشيم والأخبار والصور
والفيديوهات كمان.. مافيش حاجة بتستجى على الفيسبوك.
كمان لو عيد ميلادك أو فرحك قرب أو أى حدث مهم عاوز
تجمع الناس عليه تقدر ترسل دعوة لأصحاب وجيرانك،
الدعوة دى اسمها إيفينت (Event).. بتحدد فيه اليوم والساعة
الى هو (Time) ، والمكان اسمه (Location) ومعلومات
عن الحفلة أو الحدث وديه اسمها (More Info) ، ولو أنت
هت حضر الإيفنت ده بتدخل تسجل حضورك بأنك تعمل
(Attending) ...

وأول دعوة للشورة كانت لدعوة للترول يوم ٢٥ يناير من
خلال إيفنت "٢٥ يناير — ثلاثاء الغضب".


المشكلة في البيت إنه صغير ومش بيساع غير خمسة آلاف
ضيف يقدرُوا يكونُوا أصحابك ويدخلوه، أما لو عايز تعمل
بيت كبير يساع آلاف، تقدر تعمل بيت أكبر اسمه الصفحة أو
البيج (Page) يعني صفحة عامة، زي صفحة "كلنا خالد
سعيد".

أما لو مجموعة أصحاب عايزين يتقابلوا على القهوة، يتكلموا
ويتناقشوا ويعرضوا صورهم وفيديوهاتهم ومقالاتهم، القهوة دي
اسمها جروب (Group)... زي جروب "شباب 6 إبريل"
مثلا، وأى حد يحب يصاحبهم ويقعد معاهم بيعمل عضوية
ويشترك معاهم في حواراتهم على القهوة.


في الأجندة حاولنا نجتمع البيوت كلها في بيت واحد... "بيت
مصر".. جمعنا عليها الأفكار والأخبار والمقالات والصور
والفيديوهات اللي الناس عرضتها في بيوتها أيام الثورة.

مصطلحات الفيس بوك

- صفحة شخصية (البيت): بروفایل (Profile)
- حيطة البيت: وال (Wall)
- الجملة اللی بتكتبها على الحیطة: استیتوس (Status)
- المقال: نوت (Note)
- الصورة: فوتو (Photo)
- الفیديو: فیديو (Video)
- نشر استیتوس أو مقال أو صورة أو فیديو: شیر (Share)
- إعجاب أو تعليق على استیتوس أو مقال أو صورة أو فیديو:
لايك (Like) , كومت (Comment)
- دعوة لحضور حدث ما: ایفنت (Event)
- حضور حدث ما : (Attending)
- صفحة عامة (البيت الكبير): بیج (Page)
- الجروب: (Group)



مص



مصر

Basic information

معلومات أساسية

I Am:

أم الدنيا

Languages: اللغة

اللغة العربية

Birthday: تاريخ الميلاد

25-01-2011

About Masr: عن مصر

التاريخ يقدر يقول عنى ما شاء
ولادى عندى أحب وأجمل الأشياء

Philosophy

رؤى فلسفية

Riligion: الديانة:

مسلم ومسيحى ايد واحدة

Political Views: رؤية سياسية:

عدالة.. حرية.. كرامة إنسانية

Favorite Quotations: الأقوال المفضلة:

{إِنَّ فِرْعَوْنَ عَلَا فِي الْأَرْضِ وَجَعَلَ أَهْلَهَا شِيَعًا يَسْتَضَعِفُ

طَائِفَةً مِنْهُمْ يُذَبِّحُ أَبْنَاءَهُمْ وَيَسْتَحْيِي نِسَاءَهُمْ إِنَّهُ كَانَ مِنَ

الْمُفْسِدِينَ. وَتُرِيدُ أَنْ نَمُنَّ عَلَى الَّذِينَ اسْتُضْعِفُوا فِي الْأَرْضِ
وَنَجْعَلَهُمْ أَئِمَّةً وَنَجْعَلَهُمُ الْوَارِثِينَ. وَتُكِنُّ لَهُمْ فِي الْأَرْضِ
وَتُؤْرِثُ فِرْعَوْنَ وَهَامَانَ وَجُنُودَهُمَا مِنْهُمْ مَا كَانُوا يَحْذَرُونَ {

قال الرسول صلى الله عليه وسلم "إذا فتح الله عليكم مصر
فاتخذوا منها جنداً كثيفاً فهم خير أجناد الأرض وهم في
رباط إلى يوم القيامة"

مصر يا أم العجايب.. شعبك أصيل.. والخصم عايب..
خلي بالك من الحبايب.. دول أنصار القضية..
اهو ده اللي صار.. وادى اللي كان

يا مصر قومي وشدي الحيل

كل اللي تتمنيه عندي

وقف الخلق ينظرون جميعاً كيف أبني قواعد المجد وحدي

بلادی بلادی.. لك حبی وفؤادی

مصر يا أم البلاد.. أنت غايقي والمراد

وعلى كل العباد.. كم لنيك من أيادي

إذا الشعب يوماً أراد الحياة

فلا بُدَّ أن يستجيب القدر

ولا بُدَّ لليل أن تنجلي

ولا بُدَّ للقيد أن ينكسر

عظماء مصر : People Who Inspire You



الشيخ الغزالي الشيخ محمد عبده القمص سرجيوس سرجيوس
الشيخ متولى الشعراوى رفاعه الطهطاوى الشيخ امام



محمود العقاد سيد درويش أم كلثوم راغب عياد
صلاح جاهين نجيب محفوظ



هدی شعروای مصطفی کامل أحمد عرابی سعد زغلول

مکرم عبید طلعت حرب



د. علی مصطفی مشرفه د. مصطفی محمود د. مجدی یعقوب

د. فاروق الباز د. أحمد زویل

More

Contact information

وسيلة الاتصال

Email Masr@midan eltahrir.com

Activities

أنشطة

حريق مسرح بنى سويف غرق عبارة السلام صخرة الدويقة

حادث قطار الصعيد القمح الفاسد قضية الدم الملوث

قضية المبيدات المسرطنة قضية مدينتى عقد توشكى

أزمة الانابيب العشوائيات طابور العيش المصرى

لا لغلاء الأسعار الجدار العازل حصار غزة

تصدير الغاز لإسرائيل مظاهرات الجامعة لدعم الانتفاضة

إضراب عمال غزل المحلة حركة كفاية حركة 6 أبريل

دعوة لإضراب عام يوم 6 أبريل مقتل خالد سعيد

صفحة كلنا خالد سعيد وقفات صامتة على كورنيش -

-الإسكندرية لخالد سعيد غلق جريدة الدستور

حملة البرادعي المدونون والنشطاء اعتصام القضاة

ملف التوريث تزوير انتخابات البرلمان فيديو تعذيب عماد -


-الكبير بقسم الشرطة فيديو تعذيب فتاة في قسم شرطة

لا لقانون الطوارئ إعفاء إبراهيم عيسى من رئاسة الدستور

تفجير كنيسة القديسين مقتل سيد بلال ثورة تونس

More

ر **Joined Facebook**



أسبوع الحلم



انتصار ثورة الياسمين Is Attending مصر

Time: 14-يناير-2011

Location: تونس


Created by: شعب تونس

More info:

اندلعت ثورة الياسمين في تونس عندما صادرت قوات الشرطة
عربة فاكهة يملكها شاب جامعي اضطرته ظروف المعيشة و
البطالة لهذا العمل.. الشاب بو عزيزي فضل الموت حرقاً على
العيش بلا كرامة.. اندلعت ثورة الياسمين يوم 17 ديسمبر
ليهرب الرئيس التونسي السابق بن علي اليوم إلى جدة.. لتشر
شمس الحرية على أرض تونس وليمتد شعاع الحلم والأمل إلى
بلدان العالم العربي.. وإلى الفيسبوكاوية بمصر... ترى كيف
سيستقبلونه.. وهل سيحققون الحلم؟.. هل سيحولون عالمهم

الإفتراضى إلى واقع يعيشونه؟

Status Photo Link Video Question



Gamal Khoziem

تنحي زين العابدين بن علي حالا.. والله وعملوها الرجالة

اللي بجد

January 14 at 7:00pm

Ahmed Faheem

الحمد لله انى جه اليوم اللى اشوف فيه رئيس عربى منكسر

January 14 at 2:58am

Ahmed Faheem

كل ديكتاتور عربى ، يشعر الآن بأن سقوط بن على هو نذير

سقوطه

January 14 at 11:45pm

Mahmoud Barakat Hassan

وأصبح واضحاً.. أن الطبقة الوسطى التي نمت من خلال
إصلاحات اقتصادية خلقت نوعاً جديداً من البطالة (بطالة
الجامعيين) وأن الإصلاح الاقتصادي من دون إصلاح سياسي
إنما هو وهم، وأن شعار «التنمية أولاً» مع إهمال الجانب
السياسي، يُعرض الاقتصاد والسياسة إلى الخطر.....

رؤية شخصية لأحداث تونس

January 13 at 1:11am

Ahmed Faheem

احذر أيها الشعب التونسي العظيم، سقط الديكتاتور ولم
تسقط الديكتاتورية بعد.

January 14 at 11:33pm

Gamal Khoziem

تحيا تونس بس امتي تحيا مصر؟

January 14 at 7:57pm

Mai Abo Nawaia

بسم الله الرحمن الرحيم الإجابة "تونس"

January 14 at 5:31pm

Shereen Talaat

إذا الشعب يوما أراد الحياة .. تونس... تونس... تونس... مصر

January 14 at 11:36pm

Neveen Shalaby

إشاعة قوية تفيد أن طائرة بن علي ستوقف في مطار شرم

الشيخ - ليس للترانزيت - لكن لتأخذ ركاب،،!!

January 14 at 10:56pm

Ahmed Abdelgawad Farahat

يا مبارك يامبارك مطار مالطه في انتظارك

January 14 at 7:54pm

Mahmoud Barakat Hassan

اليومين دولمحتاجين نعلي الصوت

January 13 at 12:13pm

Amr Gohar

نداء إلى الرئيس مبارك من مصرى مخلص.. مازالت أمامك

فرصة فى ترك الحكم قبل أن تجبر على ذلك

January 14 at 11:19pm

Mahmoud Barakat Hassan

من أسبوعين بالظبط... قلت شوفوا اللي بيحصل فى تونس

وفكروا فى مصر فاكرين؟؟ أنا مبسوووووط

pm January 14 at 10:55

Ahmed Faheem

مصر = لا سياسية + لا قانون + لا معارضة

pm January 14 at 1:16

Doaa Yousry

عشان واحد مات البلد قامت.. وعندنا كل يوم 100 واحد
بيموتوا يا في قسم بوليس.. ياكنيسة.. ياطابور عيش..
ناوية تصحي امتي يامصر ؟



ثورة شعب مصر

في يوم 14 ديسمبر الماضي قامت الشرطة التونسية
بمصادرة عربة فواكه لشاب تونسي اسمه بو عزيزي

كلنا خالد سعيد By:

January 14 at 9:41pm

Ahmed Foud ELdin

الحكومة المصرية تفكر في منع المواد المشتعلة

pm January 14 at 11:06

Hani Mostafa

ثقافة العدل والاحترام والحق والمستحق، العطاء والعمل

الإنتاج، ثقافة الجمال والإبداع، مشترك إنساني يجمع

(الإنسان) في ضارة واحدة

January 14 at 2:00pm

Lamiaa Sabry Eltawel

ولكي يبقى الإنسان إنساناً فعليهِ أن يثور، ولو كل سنة مره.

January 14 at 4:42pm

Lamiaa Sabry Eltawel


عَقْبَالِنَا يَا اَللّٰهُ رَبِّ ...

January 14 at 11:58pm

Gamal Khoziem

اعتقادي إن ثورة الشعب المصري ستكون على الفيس بوك
ونتفق مع متعهد ثورات من تونس يحيي يظبطنا!!!!

January 14 at 12:52pm



مصر -

حلم خالد سعيد

Status Photo Link Video Question

Engy Mohy Eldin

النهاردة يوم 15.. يوم 25 يناير هو عيد الشرطة يوم أجازة

رسمية.. لو نزلنا 100 ألف واحد في القاهرة محدش هيوقف

قصادنا.. يا ترى نقدر؟ _ كلنا خالد سعيد

January 15 at 1:00am

Ahmed Sultan

23 سنة انتهوا في شهر، يعني 30 سنة محتاجين شهر ونص،
و100 واحد ماتوا من 10 مليون يعني 800 من 80 مليون
، في أسهل من كذا؟

January 15 at 3:04am

Alaa Ezzat

هتبقى مجزرة، ممكن نستلهم روح التغيير والحماسة لكن مش
بنفس الطريقة.. هيبقى فيه صراعات قاتلة، خصوصا وإن
المعارضة كلها ولا مؤاخذة.. دلوقتي ويحصل انفجارات فما
بالك لو عمت الفوضى

January 15 at 6:16pm

Gamal Khoziem

بخاف من الناس ومن خوفهم
January 15 at 4:38am

Lamiaa Sabry Eltawel

إذا الشعب يوماً أراد الحياة فلا بد أن يستجيب القدر
بس الشعب رافض الحياة...

القدر يعمل له ايه بقى يتزل ييوس على دماغه؟!

January 15 at 12:01am

Hala Mostafa ELzaghandi

كلنا خالد سعيد!! إنترنت بدون فتنة!! شهداء العبارة!!!
بحبك يا تونس!! كنت بكرهك يا جزاير!! شعارات على
بروفايلات ولا بنتحرك... مافيش غير انهم يقفلوا الفيسبوك..
بتهيالى ساعتها ممكن نعمل حاجة.. شعارها... "من أجل
بروفايلاتنا المسلوقة"...

January 15 at 6:46am

Mahmoud Barakat Hassan

"شدى حيلك يا بهية" .. "ثورة مصر جاية جاية"..
"مرعوبين مرعوبين" .. "بكره تشوفوا المصريين" ..

من هتافات الناس أمام سفارة تونس

January 15 at 11:48pm

Hisham Mostafa

مش يلا بقى؟؟؟

January 15 at 10:30pm

وبو عزيزى.. هناك فيه ثورة.. إنما اللمبى **likes** مصر

عندنا والحمد لله فيه الكراسية الصفراء



اللمبي وبو عزيزي.. هناك
ثورة.. إنما عندنا والحمد لله
فيه الكراسية الصفرا

by Ahmed Sultan on Saturday, January
15, 2011 at 3:35pm

اللمبي وبو عزيزي.. هناك فيه ثورة إنما عندنا والحمد لله فيه
الكراسية الصفرا ..

المفترض إن مساحة الخيال والحلم في السينما أكبر من الحقيقة
وإن السينما والمبدعين يكونوا بمثابة الإلهام للشعب العادي
في فيلم اللمبي مشهد لعسكري بياخد عربية الكبدية من بطل
الفيلم - محمد سعد - ويهينه .. والبطل يفضل يتحايل ع
العسكري ويبوس ايديه والعسكري زي اي عسكري مش
هيعبره يقوم البطل يثور؟؟ لا يقعد يعيط .. وبعدها يطلع البطل
على شرم الشيخ .. عشان يأجر عجل..

يطلعوا تاني نفس العسكري وياخد منه العجل والمرة دي لا
يكتفي العسكري باهانة البطل بس.. لا البطل وأمه ولولا إن
أبو البطل كان ميت كان هيهينه هوا كمان.

طب المرة دي ثورة؟؟... برضه لا

المؤلف اللي قفل مشكلة البطل زي الدومينو لما تقفل حلها
بسهولة... اكيد مش ثورة دي مش أخلاق المبدعين بتوعنا
الكراسة الصفرا... البطل يتجوز ويعيش هوا وعياله ويسدد
ديونه من فلوس النقطة.. ويجبلنا احنا نقطة.

المشهد في تونس مختلف

نفس العسكري بيسحب عربية الخضار من البطل بوعزيزي والمرة
دي في الحقيقة في الحياة العادية يعني المفروض إن مساحة
الخيال والأحلام أقل إن لم تكن معدومة.. البطل بيثور ويطالب
بحقه.. لا أحد يجيب

يبقى أكيد هيطلع على شرم الشيخ ولا على سوسه عشان يأجر
عجل..

لا البطل قرر انه يولع ف نفسه بعد أيام قضاها ف الشارع
بيطالب بحقه.. والناس كلها زيه نزلوا الشارع عشانه ومحدث

اتحرك شهر بحاله لحد ما نزلوا النظام.

والسؤال دلوقتي..

لماذا قامت الثورة في تونس؟

1- لأن معندهم شرم الشيخ

2- السياح في تونس مبيحبوش يركبوا عجل

3- تونس مفيهاش كراسات صفرا

عشان كذا مهما يحصل عندنا مش هتقوم ثورة.. لأن إنت

اللمي.. كلنا اللمي.. وكل واحد منا عنده كراسة صفرا..

فهمت يا لمي !


Like comment share



مصر —

مصر هتختار طعم ايه؟!

Status Photo Link Video Question



Muhammad Barakat

لو لم أكن مصرياً ،، لتمنيت أن أكون تونسيا

January 16 at 9:31am

Alaa Ezzat

إن شاء الله غدوة التوانسة باش ينيو ثمرة تعبهم ويذقوا تونس

طعم الحرية والناس اللي ندت وسال دمها هي نفسها تنجم

تنظف البلاد من المجرمة .. (إحنا برضه بنعرف نتكلم تونسي)

.. ربنا معاكوا

January 16 at 2:22am

Ahmed Faheem

عندما سئل الشيخ راشد الغنوشي عام 2005 في المنفى متى
ستعود إلى تونس؟ قال لا أدري هل ستحل قضية فلسطين أولاً
أم قضية تونس. (أحلام الأمس هي حقائق اليوم)

January 16 at 2:1pm

Ahmed Faheem

اجتماع لمجلس الدفاع الأعلى المصري.. صباح الرعب

January 16 at 4:24pm

Shereen Talaat

الحكومة تنفي حدوث ثوره في تونس وتبرر هروب الرئيس
بأن ماسا كهربائيا والطبيب الشرعي يؤكد أن الشعب التونسي
إبتلع لفافة بانجو

January 16 at 12:31am

Tarek EL Arabi

80% من الشعب المصري عايش بمبدأ... اصبر على جار السو

.. يا يرحل يا تحيله مصيبة تاخده

January 16 at 2:15pm

Shereen Talaat

اوعى تستفز المواطن ليثور فوشك

January 16 at 4:23pm

Neveen Shalaby

نقلاً عن البديل: تبقى في بقك، وتقسم لتونس

يعني إيه كوك زيرو :يعني البرادعي يطالب بالتغيير في مصر،

الشعب يستجيب في تونس.

January 16 at 1:18am

Mai Abo Nawaia

تونس : احنا اخترنا التغيير

مصر كلها اختارت _ شيبسي بطعم الجمبري (منقول)

January 16 at 7:10pm





مصر -

كلنا بو عزيزي

Status Photo Link Video Question

Shereen Talaat

مواطن مصري يحرق نفسه أمام مجلس الشعب والتعليمات
الصادرة من الحكومة تسهيل مهمته وعدم الاعتراض علي
رغبته (منقول)

January 17 at 3:13pm

Ahmed Sultan

أكثر خوفي من الشعب اللطيف.. إنه تلاقي ناس بتسرح بجاز
وولاعات في وسط البلد.. تولع يا بيه.. تولع يا بيه!!؟

January 20 at 12:21am

Mohammed Abdel-mordi

على كده لازم الحكومات كلها تلم الكبريت والجاز ،الشباب
اتجنن وعائز يموت كافر والجماهير بتمصص شفايفها ومش
هيعملوا حاجة

January 17 at 3:57pm

Mohammed Abdel-mordi

ياااا شعبي الحبيب الصبور المهاود ... المطرمخ

January 17 at 352pm

Ahmed Abdelgawad Farahat

إللي قال على المواطن المصري إنه كافر عشان حرق نفسه من

الظلم والإفترى هو إلهي مش بس كافر ده كمان.....

January 17 at 12:55pm

Hala Mostafa ELzaghandi

يجد احنا شعب لقطة يا بخت اللي يحكمه.. امه داعياله....!!!

January 17 at 9:34pm

Mohammed Abdel-mordi

يااا شعبي الحبيب الصبور المهادود ... المطر مخ

January 17 at 3:52pm

Ahmed Sultan

بيقولك مكانة مصر.. مكانة مين يا أبو مكانة دا أحنا مش

لاقيين مكان نمشي في الشارع ولا مكان في المواصلات ولا

نيلة مكان نشغل فيه ولا برضه نيلة مكان نتجوز فيه..

وتقولي مكانة دا احنا ملناش مكان في بيوتنا أصلاً..

January 17 at 9:06am

Mahmoud Barakat Hassan

حانت ساعة الرحيل حتى وإن تأخرت قليلاً.


January 17 at 1:32pm



مصر —

احنا مش مجانيين!!!

Status Photo Link Video Question



Amr Gohar

تاني واحد يولع في نفسه.... النهارده أدام مجلس الشعب

January 18 at 5:45pm

Hala Mostafa ELzaghandi

مصر شقت جيوبها واحنا قاعدين

January 19 at 8:39am

Alaa Ezzat

إذا الشعب يوما اراد الحياة ..

استجيبوا بقى يابقررررررر

January 18 at 1:59pm

Shereen Talaat

بعد مائة عام من الآن سينظر التاريخ لهذا العصر في حياة مصر
ويتف عليه.. إلى مزبلة التاريخ يا ولاد التيبيت

January 18 at 3:32pm

Tarek EL Arabi

فيه ناس بتبيع أرضها.. وناس بتبيع عرضها.. وناس بتخون
بلدها وتبيع سرها... ناس عايشة مقضياها.. وناس عايشة
محبكاها.. وناس عايشة يدوبك على قدها... ناس من كتر الهم
بتضحك.. وناس من كتر الضحك بتبكي... وناس منهوبة
خيرها وعزها.. والحكاية أصلها وفصلها.. بلدي.. مصر!!

January 18 at 6:15am

Ahmed Yehia

يلا بقي يا شعب

January 18 at 1:03pm

Amr Gohar

الحكومة المصرية: الإسكندرية: عاطل يبلغ من العمر 25 عاما
أشعل النار في نفسه في ساعة مبكرة من صباح اليوم لكن والد
قال للشرطة إن ابنه يعاني من مرض نفسي منذ عام..
بجد عيب يا حكومة

January 18 at 5:45pm

Ahmed Sultan

طب أنا موافق إن الشعب كله مجانين.. مفيش أي منظمة
دولية تيجي تقبض على اللي جننوا أم الشعب كله

January 19 at 1:59am

Ahmed Sultan

الشعب للحكومة : هولع في روحي يا قلبي وعنيا
الحكومة للشعب: لا أوعى يا روحي دا واجب عليا
يا سلام على حيي وحبك.. حاليا بالأسواق

January 18 at 5:38pm

Mohamed Rafie

مطلوب تمانين مليون طبيب نفسى بشكل عاجل

January 19 at 11:28pm

Shereen Talaat

احنا مش بجانين يا ولاد المجنونة

January 18 at 4:18am

من دفتر الشعب المجنون likes مصر



من دفتر الشعب المجنون

by Ahmed Sultan on Tuesday, January
18, 2011 at 4:04am

ليس على المجنون حرج . أنا موافق إن انا مجنون

هوا متوسط دخل الفرد في بلدنا كام؟؟..

ليه هوا الجنيه بقى بكام

طب الرغيف والسمنة ..والطماطم والرز ..وبقد إيه كيلو

اللحمة؟؟ والفاكهة بقى أخبارها ايه؟؟ ... طب السكر بكام؟

طب السكن .. والمواصلات .. والبترين بقى سعره كام؟؟

طب الأسمنت والحديد .. بلاش دي ..السكن بكام؟

الخشب بكام ؟ .. شغلتموا كام وسيتوا كام؟


ليه هوا انتوا عددكوا وصل كام؟

طب كشف الدكتور بكام؟ والعلاج بكام؟

وقميص وجزمة وبنطلون يعملوا كام؟
هوا الغاز بكام والجاز بكام.. وبطانية للغلبان بكام؟
طب الصناعة فين؟ والزراعة والسياحة؟
طب البترول والغاز؟؟
بتقول بعتوه بكام؟
ليه هوا احنا في سنة كام؟
طب قناة السويس؟
معندكوش أي تصدير؟
هوا انتوا ماسكين البلد من سنة كام؟
ومش شايف إن فيه تقصير يا جلالة الملك؟
بتقول رئيس.. كل دا ورئيس
وتقول عليا أنا المجنون
يا خلایق يا أهل القارات السبع احكموا بينا والنبي.. هوا مين
فينا المجنون؟
مين المختل أبوس ايديكوا؟
سيدي الرئيس معاليك واللي حواليك اللي مجانين ومختلين واحنا
ولاد ستين في سبعين اننا سايبينك تحكمننا

سيدي الرئيس.. براحتك.. ليس على المجنون حرج

Like comment share






مصر -

25 ???

Status Photo Link Video Question



Ahmed Sultan

25 يناير



25 يناير (ثلاثاء الغضب)

January 19 at 11:50pm

Amr Gohar

ترى ماذا سيفعل النظام المصري فى أرصدته الشخصية بالخارج ..
بعد أن جمدت فرنسا وسويسرا أرصدة العصابة التى كانت تحكم
تونس؟

January 19 at 11:28pm

Hala Mostafa ELzaghandi

لو لسه عندنا كرامة ولسه عايزين نعيش كإنسان فى البلد ديه..
لازم نترل يوم 25.. أسماء محفوظ



كلنا هنتزل يوم 25 يناير

www.youtube.com

رساله من بنت اسمها أسماء محفوظ هنتزل يوم 25 يناير

2011 ياريت نحس على دمننا بقى !!

January 19 at 11:30pm

Mai Abo Nawaia

بعد اختيار الشعب المصري لشيسي بطعم الجميري وقف وقفة
راجل واحد واتحدوا وقالوا (القول السوداني مش هایتبهدل تاني)
.. ياريت الشعب كله ييقي فول سوداني

January 19 at 2:24am

Neveen Shalaby

من يسخرون من فكرة التزل يوم ٢٥ يناير والدعوة لها عبر
الفيس بووك فليتزكروا جروب ستة إبريل وما فعله في ٢٠٠٨
وليتذكروا ما فعلته صفحة "كلنا خالد سعيد" في نشر القضية
وتفاعل الشباب معها، قبل أن نحرق أنفسنا بأنفسنا..
يجب أن نعبر عن غضبنا مما يحدث أولاً

January 19 at 4:24am

Hala Mostafa ELzaghandi

نفسى أنزل يوم 25

January 19 at 11:57pm

جيل الشمعدان المنور likes مصر



جيل الشمعدان المنور

by Neveen Shalaby on Tuesday, January
25, 2011 at 2:46am

يعني اتولدنا في أواخر السبعينات واوائل الثمينات طلعلنا وكبرنا
ملقناش أي حاجة لا تعليم عدل ولا فن له معنى والأغنية
الوطنية في شبابنا بقت لشعبان عبد الرحيم أو "ماشربتش من
نيلها".. عندنا مهرجان قراءة للجميع و40% من الشعب تحت
خط الفقر فأصبحت القراءة رفاهية لا يقدر عليها سوى صفوة
المجتمع.. اتعلمنا بالعافية وأهلينا حرّموا أنفسهم من حاجات
كثير اهوو بيقولوا سلاح في ايدينا.. ولما اتخرجنا لا لقينا شغلانه
ولا شقة نسكن فيها ولا حتى مواصلات محترمة تحفظ كرامتك
كبني ادمين..

واللي معندوش واسطة أو مش محظوظ يروح في الرجلين..
ولا وزيرة القوي العاملة ربنا يكرمها يا رب بتقول إن خريجي
الكليات النظرية غير مطلوبين في سوق العمل ويجب إنهم يوافقوا
بمهن في غير تخصصاتهم .. زى انهم يشتغلوا موظفين أمن في
المولات أو بايعين في المحلات.. يعني بالبلدي كدة خريج كلية
"الالسن" قسم إيطالي يروح يشتغل موظف أمن في سيتي ستارز
جنب محلات الجذم الإيطالي علشان مينساش اللغة..
ولا خريج كلية الإعلام يشتغل حارس أمن لمحلات بيع الكاسيت
وشرايط الفيديو حاجة من ريحة تخصصه برضو.. طيب بالنسبة
للبنات سيادة الوزيرة يعملوا ايه؟!
ممكن حضرتك تشوفيلهم عقود عمل في الخليج مربيات علشان
الإيد البطالة نجسة سؤال طيب _ يا ترى بتعلمونا ليه؟
وفاتحين الكليات النظرية ليه؟ طالما مفيش حاجة ليهم في سوق
العمل..
ولسه بيقولوا إننا في عصر إنجازات وبقالنا ٣٠ سنة في سلام
ومفيش حروب ..
وليه لازم ندفع ثمن ده من كرامة كل مواطن مصري؟ ...

يوم ٢٥ يناير هوا البداية.

Like comment share



مصر —

نحن نحارب ياسنا..
وهم يحاربون فيسبو كنا

Status Photo Link Video Question

Amr Gohar

جهات أمنية طالبت من الشركات المزودة لخدمة الإنترنت في مصر خلال الأيام الماضية تخفيض السرعة للمستخدمين، إلى أن تهدأ العاصفة التي أثارها الانتفاضة الشعبية في تونس والتي كان للإنترنت دور كبير فيها

January 20 at 3:58am

Mahmoud Barakat Hassan

إن أنظمة الحكم المستبدة تنهار حين تنهار قدرة من يحكمها على تشكيل وعي الناس (ميشيل فوكو.. مفكر فرنسي)

January 20 at 3:33pm

Mohamed Ahmed

نعيب حكومتنا والعيب فينا وما لحكومتنا عيب سوانا (ليه)
لأن: قالوا لفرعون ايه فرعنك قال ماقتش حد يصدني (ليه)
لأن: الفساد نوعان فساد العمل وفساد الأمل (ازاي)
فساد العمل: هو ماتعمله الحكومة،

وفساد الأمل: الشعب على أمل إن الحكومة تغير نفسها
بنفسها ولا يغير الله ما بقوم حتى يغيروا ما بأنفسهم

January 20 at 12:15am

Tarek EL Arabi

بلم حبات المطر عشان احوشلك دموع.. وبعود قلبي عالخطر
في طريق مامنوش رجوع.. ومهما يا قلبي احس بتعب أو
مهما أحس بجوع.. دمي يترف ودمعي يتزل.. مراكي تشد
القلوع

January 20 at 6:16am

سلام عليكو likes مصر



سلام عليكوا

لو انت الي بتكلمه هتقولو ايه

on Thuresday, MHmod Sami by
January 20, 2011 at 8:32pm

يااااه لو رئيس مصر عنده فيسبوك؟

... أو كل أسبوع يعمل حلقة يتكلم فيها عن نفسه ! ...

أو يتزل الشارع كل فترة يسلم على الشعب...!

كان زماني بقيت عرفه...

اصل أنا معرفوش ... اه والله ... مدرستش أي معلومات عنه

في المدرسة ولا في الكلية ... معرفش ليه ! ... مع إنه مشهور

اوي ... انا اللي اعرفه ان في واحد اسمه : الرئيس محمد حسني

مبارك... وأن في ناس كثير زعلانة منه...

هو ممكن يتضايق لو طلبت اني اتعرف عليه ؟ ... اصل انا

خايف حد يسألني عنه معرفش أرد ... وأنا مصري !... ..

والمفروض أني أبقي عرفه ... أه والله... عيب عليا ... منظري

هيبقى وحش اوي ... أصل أنا كدة هقلل من شأنه.. واحد

من أبناء شعب مصر معرفش عن رئيس البلد اللي أتولد فيها

أي حاجة ...

ودي تبقى مصيبة ..والله ميصحش ... ده رئيس مصر برضه

... عامةً ..أتمنى اني أعرفه...

ياريس ... ممكن نتعرف!!

Like comment share

January 21 at 3:15pm

Shereen Talaat

إذا كنت تريد ان تقهر الخوف.. لا تجلس وتفكر في الامر
فقط .. فلتتحرك وتخرج الى الشارع "دليل كارنيجي"

January 21 at 5:22pm

Noha Atef Souady

سأسير ولن أنظر للخلف، وسأدوس الأشواك لأكسرهما فلا
أشعر بها

January 21 at 9:15p

Ahmed Sultan

فليسقط الجبان.. فليسقط اللي خان.. فليسقط الطيب لو
هيقبل يتهان

January 21 at 2:39a

أسبوع الحلم

هرب بن على وانتصرت ثورة الياسمين

جمال خزيم مخرج من السويس.. حلم حياته فيلم باسمه يقول
فيه اللي في نفسه لبلده.. لما سمع الخبر.. فرح.. هتف بعلو
حسه.. تحيا تونس.. وفي نفس اللحظة خطر على باله سؤال :
بس امتي تحيا مصر؟

شاف الإجابة على صفحة كلنا خالد سعيد.. مصر هتحيا من
جديد لو قدرنا نترل يوم 25..

بات الشباب يحلموا ويتمنوا ..

علاء ممثل موهوب... شایل قلب يساع الدنيا مهفهف بحبه
لمصر.. خايف عليها من الفوضى.. من الدم.. خايف يغرق في
الحلم، يغرق بلده معاه.

لكن أحمد سلطان اللي اتعود يعيش أحلامه أدام الكاميرا..
رافض واقع اتفرض عليه بكلية ماحبهاش.. المرادى قرر يحقق

الحلم على أرض الواقع.. مسك ورقة وقلم وحسبها.. لو ثورة
تونس خدت شهر يبقى ثورتنا.. هتاخود أد إيه ؟؟ حلم
جديد.. بس المرادى ناوى يحققه بجد ومش تمثيل.

مى بتحلم من زمان.. وبتكتب أحلامها على الورق.. وعلى
صفحتها ياما نادى وأتمنت.. برادعى مش برادعى ،المهم
التغيير... عايزين تغيير.. يا ترى مصر هتختار التغيير ولا
طموحها مش هيعدى سقف الجمبرى؟؟ .

واشتعل الفتيل.. من أدام مجلس الشعب.. مواطن مصرى
بيحرق نفسه.. مواطن عايز تغيير.. للأسف ماكانش الأخير..
استمر مسلسل الحرايق.. ومسلسل الكذب معاه.. والحكومة
بتقول مجانين..

شيرين مخرجة شائلة هموم الناس.. بتدافع عن حق الإنسان فى
أنه يعيش انسان.. عروسة جديدة بتحلم بينات وولاد حواليتها
يعيشوا بنى آدمين.. مش يتقال عليهم مجانين ... وعشان صوتها
فى الحق على ، شيرين مهمهاش.. لا حكومة ولا غيره..
مايلزمهاش.. صرخت فيهم.. احنا مش مجانين يا ولاد المجنونة!

وفى كل صفحة انتشر الخبر.. وفى كل القلوب كبر الحلم.. يوم
..25

شباب بتحلم وشباب مش مصدقين ... معقول؟ ممكن ثورة
بمعياذ !! إزاي؟ صحيح شغل مجانين.

نيفين شائلة الكاميرا ما بتسبهاش.. شافت ياما مظاهرات..
احتجاجات.. وقفات واضرابات.. صورّتها وسجلتها فى
أفلامها.. وزى ما شافت بعينها مصر بتتغير.. فكّرّهم باللى
كان وبشرّهم باللى لازم هيكون.. لازم نعبر عن غضبنا.. يوم
!25

هالة ياما عبّرت عن غضبها بس على الورق.. كتبت أفلام
رفضها النظام.. وفى عز احساسها باليأس شافت الدعوة
وعاشت الحلم.. بصت جمبها شافت بنتها.. اترددت.. هتسيبها
وتترل يوم 25؟ يا ترى هترجعلها ولا؟ الخوف اتملك
منها.. اتنهدت.. همست.. اتمنت ...

نفسى أنزل يوم 25 !!

الشباب حطوا اديهم على المشكلة.. الخوف هو المسألة ...

طارق مسافر بره بيتعلم.. لما شاف الخوف بيخنق حلمه..
ابتدى يعلم نفسه حاجة جديدة ... هيحارب خوفه ويعود
نفسه على الخطر حتى لو الطريق ممنوش رجوع .

الحلم بيتطور .. بيتبلور.. بيتجسد على الأرض.. الشباب بدأوا
يوزعوا ورق في الشوارع.. ليوم 25

إيمان مسكت الورقة في اديها اتبسّمت.. دى ورقة فى ايدى
مش دعوة على الفيسبوك.. دى باينها الحكاية جد مش بس
كلام وخلص.. الورق بيتوزّع فعلا على الناس !! إيمان
صيدلانية.. ياما صرفت رويشتات.. بس انهاردة الروشتة
ماتخرش المية.. ولأول مرة تحس بأمل.. فى بكرة.. فى لم
الشملى.. أصلها عايشة لوحدها.. بعد ما سافروا أهلها واحد
ورا التانى لجل لقمة العيش.. حسست بالأمل فى زوج واطفال..
فى أسرة مش متفرقة ... يا ترى الأيام الجاية شائلة إيه لإيمان ؟
يا ترى شائلة إيه لمصر؟ يا ترى حلم الشباب هيتحقق؟؟




أسبوع الغضب



مصر —

السويس.. البداية

Status Photo Link Video Question



Gamal Khoziem

مظاهرات في السويس

January 22 at 3:15pm

Ophilya Atef Beshay

العنكبوت عشش على الحيط وسرح على الغيط.....

يا مصري قوم هش الوطاويط

January 22 at 3:59pm

Gamal Khoziem

ما هي الدولة لو صرفت علي التعليم والثقافة ...
مش هتلاقي عسكري الامن المركزي يحميها

January 22 at 5:59pm

Ahmed Faheem

اكيد للظلم نهاية، بس لما احنا نقرر

January 22 at 10:51pm

Hala Mostafa ELzaghandi

للى بيتريقوا على ان الثورة مش بمعاد.. ارجوكم افهموا!!
يوم 25 مش ثورة ،انما احتجاج سلمى ومطالبة شعبية بالتغيير،
بعد كده تُحجّاب المطالب او تتقلب ثورة ده فى علم الله .
وده مش كلامى ده كلام اللى حدد يوم 25 واللى هيعمل
حاجة غير التظاهر السلمى ، مايتزلش احسن

January 22 at 11:29am

Ahmed Faheem

البداية يوم 25 ولسه فى مراحل كثير

January 22 at 10:45pm



مصر -

كفاية كذب بقى

Status Photo Link Video Question

Ahmed Faheem

ان دماء اخواننا الاقباط التى سالت فى كنيسة القديسين قد
ضاعت هدرا، باعلان النظام المصرى ان المسئول عن التفجير
هو تنظيم جيش الاسلام الفلسطينى.

January 23 at 11:59pm

Mai Abo Nawaia

مش قادره اصدق التلفزيون المصرى عامل فيلم تسجيلي عن
الشرطة والشهداء طبعاً مع كامل احترامي للشهداء ..

بس الهدف من الفيلم انه بيقننا اد ايه الامن المركزي كيوت
وحبوب وكاميل .. انا لسه ماوصلتش للفيناله بس متوقعه
ضحكات متقطعه شريرة .. واحنا كده احنا اسبرايت
January 23 at 10:50am

Hani Mosafa
أشعر أني أحمل فوق رأسى خبزاً تأكل الطير منه
January 23 at 9:58pm

Gamal Khoziem
احنا بنتكلم ثوره وبنكتب ثوره بس ما بنعملش ثورة
January 23 at 1:05am

Hala Mostafa ELzaghandi
مطلوب رجال
January 23 at 4:26am

Mai Abo Nawaia

وكل ظالم أو مظلوم هايكون له حساب

January 23 at 2:22am

عمرها الناس مبسوطة ما كانت likes مصر



90

عرفت الاجابة من تأفف الركاب وهما يبتزلوا باستسلام
عجيب واحد ورا التانى..

صوت السواق فوقنى من ذهولى... يلا يا آنسة... الآخر
آنسة؟! مين؟ انا؟ هنا؟ مش نازلة!!

الظاهر اصرارى شجع شوية ركاب يركبوا تانى!!

يهديك يرضيك!! ابدا!! الآخر يعنى الآخر!!

يعنى ايه؟ انزل اتوه ف الصحرا دى!!

دانا خفت اخذ تاكسى اقوم امشى على رجلى؟

سلبية الناس حرقت دمي اكتر!! صرخت وقلت كلام كثير
مش فاكرة نصه!!

انتهى بحلفانه بالطلاق ماهو موصلنى!!

لقيتني بقوله : بينا ع القسم!!.. الناس سمعت كلمة القسم

مسها ميت عفريت!!

قسم ايه بس!! انتى مش وش اقسام!! وصلها يا ريس طب

لاخر الشارع ده!!

حلفوه بعياله!! وكأنه لقي طريقة اللى يخلص مني بيها..

وانا لقيت حجة ترضى كبريائى.. طبعا لسة السجل بعيد!!

مشيت على وصف الناس بالكعب العالى حوالى كيلو وهناك
الاقى الموظفة بتقولى بكل براءة: ايه اللى جايبك هنا.. انتى
تبع الدراسه!!!

مسكتنى كريمة ضحك معجونة بشتايم من اول الراجل الكباره
لغاية البلد بنت ال... ولا بلاش
المهم رجعت الكيلو تانى قفايا يأمر عيش ورجلى مفأفأة عندى
رغبة عارمة احط الشوز تحت باطى زى شويكار وامشى
حافية.

لغاية ما لقيت ميكروباس..
وقبل المترو يجى بنص كيلو نزلنى الميكروباس
ماتفاجئتش.. ورغم انى بموت م التعب وحالى اصعب م المرة
الاولى... إلا إني... ماعترضتش
نزلت زى الشاطرة ورا الناس المستسلمة
بصرache.. كنت خلاص.. مافياش حيل اهمس.. مش اعترض و
اتخانق!!

يااه!! هى دى بقى الزتونة!!

Like comment share


--



مصر —

أنا نازل يوم 25

Status Photo Link Video Question



Hala Mostafa ELzaghandi

مش هتخاف مش هتطاطى.. احنا كرهنا الصوت الواطى..

اللى نازل بكرة يرفع ايده

January 24 at 9:02pm

Ahmed Faheem

نفسى أتنفس نسيم الحرية

January 24 at 2:15am

Ahmed Yehia

رکز..... FOCUS

January 24 at 4:44am

Lamiaa Sabry Eltawel

يمكن شراع.. يمكن كفن.. يمكن وطن !!

January 24 at 2:19pm

Alaa Ezzat

استرها علي مصر يارب

January 24 at 10:17pm

Shereen Talaat

الله كبير

January 24 at 3:16pm

Gamal Khoziem

لو معرفناش نغير ونتغير هيكون ايه مصيرنا؟؟

January 24 at 4:02pm

Doaa Yousry

إذا الشَّعْبُ يَوْمًا أَرَادَ الْحَيَاةَ فَلَا بُدَّ أَنْ يَسْتَجِيبَ الْقَدَرُ

January 24 at 3:06pm

Ahmed Faheem

نريد ان نجعل من قطرات دمنا ان سفكت، مهر لزواج مصر مع الحرية.. لو اصلحنا النوايا، سنربح في كل الاحوال ان شاء الله.

هام لكل المشاركين في مظاهرة ٢٥ يناير

- صلاة ركعتين بعد منتصف الليل بنية التوبة - فقد لا نعود آخر اليوم - والدعاء فيهما بالأمن لمصر بأن يصر الله لها الخير حيث كان .
- استحضار نية الجهاد ولنجعل خروجنا هذا اليوم لله عز وجل وتعبيد النوايا مثل الاصلاح والأمر بالمعروف والنهي عن المنكر والوقوف في وجه سلطان جائر وعدم السكوت عن الحق.
- قراءة الأذكار قبل الخروج والاكثار من الاستغفار وطلب العون من الله عز وجل
- التجرد من أهواء النفس وإخلاص النية والقصد فخروجنا لخدمة بلدينا فقط وليس سمعة ولا لتحقيق مجد شخصي أو اظهار بطولة أو الانتصار لتيار بعينه .
- لابد ان نعلم أصحاب الدعوات ... فنحن نطلب حقنا بقوة بلا بداية أو تجريح لأشخاص أو هيئات ولا لخدمة أي شخص في المعتمكات العامة أو الخاصة ... ولا نعتدي على أفراد الأمن بالقول أو بالكتابة ...
- لا يجب ان نصيبنا بالفرور أو الاحباط

برجاء النشر...

Wall Photos

January 24 at 2:56pm

Ahmed Sultan

بقينا عايشين في كلام.. نائمين ف كلام.. ساكتين في كلام ..

كل حياتنا بقت كلام ف كلام ف كلام

أنا نازل يوم 25 يناير

January 24 at 5:47am

Engy Mohy Eldin

بكره انشاء الله الساعة 2 الظهر فى ميدان مصطفى محمود ..
كلنا هنتقابل مع بعض .. ايد واحدة .. يوم سلمى .. بكره
مش هو ده الثورة .. مش هو اليوم اللى هنعير فيه كل حاجة ..
بكره بداية النهاية .. بكره لو فضلنا صامدين مهما الأمن
عمل فينا وفضلنا بنطالب بحقوقنا ...
هتبقى أول خطوة حقيقة فى طريق التغيير (أسماء محفوظ)



اخر كلمة قبل 25 يناير أسماء محفوظ

www.youtube.com

January 25 at 01:20am

ليه تتظاهر لحد مبارك ما يمشى؟ likes مصر



ليه تتظاهر لحد مبارك
ما يمشي؟

on Wednesday, January Haisam YehiaBy
19, 2011 at 6:14pm

لأن أي شخص في الدنيا يشرب ميه عشان ينصف كليته،
وانت المية اللي في الحنفية بتهري كليتك!
لأنك بتشتغل زي الكلب عشان تعيش عيشة معقولة
لأنك عارف وبتقول ان البلد كلها حرامية
لأنك زهقت من التصريحات اللي لا ليها طعم ولا لون..
لأنك زهقت من شكل الرئيس
لأنك وقفت ذليل في سفارة دولة عشان الفيزا وبصيت بحسد
للناس اللي بتدخل أي بلد بياسبور وبس

لأنك حاسس ان بلدك بتخدم اسرائيل وامريكا اكثر ما
بتخدمك انت

لأنك عندك سيناريوهين في البلد: يا إنت مفشوخ وعائش
عيشة ضنك. يا إما عائش عيشة كويسة وحاسس بذنب ابن
كلب

علشان بقيت كبير وقربت علي التلاتين ويتقلك انت عيل
ومش فاهم حاجه احنا بنفهم احسن منك

علشان البلد دي الي يشوفها من فوق غير الي يشوفها من تحت
لأنك مسيحي وحاسس بالظلم والاضطهاد وبقيت بتخاف
تزل الكنيسة في عيدك

لأن ليك صاحب او جار اتمسك لانه بدقن واتسجن و

اتعذب ورجع بعد شهر او سنين

لأن في ع الأقل واحد من عيلتك او معارفك عنده فيروس
كبدي او سرطان

لأنك اتطلب منك تحفظ اجابة نموذجية عشان الإمتحان

و كنت بتحفظ مواضيع تعبير عشان تنجح

لأنك وقفت مرة في طابور عيش اكثر من ساعة

لأنك بتتم معاملتك اسوأ من أي اجني في بلدك او بره
لأن المصريين بيحسوا جواهم انهم اقل من الأوروبي والخليجي
والشامي والأسوي

لأنك بالنسبالك مصر يعني منتخب وكورة
لأنك بتناق وترشي غصب عنك الضباط وامناء الشرطة
والمرور عشان تعرف تعيش
لأن مالکش مكان في الشارع تقف فيه تشم هوا من غير ما
حد ما يوقفك

لأن امك او اختك او مراتك او حبيبتك او جارتك او
صديقتك حد اتحرش بيها في الشارع
لأنك اتمرمت في المحاكم عشان تاخذ حقك مرة.
لأنك لو حصلك حاجة .. أخر حاجة ممكن تفكر تعملها هي
إنك تتصل بالشرطة

لأنك لما بتصور أو تلعب مزيكا في الشارع بيوقفوك،
لما بتحشش بيسيوك

لأنك مرة اتعمل فيك محضر في القسم واتبهلت
لأنك مرة جربت تدخل قسم تعمل محضر انت فيه مدعي

وبرده اتبهدت

لأنك ممكن تشتري ارض ويطلع عليها ناس بوضع اليد
يستولوا عليها وحلني بقى

لأنك اتزنقت كثير في المرور ساعتين عالأقل عشان تشريفة او
حادثه او بدو ن أي سبب

لأنك بتخاف تروح المستشفى وتعرف حالات ماتت من
الإهمال وجهل الدكاترة

لأنك تعرف ناس اتولدوا وماتوا وماشافوش غير رئيس واحد
لأنك مقتنع ان الضرايب أتاوة ولا ليها اي عائد عليك
لأنك بتستعر أنك مصري.. ولو معاك جنسية تانية بتبرزها
كانك مولود بيها

لأنك فكرت واتمنيت مرة ع الأقل تهاجر وتسبب البلد للأبد
لأنك مرة نطيت فوق بركة ميه بعد المطرة او مشيت وسط
الصرف عشان طفح المجاري

لأنك - للأسف - اقل من غيرك كثير في التعليم والثقافة و
النضافة والسعادة

لأنك سافرت بره في دولة عربية او اجنبية وشفيت ازاي ان

كلمة مصري بقت شتيمة
لأنك فتحت مرة تليفزيون او جرنان لاقيت ناس بتقول ان
مصر متقدمة في كل المجالات
لأنك فكرت مرة تنتخب زي ماقالوك مالقتش حد يستاهل
صوتك

لأنك نزلت مرة تنتخب زي ماقالوك اتضربت
علشان لما تروح تنتخب تلاقي اسمك متعلم عليه انك جيت
وانتخبت من الصبح
لأنك دخلت جيش بالسخرة من سنة لثلاثة او اتمنعت من
السفر

لأنك لما بتسافر على طريق بيبقى دايما في احتمال ان ممكن
تموت في حادثة
لأنك وقفت بالساعات مستنى اوتوبيس حايفرقع من الناس او
لأنك جريت ورا ميكروباص واتخانقت وسط الزحمة عشان
تركب

لأنك اتخرجت لاقيت احسن وظيفة بتلتميت جنيه في الشهر
وزيك مرططين في كل حطة

لأن كليتك كانت وقت ضايع وجامعات العالم بتطلع زعماء
سياسيين واصحاب شركات بيتحكموا فيك
لأنك دخلت كلية ماكتتش عايزها عشان مجموعك
لأن مدرسيك في المدارس والجامعات كانوا بيعاملوك على انك
زبون درس خصوصي
لأنك في المدرسة كنت قاعد ٣ في تحتة واحدة وكنت
بتتضرب اكر ما بتتعلم
لأنك عمرك ما بتترل من بيتك غير وبطاقتك في جيبك خايف
تتوقف تحري
علشان الاطفال الي بيتولدو بتشوهات وعندهم السرطان و
بنشحت علشان نعالجهم
لأن قش الرز بيتحرق في الدلتا وتشم دخانه في وسط القاهرة
عادي جدا
علشان بدل ما نزرع قمح بترع كيوي مع ان 90% من
المصريين ميعرفوش ايه الكيوي
عشان ببساطة بقيت بتتكسف تقول إنك من مصر
لأنك مالكش دية! حي، عيان، غرقان، محروق، مسافر، عاطل...

أنت مش فارق مع حد
علشان الحكومه تبطل تذلنا بالدعم الي بتدفعو من جييك علي
شكل ضرايب
لأن النظام اللي محققش حاجة في 30 سنة مش هيحقق حاجة
ليوم الدين
لأني ست وبعاني من افكار متخلفة حولية وافكار مبتتغيرش
علشان مافيش تعليم او تنوير
لأن الرغيف ابو 5قروش الفراخ مبرضاش تاكله وبرده الناس
بتقف بالطابور ومش بتلاقيه
لأن التعليم بقى إجراء صوري والجهل بقى هو الحالة العامة
حتى وسط المتعلمين
لأنك علشان تعمل بطاقيه او تخلص ورق لازم تغمز
الراجل ب20 جنيه علشان يمشي الورق
عشان لما تعدي ادام مكتب تموين تلاقي الست بتتحايل على
الولد يديها الزيت قبل ما يخلص... عارف زيت التموين؟
علشان الحكومه تبطل تذلنا بالبنيه التحتيه إلكي هي خربانه
برضه

لأن واضح قوانين مكافحه الاحتكار هوا اكبر محتكر للحديد
في مصر

لأنك بتحب البلد دي لسبب انت مش عارفه ولا فاهمه برغم
كل اللي فات
لأنك بتقول لنفسك ووسط صحابك : امتي مبارك يموت
بقى؟

شيله انت!!

لأننا تخلفنا في الشكل والمضمون
علشان زهقنا وقرفنا وكفرنا خلاص

Like Comment Share



ثلاثاء الغضب مصر Is Attending

Time:: 25-يناير-2011

Location: مصر

Created by: شباب الفيسبوك

More info:

اليوم الخامس والعشرون من يناير هو اليوم الحاسم لصراعات
شباب الفيسبوك حول قدرتهم على إحداث تغيير على أرض
الواقع... اليوم الحاسم لصراعات احتدمت بداخلهم ما بين
اليأس والأمل.. الاستسلام أو مواجهة الموت...

هل يستجيب الشباب لدعوة خالد سعيد، حركة 6 أبريل
وحملة التغيير للبرادعي.. هل يستجيب لنداء انطلق مدوياً
بداخلهم مع انتصار ثورة الياسمين؟ هل هي الثورة؟

Status Photo Link Video Question

Hala Mostafa ELzaghandi

ركعتين الفجر ودعوة م القلب لمصر.. يارب

January 25 at 5:48am

Ophilya Atef Beshay

الكنيسة تضرب.. انزل انتظاهر...يمنعوك من بناء كنيسة..
انزل ولع الدنيا.. انما ظلم وفساد وقانون طوارئ وفقر وغلاء
اسعار... اقفل عليك وصلي وادخل نام!!!!

January 25 at 2:14pm

Ahmed Yehia

ان شاء الله..محدث يخاف..احنا الأقوى..اللي عايز يتزل حتي
لو تحت بيتك بس اعمل حاجة

January 25 at 2:15am

Ahmed Sultan

الناس اللي كانت بتخرج من بيوتهم ويتلطعوا على باب اي وزير ولا عضو مجلس شعب بالساعات عشان يشغلهم ولا يشغل عيالهم.. اللي اتخانقوا على مين يشيل جزمة الباشا.. لك تخرج النهاردة ولا انت استحليت الذل

January 25 at 4:04am

Mahmoud Barakat Hassan

أعوذ بالله السميع العليم من الشيطان الرجيم:
"الَّذِينَ قَالَ لَهُمُ النَّاسُ إِنَّ النَّاسَ قَدْ جَمَعُوا لَكُمْ فَاخْشَوْهُمْ
فَزَادَهُمْ إِيمَانًا وَقَالُوا حَسْبُنَا اللَّهُ وَنِعْمَ الْوَكِيلُ" 173 آل عمران

January 25 at 11:41pm

Mahmoud Barakat Hassan

ملحوظة بسيطة... كل ثورات العالم قام بها ما لا يزيد عن 7
من الشعب... لو تخيلنا 1% فقط في مصر نزلوا.. يعني حوالي
نصف مليون.. طوفان من البشر... القوة أحياناً تكون بالعدد..

January 25 at 11:53pm

Mai Abo Nawaia

بدء التظاهرات فى المحلة.. انصرنا يارب.. شرفك يابلدى
سحابه وتعدي

January 25 at 12:36am

Tarek El Arabi

اللهم ثبت أقدام كل من خرج لنصرك.. اللهم كن لهم ومعهم
..اللهم عليك بنصرهم...وأنت نعم المولى ونعم النصير

January 25 at 3:22pm

Mohammed Abdel-mordi

ولا قناة جايبة الأحداث ... ايه التعقيم ده ؟؟؟

January 25 at 3:25pm

Lamiaa Sabry Eltawel

افتح بي بي سي أو سي إن إن..

January 25 at 3:10pm

Maii Abd-Ellatif Khater

النيل للأخبار تغطي أخبار التظاهر في لبنان D:

January 25 at 12:10am

Maii Abd-Ellatif Khater

on tv تغطية إعلامية للحدث

January 25 at 6:40pm

Mohammed Abdel-mordi

إذا الشعب يوما أراد الحياة... فلا بد أن يضربه الأمن المركزي

January 25 at 3:11pm

Wessam Elshafey

استرها يا رب

January 25 at 10:28pm

Ahmed Abdel Moneam Masoud

مازال هناك شرفاء من الأمن المركزي
مؤكد | بعض ضباط الأمن المركزي يخلعون ملابسهم الميري
ويشاركون الجماهير

January 25 at 6:24pm

Ahmed Abdel Moneam Masoud

نظراً لتعذر الوصول إلى المتظاهرين في التحرير لقطع
الاتصالات بهم.. نرجوا من أي أحد يعرف يتواصل معهم
يقولهم الآتي:

الذهاب فوراً إلى مبنى ماسبيرو وصعود الدور الثالث وإذاعه أي
خبر عن سقوط النظام وأكد الكثير من ضباط الشرطة
الأشراف بأنه أول ما يتم الإعلان سيتم مباشرة التعاون مع
الشعب .

January 25 at 6:17pm

Mai Abo Nawaia

لما قامت مصر قومه بعد ما ظنوها نومه... تلعن الجوع
والمذلة والمظالم ... والحكومة

January 25 at 5:14pm

Lamiaa Sabry Eltawel

رسالة من المعتصمين في ميدان التحرير: كلنا موجودين في
الميدان مش هنتحرك وهنبات وهنكمل مظاهراتنا بكرة الصبح
رغم كل اللي بيعمله الأمن. اللي يقدر يتزل للناس دي يتزل،
اللي يقدر يجييلهم مية أو أكل يجيب، واللي ما يقدرش ينشر
ينشر الخبر دا وما يصدقش اللي بيتقال عن انهم هيمشوا أو
هيتحركوا من مكانهم

January 25 at 6:29pm

النهاردة لكن اللي مجننى لو حتى ده حصل ، الداخلية عرفوا
مين انه اخوان اذا كان مافيش حاجة اترفعت غير علم مصر و
مافيش اى شعار لاي حزب اتقال...هى الحكومة لقت نفسها
خسرانة.. قالت تكسب بونت من ناحية تانية!!؟

January 25 at 10:35pm

Alaa Ezzat

أعظم شعب لأنه قام ومش سيلي وعبد زي الكلاب ما كانوا
بيقولوا .. أعظم شعب لأن برغم مئات الآلاف اللي قامت
وطلعت محصلش أي تدمير أو تخريب أو سرقة أو سطو أو
تعدي علي ممتلكات.. أعظم شعب لأنه قام من نفسه مش
تحت شعار أو حزب أو تنظيم.. أعظم شعب إنه عارف هو
عاوز ايه تغيير مش تدمير

January 25 at 9:31pm

Hala Mostafa ELzaghandi

الى ف التحرير وعائز شبكة يثرل نفق المترو يتكلم من تحت

... انشروا

January 25 at 12:03pm

Ahmed Faheem

المتظاهرين ليس لهم إلا هتاف واحد.. الشعب يريد إسقاط النظام..

January 26 at 1:47am

Mohammed Abdel-mordi

بينادوا يقولوا (بيننا يا جدع هنبات في الميدان والجدع جدع و الجبان جبان).. ارحل

January 25 at 12:56pm

Mohammed Abdel-mordi

تابعوا الجزيرة.. هي الوحيدة اللي جاية الوضع دلوقتي..
والله مضطرين عشان فيه تعقيم

January 26 at 1:10am

Khadiga Abdel-hay

طبعا مش محتاجين نقول للي هيتابع الجزيرة أن دي قناة
صهيونية 100% حط في اعتبارك إنهم هيلعوها

January 26 at 1:30am

Belal Shereef

على فكرة الجزيرة دي القناة الوحيدة اللي بتفضح النظام واحنا
للأسف مش عاوزين نعترف بكدة وبعدين الاصل
ان احنا عاوزين نولعها عشان النظام يغووووووور

January 26 at 1:10am

Ahmed Faheem

الجزيرة مباشر عرضت مناظر طحن في التحرير بالليل..

لسه شغالة لسه شغاله

January 26 at 2:48am

Hala Mostafa ELzaghandi

رجاء النشر...

لتقليل أثر الغاز المسيل للدموع إربط قماش مبلول علي الفم
والأنف

January 26 at 12:00am

Muhammad Barakat

"لا تجتمع أمتي على ضلالة"...

صدق رسول الله صلى الله عليه وسلم

January 26 at 2:56am

Mohamed Rafie

ظهرَ الجندُ دائرةً من دروعٍ وخوذاتٍ حربٍ ها همُ الآنَ
يقترِبونَ رُويداً... رُويدا يَجِيئونَ من كُلِّ صَوْبٍ والمغنونَ في
الكعكةِ الحجرِيَّةِ _ ينقبضونَ وينفرجونَ كنبضةِ قلبٍ يُشعلونَ
الحناجرَ يستدفئونَ من البردِ والظلمةِ القارسةِ يرفعونَ الأناشيدَ
في أوجهِ الحرسِ المقترِبِ يُشبكونَ أياديهمُ الغضَّةَ البائسةَ لتصيرَ
سياجاً يصدُّ الرصاصَ الرصاصَ الرصاصَ وآه... تغنُّونَ: نحنُ
فداؤُك يا مصر نحنُ فداؤُ وتسقطُ حنجرَةٌ مخرَّسة

January 26 at 3:25am

Basma Elmoor

واحد كان ييحميني من الشظايا باقوله انت مين؟
قال لى أنا مصرى زيك.. لقيت نفسى باعيط.. شكرا

January 26 at 2:31am

Ahmed Sultan

لو طلع علينا النهار في ميدان التحرير.. كان الموقف هيتغير
تماما.. انما انا بجد مبسوط بكل الشباب اللي قابلتهم في وسط
البلد النهاردة

January 26 at 3:55am

Ahmad Alharoon

ولاد ال...رموا علينا القنابل المسيله للدموع زى المطرة في
التحرير .. بس فيه كلام ان لسه فيه مظاهرات في ماسبيرو
ورمسييس .. يارب بس يكملوا للصبح وساعتها الوضع
هيتختلف

pmJanuary 26 at 3:47

Hala Mostafa ELzaghandi

من كام يوم كتبت :مطلوب رجال وربنا استجاب وبعث
جال وشباب الفيس بوك.. وبما انى طمعانة فى كرم ربنا....
اتمنى اشوف بكرة صنايعية وعمّال وستات بيوت

January 25 at 11:27pm

Tarek El Arabi

قاب قوسين او ادنى

January 25 at 7:09pm

Mohamed Ahmed

ياريت الكل يفتكر ..
(الاستمراريه فى كل شئ هى طريق النجاح)

January 26 at 1:10am

Ahmed Yehia

تصبحوا علي بلد حرة

January 26 at 3:54am

احب اقول لأي حد قعد انهاردة في likes مصر
البيت يتفرج علينا فالتلفزيون

الشعب.. يريد.. اسقاط النظام likes مصر

يوم الغضب likes مصر



احب اقول لأي حد
قعد انهاردة في البيت
يتفرج علينا فالتلفزيون

on Wednesday, Ahmed Yehiaby
January 26, 2011 at 1:55am

احب اقول لأي حد قعد انهاردة في البيت يتفرج علينا في
التلفزيون انهاردة.. كنا عشرين الف واحد بيهتفوا بصوت
واحد بحرية بلدهم في ميدان التحرير
انا كنت بهتف وورايا مش اقل من 10 الاف واحد كنا
بنجري ورا الأمن المركزي وجريناهم زي الكلاب قدامنا..
خطفنا عربية اسعاف وسقناها .
راجل عندوا 50 سنة قال لي لما تحرروا البلد لازم تجمعونا في
ميدان وتخنقونا عشان جيلنا ساب البلد يحصل فيها كدة.....
انتو ارجل مننا يا بتوع الفيس بوك.
الشعب يريد اسقاط النظام....تغيير حرية عدالة اجتماعية

.. قلنا كل حاجة من قلبنا

بكرة كلوا يترل بقي ..لو بقينا كثير محدش هيعرف يسكتنا..

احنا اقوى.

Like comment share



الشعب...

يريد...

إسقاط النظام

by رصد on Tuesday, January 25, 2011 at
11:46pm

رواية احد الشباب عن المظاهرة

الشعب... يريد... إسقاط النظام

انا لسة راجع من المظاهرة، تعبان جدا وعندى برد من المية

اللى رشوها علينا، ده كله مش مهم، اللى شفته لازم يتحكى،

ويتنقل بين الناس كمان.

انا مش هاكتب بالفصحى، مافيش حيل.

اللى شفته النهاردة كان سلسلة من المفاجآت العظيمة،

العظيمة بمجد.

المفاجأة الاولى: عدد الناس كان كبير جدا زى ما شفتوا على

التليفزيون، كله كان فاكر انه رايح لوحده، والباقي كالعادة

قاعد فى البيت، بس لأ، مش ده اللى حصل.

المفاجأة الثانية: ان معظمهم شباب، وفراير، بتوع الفيسبوك،

شكلهم يدل على راحة مادية نسبيا، وناس كتير من مهن

كتير، شفت زملاء فى الكلية ماشفتهمش من عشر سنين فى

المظاهرة دى، غريبة ان دول اللى نزلوا مع انهم فى معظم

الاحوال مش مطحونين أوى زى بقية الناس.

المفاجأة الثالثة: على الرغم من ان معظم الناس شباب بس كان

فيه كبار وستات فى الخمسينات وما شيين على مهلهم كده،

ومش قليلين، كتار، وكان فيه ناس ماشيين بولادهم.

المفاجأة الرابعة: كان فيه بنات معانا، أو عشان أكون دقيق

كانوا اكتر مننا فى الجروب بتاعنا، وبنات فرافير من اللى

تشوفهم فى الشارع تقول دول متربيين فى شرققة دهب،

وما يعدوش الشارع لوحدهم، بس ايه رجالة، وجدعان،

بنات بس رجالة، مش عارف ازاي.

المفاجأة الخامسة: كنا خايفين على البنات ان حد يتحرش بيهم

، ما حدش، كله كان محترم، وخايف عليهم اكتر مننا، ده

دليل ان التحرشات اللى بتحصل من مدسوسين من الداخلية.

المفاجأة السادسة: ما فيش عنف، خالص خالص، ولما ناس

بدأوا يهاجموا عربيات الامن المركزى اللى رشوا علينا مية، بدا

كله يهتف: سلمية، سلمية، سلمية.

المفاجأة السابعة: لما وصل الاعتصام التحرير وقعدنا فى

التحرير، فيه ناس بعد كده بدأوا ينظفوا الميدان من المخلفات

عشان الناس تعرف اننا متحضرين.

المفاجأة الثامنة: بصيت على الحطة اللى كنت فيها فى الميدان

لقيتها نضفت فعلا!

المفاجأة التاسعة: بنت معانا ماكتتش اعرفها بتحلف بالمصحف

وبالنبي عرفت انها مسيحية، الغريب انه ما باناش!!! ليه؟ عشان

كلنا بنحب بلدنا وبنهتف عشان تبقى احسن، فما بانتش

الفروق الطفيفة دى.

كله يتجمعوا ويصلوا جماعة.

المفاجأة الثالثة عشر: شباب مصر شباب زى الفل، من غير

مبالغة، وبكل ما فى الكلمة من معان: شهم، جدع، ييحب

بلده، واعى وفاهم جدا، وربنا فى قلبه.

المفاجأة الرابعة عشر: أقوى هتافات كانت بتجمع الناس كانت

هى الموجهة لمبارك، والنظام، الشباب فاهمة أوى وعارفة

فين المشكلة، الهتافات الثانية ماكانتش بتلاقى نفس الحماس.

المفاجأة الخامسة عشر: شفنا ابراهيم عيسى والناس بتشيلوا

على الاكتاف، وجهم ليه ظاهر وواضح، وقابلت نواره نجم،

وسلمت عليها، وكانت مدمعة من الفرحة من جمال وبهاء

اللى شايفاه، فعلا، المحترم محترم فى كل حاجة، واللى بيرضى

ربنا مش نفسه، ربنا بيديله كثير، كثير أوى.

المفاجأة السادسة عشر: احنا بفضل الله خيطنا الجيزة، وكل ما

يحاولوا يوقفونا يلاقوا العدد كبير ويفتحوا، مصطفى محمود،

شارع جامعة الدول ذهابا وايابا، البطل احمد عبد العزيز،

ميدان الدقى،، شارع التحرير، الاوبرا، ميدان التحرير..

كثير كنت باحس انى خايف ومش عاجز اتضر، بس مافيش

خيار آخر، ده باطل وظلم، ولازم نحاربه، ربنا أمرنا اننا نحاربه

، لانه مش خالقنا اعتباطا، لو كان خالقنا عشان نعبده و

نستمتع بنعمه، وخلاص، يبقى فين الفائدة، ربنا خالقنا

عشان نعمر الارض، ونستعمل نعمه فى ان احنا نحارب

الظالمين وننشر العدل، وهو قالنا من الاول، عمرك و

رزقك بايدى.. مش بايد حد تانى، انطلق انت بأه ولا يهملك.

اكسر خوفك وانضم للي بيدافعوا عن الحق،

مسلمين أو مسيحيين، مش بتحلم ان ولادنا يكبروا فى وطن؟

يكون همهم اختراع كبير بيعملوه فى جامعة محترمة، أو كتاب

معقد بيألفوه، بدل ما احنا مستهلكين فى العيشة واللى عايشينها،

و الشغل التافه اللي كلنا بنعمله، ايوه تافه، انت يا الا دكتور

عارف انك اتعلمت اى كلام وبتوع بره احسن منك بمراحل

او مهندس زبي ما يحلمش انه يعمل شىء معقد، كل اللي بيعمله

اتعمل قبل كده خمسين مره مع فرق التفاصيل الغير مهمة، ولو

عايز فلوس اشتغل فى البيع واللا التسويق،

أوتلاقيك بتعلم فى جامعة وعارف ان اللي بتعلمه مضى زمنه

وحتى لو كان كورس كويس انت متأكد ان تلاميذك مش

هايشغلوا بربعه، لانهم هايخرجوا يشتغلوا فى الكلام الفاضى

اللى احنا بنشتغل فيه (ده لو اشتغلوا) ..

ما عندناش ناسا ولا هارفارد ولا كليفلاند ولا ام أى تى، انسى.

انا لما بابص لابنى اللى عنده شهر بافكر لو ريته كويس هل

ينتهى زى، مشغول بالقرف اللى بيحصل، وغالبا هينضم

لاى حركة، عشان يطلع الغل اللى جواه، والله أعلم ايه

اللى هايحصله، يا الا اربيه أى كلام فيطلع حرامى أو حزب

وطنى، يا الا يسافر واشوفه كل سنة مرة، يا الا اتكل على

الله واحاول انى اصلحه البلد.

الاخبار ان الامن فض الناس فى ميدان التحرير، ما اعرفش ايه

الى ها يحصل بكره أو بعده أو بعد شهر، الناس دى زينا،

بيتظاهروا عشان الظلم بيوجع، ويثلم، فيه ناس ماتت، وفيه

ناس اعتقلت ولسة هايكملوا، عشان الحرية والكرامة

طعمهم جيمسبيل، روح خليك معاهم، خليك مع

الحق، سواء فى ميدان التحرير، أو فى أى حته فى المستقبل، ما

تنساش ان كله بايد رب العالمين، رزقك وصحتك وعمرك،

ولو ما كانش الى ماتوا فى المظاهرات ماتوا شهداء النهاردة،

كانوا برضه هايومتوا فى نفس المعاد فى حادثة هابلة، أو أى

حاجة من الحاجات الى بتموت الناس فى مصر لاتفه الاسباب.

المفاجأة الاخيرة: نسيت أقولها معلش: مصر بلد محترمة شعبها

حى وبيتنفذ عشان كرامته، وظهر على الجزيرة أخيرا وهو

بيصرخ ويقول، وش كده من غير لف ولا دوران :

الشعب...يريد...اسقاط النظام.

Like comment share



يوم الغضب

on WednesdayBasma Elmorby

January 26, 2011 at 1:08pm

الساعة 3 العصر مظاهرة في شارع رمسيس تهتف بسقوط
حسنى مبارك وتتحرك بأعداد كبيرة دون حصار أمنى أخبار
عن مظاهرات بأعداد كبيرة فى البطل أحمد عبد العزيز وناهايا
والقصر العينى الساعة 4- شبرا:وصلنا لقينا الأمن مكردن
شارع خلوصى،لفينا من الشوارع الجانبية ودخلنا الشارع
مالقيناش مظاهرة والناس واقفة تتفرج والأمن يستعرض
عضلاته

وبعد شوية جه لورى محمل بلطجية ونزلهم مع أن مكانش

فى حد بيهتف أو بيتظاهر والناس قالوا ان كان فى مظاهرة

وفرقوها فى الشوارع الجانبية وقبضوا على ناس.. وصلت أخبار

أن الناس بتتجمع فى التحرير..

مشينا برة فى شارع شبرا وكل ما نقول لتاكسى تحرير يسيينا و

يمشى.. قلنا لواحد اسعاف ولما ركبنا قالنا التحرير مقفول

قلنا له بس قربنا لهنالك نزلنا ف طلعت حرب ومشينا لحد

الميدان..

الميدان مليون بشر بالآلاف بيهتفوا وشايلين لافتات والأمن

محاصر الميدان بس سامح للناس تخرج وتدخل فرادى من

الكردون من ناحية طلعت حرب وقصر النيل لكن قافلين

القصر العينى تماما..

فودافون كانت شغالة لحد تقريبا الساعة خمسة بعد كدة وقعت
كان في شبكة لكن كان الاتصال غير مسموح، بس ساعات
كانت الشبكة بتيجي لدقيقتين ثلاثة وتقطع تاني اللي كان
معاهم موبينيل قالوا الشبكة وقعت تماما ومارجعتش أبدا و
اتصالات كمان قطعت بس كانت أفضل نسبيا برضو ساعات..
الناس في الميدان كانوا ظاهرة مدهشة من التحضر والذوق الكل
بيسأل على اللي حواليه ويحاول يساعدهم..
التهتافات كلها تدعو لإسقاط النظام واللافتات كذلك عدد
الناس كان بيزيد بالتدريج بالذات من جهة كوبرى قصر
النيل .. كل فترة كان بينضم ناس عشرات أو مئات ولما كان
الأمن ييمنعهم كان الناس بيتجمعوا بعدد كبير تجاه الكردون
يفكوه ويدخلوا اللي جاين ينضموا لنا من برة ونستقبلهم

بالهتاف والتصفيق وإشارات النصر..

ناحية عمر مكرم والقصر العيني كانت مقفولة تماما وعدد

المتظاهرين كان قليل في الجهة دى من اتجاه رمسيس كان

المتظاهرين حاطين حواجز ولما عربية أمن مركزى تحاول تخش

كان الشباب ينطوا على العربية ويصفروا ويندهوا الناس للجهة

دى ويجبروا العربية على التراجع ده حصل كثير يمكن خمس

ست مرات قدامى ..

ماكانش فى أى هتافات دينية أو حزبية اللافتات بتقول:

ارحل يا جمال مع بابا ,مبارك Game over

ارحل , أرض الدولة دى أرض مين

مجموعات من الشباب بتغنى:الجدع جدع والجبان جبان

بالليل بقت تغنى وتضيف:

واحنا يا جدع هنبات فى الميدان

انتشر هتاف بقى بيتردد اكتر حاجة:

الشعب.. يريد.. إسقاط.. النظام (بالفصحى)

ناس متلفعة بعلم مصر أو رافعا واحد متلفع بعلم تونس

التهتافات مستمرة بلا انقطاع والمحلات فى الميدان مقفلة إلا محل

واحد كان ممكن ناس تخرج كأفراد لوسط البلد عشان تخش الحمام

أو تجيب أكل ومية للناس بس المحلات كانت أغلبها مقفل

واللى فاتح قال أن جاله أمر بالقفل.. الناس بقت توزع

كشرى وسندوتشات وقزايز وبعد شوية بطاطين وكمامات مبلولة

بخل والكل مقرر يبات..

كان فى ناس معاها ميكروفون ساعات بتتكلم وساعات تغنى وفى

مرة حوالى عشرة حذاشر بالليل واحد قال: سوف يهاجمونا

في منتصف الليل فاصمدوا.. بعد كدة بشوية بدأت بعض
الناس تمشي من ناحية قصر النيل.. والعدد قل شوية في
الجهة دى... الشباب بقوا يندهوا على الناس تتلم عشان
تقفل الأطراف وما تخليهومش يضيّقوا علينا الكرّدون.. لكن
الأعداد في الجهتين دول كانت قليلة بعد الجزء اللي مشي
وفضلت الكتلة الكبيرة في الميدان ناحية طلعت حرب ووسط
البلد.. لما كان العدد ضخم جدا مكانوش عارفين يعملوا
حاجة.. بس المشكلة أنهم فصلوا المتظاهرين عن باقي العالم
بقطع الشبكات وحصار المظاهرات المنتشرة في أحياء ومدن
البلد فتوقف العدد عن التزايد لفترة ثم نقص جزء منه وهنا..

بدأت الحرب!!

الساعة 12 ونص

قنابل غاز مسيل للدموع والدخان

قنابل تنفجر بشظايا تصيب بجروح

اصوات الاسعاف تدوى كأنها اصوات انذار بالحرب صوت

طلقات ومزید من الدخان

باقوله انت مين؟ قال لی أنا مصری زیك..لقيت نفسی باعيط

(كان بيحميني من الشظايا)..شكرا

محاولات للصمود..محاولات للاحتماء بأى شىء سور مدخل

المترو مثلاً..الدخان يتزايد لا نرى شىء

نتحرك فى اتجاه قصر النيل كردون الأمن يغلق الكوبرى وعددنا

قليل نتجه ناحية الكورنيش الأمن يغلق السلم ومجموعة من

الناس تهتف ارجع دول بيضربوا رصاص مطاطى على الناس

الى كانت بتهتف قدام الحزب الوطنى

في كل حركة في كل اتجاه العدد يتناقص حتى اصبح الناس

أفراد أو اثنين ثلاثة ..

الشوارع برة كأن مافيش حاجة العربيات ماشية عادى المحلات

فاتحة! لكن عربيات الأمن المركزي منتشرة بطول الشوارع في

كل اتجاه.. طوابير أمن مركزي عند مداخل ومخارج الكبارى

كلها عدد عجيب كانوا اكثر من الناس!!

الأخبار أن الاعتصام اتفض طب بكرة؟ طب الناس؟ لسة

الأجابة مش واضحة

ملحوظة: أفضل نصيحة اقفل مناخيرك واتنفس من بقلك

Like comment share



مصر -
وسقط جدار الخوف

Status Photo Link Video Question

Hala Mostafa ELzaghandi

الى مكانش مصدق امبارح او كان خايف او بيترياً علينا..
يصلى الفجر ويدعى لمصر ويتزل الشارع ..و المسامح كريم

January 26 at 5:47am

Ahmed Abdel Moneam Masoud

زجاجة إسبراي أسود بسببه جنيه ونص - لشل حركة
المصفحات عن طريق رش الزجاج الامامي فمش يشوفوا
حاجة..كوفيه ..

..نضارة بحر وسدادات أنف - لالتقاء الغاز المسيل للدموع -
.. أداة دفاع عن النفس .. جهز نفسك للإشتباكات ..
على بركة الله

January 26 at 11:31pm

Mohammad Mohsen

مش هنتخاف

January 26 at 11:49pm

Hala Mostafa ELzaghandi

خلاص حسينا باحساسيس الابطال ..

مش هينفع نرجع تاني نخاف

January 26 at 6:31am

Maii Abd-Ellatif Khater

فاكرين لما الشعب اتغرب جوه ف بلده ..

يا رب تصبح ذكرى يتحاكى بها

January 26 at 9:49am

Hala Mostafa ELzaghandi

كان في روح عجيبة امبارح مش عارفة اوصفها، غير الجراءة و
الشهامة وخلافه.. كانت الناس حنينة على بعضها.. لو حد
حدع الارض يوطى عليه عشرة يطمنوا، لو حد خبط حد
وهو بيجرى يلتفتله ويقوله آسف وهو بيضطرب عليه.. لو
جرينا من القنابل او الرصاص المطاطى تلاقى كل واحد خايف
على اللي ادامه ويحميه بظهره.. لما غنينا بلادى غنينا رغرغت
.. لقلب بقى فيه خشوع ورقة عجيبة ماعشناهاش من زمان

January 26 at 7:43am

Ahmed Foud Eldin

النظام الأميركي يبدو خائفاً على عميله في مصر وأوباما يرفض
التعليق على الثورة المصرية في خطابه الصباحي

January 26 at 9:06am

Hala Mostafa ELzaghandi

انا نازلة دلوقتى ومش عارفة مين جاى معايا من اللى اعرفهم
لو حد نازل يكلمنى...لازم نمشى فى تجمعات

January 26 at 9:53am

Ahmed Sultan

يا تترل معانا الشارع يا تعملي ريموف من عندك، يجد كل واحد
بيفرق.. احنا محتاجين كل الناس معانا ف الشارع ..
وانت محتاج أنك تكون في وسطهم أكثر ما هما محتاجينك..
دي مجرد بداية

January 26 at 1:23pm

Maged Maher Wadie

يا جماعة.. عماد عادل البطل كان كالعادة مع المتظاهرين في
التحرير.. ياريت أي حد ليه اصدقاء او معارف في الشرطة يسأل

January 26 at 3:55pm

Mohammed Abdel-mordi

الأمن يمنع توقف قطارات المترو في محطة التحرير "السادات"

January 26 at 3:55pm

Mohammed Abdel-mordi

مؤكد/مظاهرة من ألفين شخص بشارع محمد فريد والاعداد

في زيادة

January 26 at 4:01pm

Basma Elmoor

بيضربوا الناس في رمسيس شكلهم جاين من عند نقابة الصحفيين

January 26 at 4:41pm

Mai Abo Nawaia

هما دول مصريين طب ازاي؟!!



الكاتب والصحفي وعضو نقابة الصحفيين

المحترم محمد عبد القدوس في لحظة اعتقاله

January 26 at 8:25pm

Ahmed Abdel Moneam Masoud

غسل الوجه بالكوكا كولا يزيل مفعول القنابل المسيلة للدموع ..

جرّبنا هذا في تونس حتى باتت قنابلهم بلا جدوى

January 26 at 3:47pm

Ahmed Abdel Moneam Masoud

الحلة:مش عايزينك مش عايزينك ارحل بقي يحرق مي***ك

January 26 at 5:40pm

Ahmed Foud Eldin

جوجل والجي ميل صعب فتحهم،تويتر والفيسبوك بقي بطيء

قوي

January 26 at 4:54pm

Lamiaa Sabry Eltawel

لو الفيس بوك مش شغال عندك افتحه عن طريق البرو كسى

January 26 at 2:31pm

Amir Boshra

يا خدام لو سمحت بلاش ندخل الدنيا في بعضها عمر ما كان

المسيحيين على مر العصور سلبين وجبناء زي العصر دا..
لا والمصيبة يطلعلونا بآيات من الكتاب وتأملات غريبة..
يا سلام.. عمرنا ما سمعنا انه فيه ف أي عصر الكنيسة منعت
الناس تترل تتظاهر

January 26 at 7:29pm

Hani Mostafa

أنباء غير مؤكدة عن تجمعات لألتراس الأهلي والزمالك لتنظيم
مظاهرة الآن.. لو عملوها يبقى الحسبة طبت يا رجاله

January 26 at 8:16pm

Hani Mostafa

أخبار مؤكدة.. جماعة الإخوان لم تشارك ولن تشارك بأى شكل
تنظيمي في المظاهرات.. وأفرادها يتحركون من منطلق وطني شعبي

January 26 at 9:40pm

Muhammad Barakat

قتلي في القاهرة، والسويس تحترق ولا حصر للقتلي والجرحي

January 26 at 10:15pm

Gamal Khoziem

تم الاحراق بالفعل و2 ماتوا من الشباب المتظاهرين

January 26 at 10:59pm

Mohamed Rafie

الرصاص الحى

January 26 at 10:28pm

Hani Mostafa

دخول التاريخ تم بالفعل بالأمس ولكن أن تكتبه بقلمك ..

فإن هذا للأسف سيحتاج دماء تملأ المحبرة

January 26 at 8:05pm

Noha Atef Soudy

استرها معانا يا رب.. بحق الادان ده

January 26 at 3:07pm

Maii Abd-Ellatif Khater

لاصحابي المقيمين بالخارج يا ريت تساعدونا بنشر أخبارنا..

أصدقائكم المصريين يتم قمعهم بشكل وحشي ويتعرضون

لاطلاق نيران

January 26 at 6:46pm

Mai Abo Nawaia

آلاف أمام نقابة الصحفيين "الآن" والأمن تنهك قواه،

ويقول للمتظاهرين "إحنا مانعناش من امبارح حرام عليكم "

January 26 at 9:36pm

Hani Mostafa

وصل الشعب فجأة الى نقطة اللاعودة.. إذا تضاعف عنف
الأمّن تضاعف الغضب.. وإذا أرادوا التهدئة.. ازددنا جرأة

January 26 at 8:02pm

Ophilya Atef Beshay

إذا اندفعت الشعوب لا تستطيع إيقافها

January 26 at 8:49pm

Ahmed Abdel Moneam Masoud

السجون مهما تكون مش هتشيل 80 مليون

January 26 at 9:50pm

Hani Mostafa

عندما يصير الموت أبسط من انحناءة.. وأسرع من التفاتة..
ومتاح لآلاف آلاف الساعطين.. تُكتب الثورة فوق جبين
الثائرين.. والجحيم للخونة

January 26 at 9:46pm

Muhammad Barakat

المتظاهرين بيعالجوا عساكر الأمن اللي بيتصابوا ويوصلهم
للإسعاف ... هما دول الشعب المصري بجدة،،
العسكري ده مصري ومن الشعب،،

January 26 at 11:51pm

Hani Mostafa

صفوت الشريف يتبول لمدة ربع ساعة على المحور ...
نقض وضوئى الله يخرب بيته هوو والحزب والحكومة

January 26 at 9:42pm

Ahmed attended جمعة الغضب للثورة على الفساد

والظلم والبطالة والتعذيب

Hani Mostafa

يوم الجمعة بداية النهاية

January 26 at 8:15pm

Mai Abo Nawaia

في اي حد متوقع او قادر يتخيل موقف الجيش ممكن يكون ايه؟؟


January 26 at 9:44pm



مصر -

خميس الاستعداد

QuestionStatus Photo Link Video



Hani Mostafa

في ثلاثاء الغضب شعر الجميع أنه يتعرف على شعب مصر
لأول مرة .. وافترخ الجميع فجأة بأنهم يحملون تلك الجنسية
الرائعة ... مصرى

January 27 at 10:45pm

Engy Mohy Eldin

على اسم مصر التاريخ يقدر يقول ما شاء ...

أنا مصر عندي أحب وأجمل الاشياء

January 27 at 1:47pm

Hala Mostafa ELzaghandi

امبارح أدام نقابة الصحفيين سمعت بودنى رجل امن بيكلم
رئيسه ف الموبايل :انا تعبت اوى يا باشا..انا ف المظاهرات من
امبارح الصبح لولا رجلى ملووحة كنت نزلت النهاردة..
و ناس كتير انضريت من اول يوم مش هتقدر تتزل .
ادعولهم يقدرُوا يتزلُوا بكرة ..
اللى قادر يتزل : ارجوكم ماتضيعوش مجهودكم ف الهتافات..
خلوهم يجرُوا وراكم. اتعبوهم اكرت عشان بكرة لما كلنا نزل
يكونوا خلصُوا م التعب

January 27 at 9:22am

Hani Mostafa

الناس تتزل فى مجموعات ويكون لكل مجموعة منسق

January 27 at 12:16am

Toula Perloshian

[illegible]

January 27 at 12:22am

Emad Adel

أخيرا وصلت بيتنا بآمان.. الحمد لله وشكرا لكل أصحابي

January 27 at 4:11am

Lamiaa Sabry Eltawel

(واعلم أن ما أخطأك لم يكن ليصيبك، وما أصابك لم يكن

ليخبطئك) كفایہ خوف بقی .. إعلها وتوكل.

January 27 at 9:18pm

Mai Abo Nawaia

بن زید.. من تونس يقول :

من تونس تحية لكل الدول العربية الشقيقة وارجو من الله عز

وجل ان نكون يد واحدة لتغلب على الظلم والقهر لنسترجع

كل حقوقنا وانتم يا شعب مصر والجزائر مثلما اخرج الشعب
التونسي زين الفاسقين اقول لكم ان لا تستسلمو ولا تخافو
وكونوا ايد واحدة.. لكي تغلبو على كل من يتصدى لكم
انشاء الله ربنا ينصركم

January 27 at 5:06am

Ahmad Alharoon

القناة العاشرة الإسرائيلية: سقوط نظام مبارك سيودي بحياة اسرائيل

January 27 at 12:45am

Mohammed Abdel-mordi

لازم نقاطع الصحف اللي بتضحك علينا ... احنا بنشترها
عشان نعرف الأخبار ولا عشان ينضحك علينا

January 27 at 1:01am

Ahmed Abdelgawad Farahat

الساده رؤساء تحرير الصحف والمجلات الحكوميه

عيشوا بشرف، كتكو القرف

January 27 at 2:08am

Amr Gohar

مقاطعة الصحف الحكومية (اللاقومية)، لازم الجرايد ترجع لهم
زى ما طبعوها عشان نسقط الاعلام البصمجي الموجه .. انشر

January 27 at 6:24am

Mai Abo Nawaia

يا جدعان الوضع في السويس صعب اوي !! الحكومة عزلت
البلد عن كل حاجة !! يقطعو النت... وشبكات الموبايل عن
البلد كلها

January 27 at 4:16am

Muhammad Barakat

يا بيوت السويس يا بيوت مدينتي،،، أستشهد تحتك وتعيشي انتي

January 27 at 1:14am

Mai Abo Nawaia

حد يعرف ازاي ممكن نبعت لجمعيات حقوق الانسان العالميه
علشان اللي بيحصل في السويس؟؟؟

January 27 at 2:05am

Gina Mokbel

حزينة من أجل وطني.. بلدي.. ارضي.. مصر أرض الحضارة

January 27 at 12:25pm

Asmaa Fahmy Mounir

بعد ما ضربوا المتظاهرين المسالين بالرصاص الحي والرصاص
المطاطي المحرم دوليا والقنابل المسيلة للدموع.. بعد مقتل أبناء
السويس وبعد إصابة العشرات.. بعد اعتقال أكثر من 500
متظاهر ومنهم مصابين تم رفض ذهابهم للمستشفيات ..
مطلبنا الآن هو: لا نريد رئيسا ولا حكومة لا تحترم شعبها..
لا نريدكم

January 27 at 12:00pm

Mai Abo Nawaia

كل الناس اللي بتموت واللي بتسحل دي علشان واحد
بسسسس مايشيش؟؟؟

January 27 at 5:18am

Ahmed Abdelgawad Farahat

نفسى أسمع.. فهمتكو.. بس خايف السر الإلهي يطلع ونتحرم
منها

January 27 at 1:34am

Neveen Shalaby

كلنا في انتظار كلمة واحدة بس.. " انا فهمتكو "

January 27 at 11:12pm

Mai Abo Nawaia

عندي فكره فظيعة: كلنا نكتب ارحل يا مبارك بلغه العبريه
علشان يفهمنا לכו , מו בארק

January 27 at 7:43am

بالحصول على بيانات أي حد يستخدم الانترنت، ولو...

January 27 at 9:12pm

Asmaa Fahmy Mounir

الحكومة اللي تخاف من التويتر والفيسبوك آخرها تحكم في

!.. FarmVille

January 27 at 12:21am

Hala Mostafa ELzaghandi

هى فين الحكومة.. حد شافها؟ دور يابنى كده تحت الترابيزة

January 27 at 5:41am

Mai Abo Nawaia

صفوت الشريف للمتظاهرين: خليكوا محترمين وما تخلوش حد

يحركوا واحترموا وطنيتكوا البلد مش لعبه وخليكوا رجاله ويستهي

بعدد المتظاهرين وييقول مافيش ملايين في الشارع

January 27 at 4:34am

Mai Abo Nawaia

الي صفوت الشريف:

احنا بقي بكره وبعده هانوريك الملايين دول عاملين ازاى ونقوله
بكل بساطه احنا محترمين وماحدش بيعحر كنا غير فسادكوا و
ظلمكوا وبنحترم وطنيتنا وعلشان البلد مش لعبه اللي مشغلينك
لازم يمشوا منها وعلشان دي بلد رجالة انت اول واحد لازم
يمشي وطبعاً انت فاهم

January 27 at 4:36am

Engy likes R.N.N | شبكة رصد

Mai Abo Nawaia

رصد: أماكن الوقفات في جمعة الغضب غدا وصلتنا نسخة منها ..
انشروها يا بنات خلي ليكوا دور

January 27 at 9:11pm

Tarek El Arabi

جمعة 28 فبراير.. انشاء الله سيكون يوم حريتنا



الثورة على الفساد والظلم والبطالة والتعذيب جمعة الغضب

Location: في كل انحاء مصر:

28th Time: 12:00AM January، Friday

January 27 at 5:25pm

Ahmed Samir

صديقي الاخواني: لا تردد شعارات تحمل بعد ديني ، ردد المفاهيم
التي يدعو لها الإسلام.. وهتافات لبلدك بالحرية ...

انشر لنجاح الثورة

January 27 at 2:50pm

Ahmed Abdel Moneam Masoud

أقباط مصر يعلنون انهم سيحمون ظهور المسلمين غدا أثناء
صلاة الجمعة من غدر الشرطة، الله عليك يا مصر دى مصر
وقت الازمات

January 27 at 10:38pm

Maii Abd-Ellatif Khater

هنترل يوم الجمعة.. هنترل من أجل غدا أفضل.. من أجل وطن
أفضل.. بس بحق وحقيقى

January 27 at 6:39am

Mai Abo Nawaia

خبر عاجل: ضروري جدا عشان لو الفيسبوك اتقفل في مصر:
في مظاهرات حاشدة تطلع من كل المساجد في مصر بعد صلاة
الجمعة لكل الميادين العامة ونعتصم فيها لحد ما نأخذ حقوقنا
.. انقل الرسالة دي لكل المصريين اللي تعرفهم

January 27 at 6:06am

Mohammed Abdel-mordi

إن اغلقتوا المساجد فأرض مصر كلها مسجدا

January 27 at 1:21am

Tarek El Arabi

حكومة مصرية غبية جدا منعت فيس بوك وتويتر للتقليل من
مظاهرات بكرة وكان الناس لسه مسمعتش عنها..
طب أحب أطمئنهم ان الناس كلها هتقابل بكرة في صلاة
الجمعة وهيخرجوا للشوارع بقلوب مليانة ايمان وقوة وروح مش
ممکن تنكسر.. يارب

January 27 at 8:00pm

بعض الارشادات لحماية المتظاهرين **likes** مصر



بعض الارشادات لحماية المتظاهرين

by Maysoon El-Massry on Thursday,
January 27, 2011 at 3:27pm

نقلًا عن احد الزملاء:

الناس يوم الجمعة يشيلوا معاهم شنطة صغيرة فيها الآتي :

1- زجاجة أو زجاجتين زيت؛ علشان تشل هجوم العساكر
وأندفاعهم

2- زجاجة ماء وعصير علشان محدش يهبط أو يحصلو حالة من
التسحر علشان اليوم حقيقي طويل جدا

3- الناس تفطر كويس جدا قبل متزل

4- زجاجة خل وكوفية محترمة علشان الاحتماء من الغاز
المسيل للدموع. (يرش الخل على الكوفية للموقاء من
الغازات المسيلة للدموع)

5- لبس يحمي من الصقيع علشان لو بتنا في الشارع بس

ميعوقش الحركة

6- زجاجة بيرسول علشان تعدي المخبرين والبلطجية، يمكنهم

من الجرى

7- زجاجة من الماء مذوب بها قرصين من دواء الحموضة

لغسل العيون والجلد من من تأثير الغاز المسيل للدموع

- ياريت الناس تشيل معاها احتياطي اى نوع من

الحلويات علشان حالات الهبوط وضمادات وقطن ومطهر

علشان الجروح.

نصائح هامة من احد الاطباء :

_للوقاية من الغاز المسيل للدمع: ارتدي جوجلز

(نظارات السباحة)، وضع منديل مبلل/باندانا على

فمك وأنفك. اذا اصبت بالغاز لا تدعك عينيك

_مش عارفة البصلة دي نصيحة من العادلي باشا

ولا ايه؟ البصلة في حد ذاتها قنبلة مسيلة للدموع!

سيبوا البصل في البيت !

_لا تصاب بالرعب من الغاز فأثره سيزول في

عدة دقائق. ما تجريش وأنت مش شايف حاجة
 وتقع زرع بصل في النيل - أو تهبط في حضن
 ظابط أمن مركزي
 _البنات : ارفعوا شعركم ولا ترتدوا أي أقراط
 طويلة ولا سلاسل لأنها أشياء يمكن شدكم منها
 _ممنوع العدسات اللاصقة لأنها تحجز ورائها الغاز
 المسيل للدموع
 _الفازلين، كريم نيفيا، مستحضرات التجميل تحجز
 تحتها الغاز المسيل للدموع وتجعل المشكلة أسوأ.
 فطبعاً البنات تنزل من غير ما كياج.
 _إذا سقطت على الأرض وضربت، خذ وضع
 الجنين لتحمي بطنك من الركلات وغطي
 رأسك بذراعيك، يديك تصلان لخلف
 الرأس. الرأس/الصدر/البطن نقاط الضعف.
 _لا تستفز رجال الشرطة بالسب. ليس الهدف
 استعراض محصولك اللغوي من القباحة. الهدف
 هو إبداء غضبك من معاملة الشرطة.

_المصاب بجرح يترف بغزارة:اضغط بقوة على
الجرح بمنديل نظيف. ارفع الجزء المصاب لأعلى
فوق مستوى القلب ليقل التريف

_لا تجعل المغمي عليه في وضع الجلوس. لابد أن

يكون مستلقيا أفقيا حتى يصل الدم الكافي لمخه

_المغمي عليه: انقله لمكان آمن، اجعله يستلقي

أفقيا على جانبه. تأكد أنه قادر على التنفس

ولا يوجد شيء يعيق مسار الهواء لأنفه وفمه

_افسح الطريق لسيارات الاسعاف

اضافات من اصدقاء اخرين: ولاعة علشان نولعها مع

بخ البيرسول لابعاد البلطجية والامن وممكن يكون

معانا قفازات عشان لو عايزين نحذف ع الامن القنابل

اللى بتتحذف علينا.

كمان ممكن نستخدم بوهية عشان نكبها ع الامن

لجعل تحركهم اصعب وسيراي اسود لرشه على

عربيات الامن.

باضيف كمان كشافات نور وشمع عشان لو طفوا
علينا النور.

بعض النصائح للتعامل مع قوات القهر: (نقلًا عن نوت لعلی
الرجال)

أولاً: إذا كانت الجنود تحمل العصا الطويلة فلتلتحم به ؛ لأن
هذا لا يمكنه من البطش بما من أعلي او من علي الجانب

حيث يتطلب كلاهما مساحة لا بأس بها . اما دروعهم فلن
تأذي أحد ما دما ملتحمين بهم بل علي العكس يمكن أن
تأذيهم هم

ثانياً: إذا كانت الجنود تحمل العصا القصيرة أجعل بينك وبينه
علي الأقل ثلاثة أمتار وفي حالة استخدامهم للعنف

أستخدموا الأرجل للدفاع عن النفس؛ بالبلدي شلوت عباسي
في الدرع الي هو مسكو بيتحما بيه حينخدو ويقع .

ثالثاً: في حالات الإعتداء من قبل قوات القمع فلتلجئوا إلي
الشوارع الجانبية وحذا الهروب إلي شريط الترام أو القطار،
وأنتو عارفين الباقي طبعاً

رابعاً: أول متشفوهم جاين عليكم بالهبة والجرية بتعتهم ديه ..
أرمو الزيت الي معاك أمامهم

خامساً: تجنبوا الأماكن المفتوحة فكلما ضاقت المساحة أحتاس
الأمن المركزي

سادساً: في حالة رموا علينا طوب وزلط... كل واحد لابس
جاكيت يقلعوا ويلفوا علي ذراع ويحمي نفسه وبلاش جري لو
كانو بعيد عنا. علشان بعد مايخلصوا الطوب ناخده ونرميه
عليهم ونكسب احنا أرض عليهم، وعلي فكرة هما بيخافوا
"وبيكسكسو" جدا من موضوع الطوب ده .
ويا احنا يا هما في الدنيا دي

Like comment share



جمعة الغضب Is Attending مصر

Time: ٢٨-يناير-٢٠١١

Location: كل شوارع مصر

Created by: الشعب

More info:

دعوة من شباب الفيس بوك لكل شعب مصر في كل مكان..
بعد صلاة الجمعة.. من أمام كل المساجد والكنائس...
دعوة للغضب .. للثورة على الفساد والظلم والبطالة والتعذيب
... فهل من مجيب؟

Status Photo Link Video Question

Mohammed Abdel-mordi

يا جماعة ... ممكن أكون دلوقتي مش عارف ادخل على الانترنت لأنهم
قفلوا الانترنت فعلا و قدرت العب لعبة و ادخل .. و ممكن دلوقتي
أكون مش عارف استخدم التلفون عشان هيقفلوا الشبكات كلها زي
ما قفلوا الرسائل على المحمول ..
بكرة أكيد فيه مجزرة و مكيدة ضد الشعب كله.. يا ضمير العالم ستيقظ
الى كل اخواننا خارج مصر أنتم الآن صوتنا فاستيقظوا لأجل اهلكم...
نسألکم الدعاء ثم الدعاء ثم المؤازرة بكل ما أوتيتم من وسائل

January 28, 2011 at 3:07am

Tarek El Arabi

اغلقت الحكومة المصرية جميع خدمات الإنترنت والاتصالات
.. يتم عزل مصر رسميا عن العالم... انهم يريدون اخفاء الثورة
السلمية. يرجى النشر لبدء الضجة العالمية حول هذا النظام
الطاغية... وينبغي على الجميع وعلى المجتمع الدولي ان يعرف
هذا، رجاء النشر!

January 28 at 2:06am

January 28 at 2:06am

Amr Gohar

تحيا مصر

January 28 at 8:26am

Tarek El Arabi

ولاد مصر بيعيدوا كتابة التاريخ.. الله عليكى يا مصر

January 28 at 8:28pm

Asmaa Fahmy Mounir

فخورة.. انى مصرية :)

February 28 at 12:48pm

Tarek El Arabi

الى رجال الشرطة والجيش الشرفاء... دائما وابدا كنتم مصدر
زهو بلادنا الحبيبة وعزتها... اذكركم ونفسي اولا بتقوى الله و
انكم اقستمتم الولاء للوطن وليس الولاء لشخص ما وحلفتكم

اليمن لحماية الوطن من اعداءه من الخارج والداخل... إن أيام
الله تشهد علينا جميعا..و كما قال رسول الله (ص) إن أفضل
الجهاد هو كلمة حق عند سلطان جائر..

اللهم بلغت اللهم فاشهد

January 28 at 6:03am

Tarek El Arabi

عدد من مباني النظام اتحرق ومن ضمنهم المقر الرئيسى
للحزب الوطنى وقوات الشرطة بتنسحب ببطء غريب بعدا ما
خلصوا قنابلهم المسيلة للدموع والمطاطى طول اليوم ...
و الجيش يبتزل مكافئهم..بلدى مصر تحت حظر التجول

January 28 at 6:07pm

Tarek El Arabi

مش لاقى كلام اقوله ...

January 28 at 11:30pm

أسبوع الغضب

السويس بدأت بالغضب واللى اتقتلوا من ولادها وجعوا قلب مصر.

أحمد فهيم دكتور عظام.. كان عارف إن الوجة بداية لطريق العلاج.. وكل نقطة دم سالت من ولاد السويس كانت ضمانة لنجاح العملية السويس فى نظره مجرد بداية و كمان يوم 25.. ونهاية الظلم قرّبت...

نهايته بتبتدى لما كدبه بينكشف ... فهيم مش قادر يصدّق !!
... دمء الأقباط راحت هدر بكدهم مى مش مستوعبة..
عايزين يقنعونا بإيه ؟ .. أمن النظام .. يبقى البطل !!! .. أمن النظام بيحمينا ؟ !!! لأبقى !! كفاية كذب بقى !! ... مسكوا الريموت .. قفلوا الصوت .. مش راح نصدّق تانى .. مش راح نخاف من تانى !

هالة هزمت خوفها وقالت مش هنطاطى .. اللى نازل معايا يرفع إيده .. لمياء رفعت إيدها وقالت شراع أو كفن ..

مايهمنيش.. المهم يكونلى وطن أما سلطان مل الكلام
وقرر يتزل يوم 25

عدى الليل على الشباب.. ماحدش منهم داق طعم النوم ...
القلق موجود بس الأقوى كان عزم وإصرار.

ومع أذان الفجر.. " الله اكبر.. الله اكبر " .. صلت هالة ودعت
لمصر.. يا رب انصر مصر.. واوفيليا وقفت أدام صورة العدار
ودعتها.. وحياتك يا عدرا لا تقوليلهم يتزلوا.. اصلهم بيسمعوا
كلامك يا عدرا.. قوليلهم يتزلوا ..

نزل الشباب الشوارع ينادوا " عيش.. حرية.. كرامة..
إنسانية " .. اتفاجئوا بعددهم.. واتفاجئوا أكثر بالحب اللى كان
مكبوت جوه قلوبهم عساكر الأمن ماحاولوش يفهموا..
الشباب دى نازلة عشانهم.. عشان مصر.. لكنهم ماقدروش
يفهموا.. يعنى إيه عيش ؟ يعنى إيه كرامة ؟ وبدون إنسانية
ضربوا الولاد.. ولكن الشباب مازالوا يفكروهم ويهتفوا
"سلمية.. سلمية " ..

وبدون ما يقصدوا .. خدّتهم رجليهم لميدان التحرير .. سألوا
نفسهم وبعدين؟ .. الأمن محاطهم ... الحكومة ولا كأنها
سمعتهم .. رغم شرعية مطالبهم وسلميتهم .. طب ما حناش
ماشين .. هنبات في الميدان رغم الضرب بالعصيان

لمياء نادت في اللي ما كانش مصدّق الحلم .. اهوه الحلم بقى
واقع واللى بيحصل مش شىء عادى ... اصحوا يا بشر ..
صدقوا .. انزلوا من على صفحاتكو .. انضموا لاختواتكو ..
ساعدوهم يمية .. أكل .. بطاطين ..

وعلى الفجرية أحمد هارون قالها بحسرة .. أمطار الغاز غلبتنا ..
رجعونا بيوتنا .. بس الأمل كبير ومن بكرة نازل تانى التحرير ..

محمد محسن مخرج شاطر .. شاف الجمعة مشهد حاسم في
الفيلم .. معداش خايف وهيتزل يوم ٢٨ يناير

وفي ليلة الاستعداد .. نقلت مايسون نصايح شباب تونس ..
سهر الشباب يحضّروا شنطة رحلة الغضب .. نضارة بحر ..
كمامة .. قزازة مية .. خل وكولا .

لكن النظام ما سكتش.. قطع النت والموبايلات
افتكر مافيش اتصالات يبقى مافيش تغيير ..

لكن الشباب اتجمعت عند الكنائس وجوه الجوامع

سلم الإمام وانتهت صلاة الجمعة.. وقبل مايلحق حد يقوم من
على سجادة الصلاة.. هتف الشباب بكل إيمان.... "الله أكبر
وتحيا مصر.. الله أكبر وتحيا مصر.. الله أكبر و تحيا مصر"
المفاجأة كانت أكبر مما تصوروا.. الناس من بلكوناتها بتشاور..
نازلين... ستات.. شيوخ.. شباب.. رجال.. أطفال.. فقرا..
أغنيا.. عمال.. فلاحين.. تجار.. ممثلين ..دكاترة.. مهندسين..
طوفان من البشر.....


في كل شارع كان الهتاف بيزيد.. يا " يا اهلينا يا اهلينا ...
يا اهلينا ضموا علينا" .. الأهلالي لبوا النداء وكادوا العدا.

فرح طارق وقال لمصر الله على ولادك ... بدمهم بيكتبولك
تاريخ جديد ..

تاريخ ثورة _ ٢٥ يناير _ كتبوه بحروف من غضب.



أسبوع الميدان





لا نت.. لا اتصالات
مصر Is Attending

Time: 28 يناير - 2 فبراير

Location: كمبيوترات وموبايلات مصر

Created by: النظام

More info:

ترى ما قام به النظام المصرى من قطع خدمة الإنترنت والاتصالات عن الشعب.. سيهزم العالم الافتراضى أم سيزيد من قوة غضبه فى عالم الواقع ليتوحد العالمين على أرض مصر؟!

Status Photo Link Video Question

No more posts



إيه اللي حصل

للمصريين .. !؟

by Engy Mohy Eldin on Wednesday,
February 2, 2011 at 4:26pm

يوم السبت ٢٩ يناير على الساعة ثلاثة الظهر..

كلمونا معارفنا قالولنا فى بلطجية بسنج ومطاوى طلّعوا عليهم

عند سور مدينة الرحاب ..

قومنا جرينا فى بيتنا بمدينة العبور زى المجانين من الخوف

والرعب ... ابتدينا نغير لبسنا عشان نتحرك قبل ما يجوا

علينا وملحقناش نكمل حتى لبسنا.. سمعنا زعيق وصريخ

بالشارع والناس بتجرى وبتقول البلطجية قبلنا بالحى الأول

ومعاهم سكاكين وسيوف وجاين علينا...

جرينا واحنا بنبكي أنا وأمى لجيرانا اللي ادمننا.. ورجالة الشارع
وأخويا خرجوا بعصيان وفضلنا احنا والستات فى البيت بنحضر
فى قزايز المولوتوف والسكاكين وبقينا واقفين فى وسط البيت
خافين حد يدخل علينا من أى شباك ولا باب.. صوت زعيق
من الشارع ... الرجالة كلها بتجرى.. البلطجية جم على أول
الشارع.. ضرب نار وأصوات صريخ وحناق.. رجالة داخله
خارجة علينا هدومهم غرقانة دم.. والستات واقفة بتبكي من
الخوف والرعب على رجالتها وواخده أطفالها فى حضنها ..
والأطفال بتصرخ مش فاهمة حاجة.. بنكلم نمر الشرطة لكن
كل النمر بتقول "احموا نفسكو بنفسكو" .. بنستغيث بأصحابنا
فى التليفون يردوا علينا نفس الرد ..

" كل النمر بتقول ... احموا نفسكو بنفسكو؟!"

حتى الشيوخ بالجوامع بينادوا بصوت عالٍ في الميكروفونات
وبيطالبوا الناس أنْها تحمى بيوتها وأهاليها ..
جت الرجال وقالوا مسكنا أربعة من البلطجية .. واحد منهم
معه بطاقتين .. بطاقة سواق أتوبيس والبطاقة الثانية أمين شرطة
.. قعدنا ليلتها للصبح خايفين مرعوبين محدش غمض عينه لغايت
ما النهار طلع عشان نروح بيتنا القديم بميدان هليوبوليس ..
قولنا أمان أكثر .. ناس وعمار عن مدينتنا ..
ركبنا العربية واحنا الثلاثة قلقانين .. لا أى حد يطلع علينا في
طريق مصر أسماعيلة وعطول الطريق شايفين دبابات مترصصة ..
ناس طالعة بتحمى بيوتها .. كل كام متر نشوف لجنة شعبية من
شوية شباب بشوم ومقفلين الشوارع بطوب وبراويل لغايت ما
وصلنا الميدان ...

لقينا الشباب دابر ما يدور محوطينه بلجان يفتشونا ويشوفوا
بطاقتنا بنفسهم.. طلعنا البيت وابتدينا نهدى شوية واطمنا من
شكل اللجان الشعبية اللي مالية الميدان ولسه هنقعد ونرتاح
سمعنا صوت انفجار جامد.. قلبنا انخلع من الخوف وبعد دقائق
اكتشفنا أنه صوت طيارات حربية طائرة على ارتفاع منخفض
جدا وكأها فوق دماغنا بالظبط.. وبعد شوية ابتدينا نتعود على
صوت الطائرات ...

معدتش ساعة واحنا بنحاول نمثل على بعض أننا هدينا شوية..
فجاءة سمعنا أجراس الكنيسة والجامع بيكبر.. بصينا من شباك
بيطل على الميدان لقينا الشباب بيصفروا لبعض.. الرجالة بتجرى
ويضربوا نار وابتدينا نكبر ونستشهد مع أصوات التكبير اللي
بترج الميدان ...

وبعد ما الشباب رجع عرفنا أن ثلاث بلطجية برشاشات حاولوا
يتهجموا على بعض اللجان الشعبية ولما الناس اتكتلت عليهم ..
جريوا واحتموا بالجامع .. لكن الناس دخلت وراهم و مسكتهم
وسلمتم للجيش...

ورجع الشباب والرجالة من تاني يحمو الشوارع والميدان ومن
اللحظة ديه قضينا باقى ليلتنا وضرب النار بقى زى صوت
البمب بالنسبة لنا

ده اللي حصل ليا أنا وأمى وأخويا ..

وده جزء صغير أوى من اللي حصل مع كل المصريين

Like comment share



خطاب الفتنة مصر Is Attending

Time: ٢٠١١ - فبراير - ٢

Location: شاشة التلفزيون المصرى

Created by: محمد حسنى مبارك

More info:

"الإخوة المواطنون .. أتحدث إليكم فى أوقات صعبة ..
تمتحن مصر وشعبها وتكاد أن تنجرف بها وبهم إلى المجهول.
يتعرض الوطن لأحداث عصبية واختبارات قاسية ..
بدأت بشباب ومواطنين شرفاء مارسوا حقهم فى التظاهر
السلمى تعبيرا عن همومهم وتطلعاتهم ،سرعان من استغلهم
لإشاعة الفوضى و اللجوء إلى العنف والمواجهة وللقفز على
الشرعية الدستورية و الانقضاض عليها.

تحولت تلك التظاهرات من مظهر راق ومتحضر لممارسة حرية
الرأى والتعبير إلى مواجهات مؤسفة، تحركها وتهمين عليها قوى
سياسية سعت إلى التصعيد وصب الزيت على النار واستهدفت
أمن الوطن واستقراره بأعمال إثارة وتحريض وسلب ونهب
وإشعال للحرائق وقطع للطرق واعتداء على مرافق الدولة
والممتلكات العامة والخاصة، واقتحام لبعض البعثات الدبلوماسية
على أرض مصر.

نعيش معا أياما مؤلمة، وأكثر ما يوجع قلوبنا هو الخوف الذى
انتاب الأغلبية الكاسحة من المصريين وما ساورهم من انزعاج
وقلق وهواجس حول ما سيأتى به الغد لهم ولذويهم ولعائلاتهم
ومستقبل ومصير بلدهم.

إن أحداث الأيام القليلة الماضية تفرض علينا جميعا شعبا وقيادة
.. الاختيار بين الفوضى والاستقرار وتطرح أمامنا ظروفًا جديدة
وواقعا مصريا مغايرا يتعين أن يتعامل معه شعبنا وقواتنا المسلحة
بأقصى قدر من الحكمة والحرص على مصالح مصر وأبنائها.
أيها الأخوة المواطنون.. لقد بادرت بتشكيل حكومة جديدة
بأولويات وتكليفات جديدة تتجاوب مع مطالب شبابنا

و رسالتهم ، وكلفت نائب رئيس الجمهورية بالحوار مع كافة القوى السياسية حول كافة القضايا المثارة للإصلاح السياسى والديموقراطى وما يتطلبه من تعديلات دستورية وتشريعية من أجل تحقيق هذه المطالب المشروعة واستعادة الهدوء والأمن والاستقرار..

لكن هناك من القوى السياسية من رفض هذه الدعوة للحوار تمسكا بأجنداتهم الخاصة ودون مراعاة للظرف الدقيق الراهن لمصر وشعبها وبالنظر لهذا الرفض لدعوتى للحوار وهى دعوة لا تزال قائمة.. فإننى أتوجه بحديثى اليوم مباشرة لأبناء الشعب بفلاحيه وعماله، مسلميه وأقباطه، شيوخه وشبابه، ولكل مصرى ومصرية فى ريف الوطن ومدنه على اتساع أرضه ومحافظاته. إننى لم أكن يوما طالب سلطة أو جاه ويعلم الشعب الظروف العصيبة التى تحملت فيها المسؤولية وما قدمته للوطن حربا وسلاما ، كما أننى رجل من أبناء قواتنا المسلحة وليس من طبعى خيانة الأمانة أو التخلي عن الواجب والمسؤولية.

إن مسئوليتى الأولى الآن هى استعادة أمن واستقرار الوطن لتحقيق الانتقال السلمى للسلطة فى أجواء تحمى مصر والمصريين وتتيح تسلم المسؤولية لمن يختاره الشعب فى الانتخابات الرئاسية

المقبلة..

وأقول بكل الصدق وبصرف النظر عن الظرف الراهن إنى لم
أكن أنتوى الترشح لفترة رئاسية جديدة فقد قضيت ما يكفى
من العمر فى خدمة مصر وشعبها لكننى الآن حريص كل الحرص
على أن أختتم عملى من أجل الوطن بما يضمن تسليم أمانته
و رايته ومصر عزيزة آمنة مستقرة وبما يحفظ الشرعية ويحترم
الدستور.

أقول بعبارات واضحة..

إننى سأعمل خلال الأشهر المتبقية من ولايتى الحالية كى يتم
اتخاذ التدابير والإجراءات المحققة للانتقال السلمى للسلطة بموجب
ما يخوله لى الدستور من صلاحيات.

إننى أدعو البرلمان بمجلسيه إلى مناقشة تعديل المادتين ٧٦، و ٧٧
من الدستور ، بما يعدل شروط الترشيح لرئاسة الجمهورية ويعتمد
فترات محددة للرئاسة ولكى يتمكن البرلمان الحالى بمجلسيه من
مناقشة هذه التعديلات الدستورية وما يرتبط بها من تعديلات
تشريعية للقوانين المكملة للدستور وضمانا لمشاركة كافة القوى
السياسية فى هذه المناقشات..

فإننى أطالب البرلمان بالالتزام بالقضاء وأحكامه فى الطعون على الانتخابات التشريعية الأخيرة دون إبطاء..

سوف أوالى متابعة الحكومة الجديدة بتكليفاتها على نحو يحقق المطالب المشروعة للشعب، وأن يأتى أداؤها معبرا عن الشعب وتطلعه للإصلاح السياسى والاقتصادى والاجتماعى وإتاحة فرص العمل، ومكافحة الفقر وتحقيق المعادلة الاجتماعية، وفى ذاك السياق إننى أكلف جهاز الشرطة بالاطلاع بدوره فى خدمة الشعب، وحماية المواطنين بتراهة وشرف وأمانة وبالا احترام الكامل لحقوقهم وحرياتهم وكرامتهم..

كما أننى أطالب السلطات الرقابية والقضائية بأن تتخذ على الفور ما يلزم من إجراءات لمواصلة ملاحقة الفاسدين والتحقيق مع المتسببين فيما شهدته مصر من انفلات أمنى ومن قاموا بأعمال السلب والنهب وإشعال النيران وترويع الآمنين، ذلك هو عهدى للشعب خلال الأشهر المتبقية من ولايتى الحالية..

أدعو الله أن يوفقنى فى الوفاء به، كى أختتم لمصر وشعبها بما يرضى الله والوطن وأبناءه .

أيها الأخوة المواطنون، ستخرج مصر من الظروف الراهنة أقوى

مما كانت عليه قبلها.. أكثر ثقة وتماسكا واستقرارا سيخرج منها شعبنا وهو أكثر وعيا بما يحقق مصالحه وأكثر حرصا على عدم التفريط في مصيره ومستقبله.

إن حسنى مبارك الذى يتحدث معكم اليوم يعتز بما قضاه سنين طويلة فى خدمة مصر وشعبها.. إن هذا الوطن العزيز هو وطني مثلما هو وطن كل مصرى ومصرية.. فيه عشت وحاربت من أجله ودافعت عن أرضه وسيادته ومصالحه وعلى أرضه سأموت وسيحكم التاريخ على وعلى غيرى بما لنا أو علينا..

إن الوطن باقى والأشخاص زائلون ومصر العريقة هى الخالدة أبدا .. تنتقل رايته وأمانتها بين سواعد أبنائها وعليها أن نضمن تحقيق ذلك بعزة ورفعة وكرامة جيلا بعد جيل.

حفظ الله هذا الوطن وشعبه..

"و السلام عليكم ورحمة الله وبركاته"


— كان هذا خطاب مبارك الثانى...

بعدما انسحبت الشرطة يوم الجمعة الموافق ٢٨ يناير وأعلنت حالة الطوارئ ونزلت قوات الجيش لتأمين البلاد، وبعد خطاب

مبارك الأول الذى ألقاه بنفس ليلة ٢٨ يناير والذى تحمل فيه مسؤوليته الكاملة عن توفير الأمن والأمان لشعب مصر ولكن سرعان ما تفاجأ المصريين بانتشار البلطيجة فى كل مكان حتى وجد كل مصرى نفسه مشاركاً فى الثورة .. برغبته أو مرغماً .. فى الميدان أو فى حراسة منزله....

ثم جاء الخطاب الثانى لمبارك فى مساء اليوم الأول من فبراير ليتوقف عنده الجميع وتشتعل حرب الحوار، ولمزيد من الاشتعال قامت السلطة بإعادة خدمة الإنترنت فى الثانى من فبراير.. فكيف سيكون رأى الفيسبوكاوية... وإلى أين سيصلون بحوارهم؟

Status Photo Link Video Question



Ahmed Fouad Eldin

النت رجع هاتوا السكينة

February 2 at 12:07pm

Ahmed Abdel Moneam Masoud

النور جه

February 2 at 11:14am

Doaa Yousry

خطاب الرئيس كان كافي.. سيوره الكام شهر دول يصلح صورته
في التاريخ ويمشي بصوره أفضل وكفاية الناس اللي ماتت

February 2 at 3:06pm

Mohamed Rafie

عن وثائق مؤكدة كشفتها الويكيليكس اليوم أن مبارك هو المهدي
المنتظر وسيصلح في ستة شهور ما أفسده في ثلاثين عاما

February 5 at 4:02am

Yasmine Okasha

ارحل يا مبارك

February 2 at 5:42pm

Hammad El-gamal

لا لا لا لا لو مشي هتخرب والله وهتبقى مطعم للغريب

February 2 at 11:04pm

Sarah Ahmed Elshayat

احنا ازای شعب عاطفی كده، كلمتين قلبوا الدنيا!!!!

نطلع نطلع ونترل على مافيش :

February 2 at 11:15am

Hisham Mostafa

استخف قومه فأطاعوه

February 2 at 9:35pm

Hisham Mostafa

تحبوا اقولكوا انجازات الثورة حتى الآن؟؟

١- حب المصريين لبعض

٢- اختفاء التحرش

٣- استرجاع كرامة المصريين واصبحوا ابطال في نظر العالم.


٤- استعادة الثقة في النفس. كل الانجازات دي وبتقولوا كفاية

مظاهرات؟؟ كفاية انتو سذاجة

February 2 at 9:48pm

Engy Mohy Eldin

ورقة متسرّبة من الداخلية مكتوب عليها بيان سرى وهام للغاية
وفيها بالتفصيل خطة التصدي للمظاهرات ...
كل اللى عملوه فينا من قطع للاتصالات وخطط لإرهابنا ببيوتنا
بالبلطجية وخطط حرق الأقسام وتكريب المساجين لإثارة الرعب
والخوف بين المصريين



Wall Photos

February 2 at 5:30pm

Muhammad Barakat

إلى كل اللى بيقولوا ندى مبارك فرصة.... اخرسوا !!

February 2 at 3:16pm

Ahmed Yehia

معلش يا كل العالم سامحوا شعبنا
عندوا عواطف زيادة وفي سذاجة فطبعا
ربع كلمة تودينا وكلمة تشدنا
اللي كانوا من كام يوم قاعدين يشكوا الفساد
ويلعنوا للي ماسك وحاكم البلاد
..... لما فعلا طالوه..وبدل ما يحاكموه!

مشاعر الأمومة بانت..مش دي الناس اللي كانت
..مدام قلوبكو خفيفة..ما تحلموش بحكومة نضيفة
خللي اللي يسرق يسرق..خللي اللي ينهب ينهب
ما هو هيصعب علينا ونسيوا لما يتعب!!

February 3 at 0:33pm

Yasmine Okasha

كل إللي بيسعي له هو كسب الوقت عشان يفرم كل معارضيه
و ترجع الأمور زي ما كانت

February 2 at 5:53pm

Shereen Talaat

كل اعداء البلد الخونه اصمتوا دماثنا هي التي تحرركم الآن ..
و غدا سيحتقل الشرفاء

February 2 at 6:19pm

Sarah Ahmed Elshayat

دى فتنة ، وفى حالة الفتنة قال الرسول (ص) «الزم بيتك،
واملك عليك لسانك، وخذ بما تعرف، ودع عنك ما تنكر،
وعليك بأمر (خاصة نفسك)...

February 2 at 10:12pm

Ahmed Fouad Eldin

الناس اللي نزلت وشافت الموت وداقت طعم الحرية مش ممكن
يقعدوا دلوقتي في البيت

February 2 at 3:44pm

Noha Atef Soudy

أرحموا مصر من الفتنة

February 2 at 11:54pm

Hani Mostafa

الفتنة هي اختلاط الحق بالباطل.. وهذا أبعد ما يكون في
موقفنا الراهن.. فهناك شباب مسلمون يتعرضون للقتل من
شرذمة محددة ولا لبس ولا التباس

February 2 at 4:57pm

Ahmad ElTürki

الإخوة اللي مش عاجبهم كلامي.. فيه أوبشن هاتلاقوه تحت
على شمال البروفایل إسمه بلوك.. دم ولادنا على أسفلت الميدان
وانتوا لسة بتقولوا نهدا

February 2 at 7:20pm

Hani Mostafa

كل من يدعو إلى التهدة الآن يعرض آلاف الشباب المتمنى
للحركات الاحتجاجية إلى الهلاك

February 2 at 9:07pm

Doaa Yousry

ياجماعه أنا ملاحظه ان الفيس بوك كله اختلافات وبعضها
يبتقلب لخرافة بين الأصحاب

February 2 at 4:43pm

Ahmed Fouad Eldin

بلاش نتفرق لان دي اول مرة نبقي متفقين،
الشعب يريد اسقاط الرئيس

February 2 at 1:01 pm

Mohamed Rafie

يا أخوانا في بلطجية على انت بيكتبوا تعليقات واحدة على
ميت ستيتوس.. ماتنقلوهاش بدون وعى

February 2 at 7:21pm

Ahmad ElTürki

النظام اطلق بلطجيته لارهاب الناس في الشوارع ثم المتظاهرين
واخيرا اطلقهم لارهابنا على انت هما البلطجية بتوعهم
دول ما بيخلصوش؟

February 2 at 5:39pm

Ophilya Atef Beshay

تحية للحكومة نجحت في الخطط الشيطانية

February 2 at 4:39pm

Hala Mostafa ELza7ghandi

مش هيضحكو علينا.. مش هنرجع بيوتنا.. مش هنسيب ميدان

التحرير

February 2 at 12:49pm

Engy Mohy Eldin

المتظاهرون + أمن الدولة = لجان شعبية + شرطة سرية في صورة
بلطجية ومساجين هارين , تحويل طاقات لتبديدها ... ممثلون
يقومون بجميع الأدوار , تحية للمصرى المؤدى لجميع الأدوار
ولعنة الله عليكم .. يا من وقفتم ضد حلم وأمن شعبكم

February 2 at 4:34pm

Hisham Mostafa

أخبار الحوادث: الأهالي يقومون بمطاردة لص سيارات وضبطه
ثم تسليمه للشرطة.. اللص يعترف في التحقيقات ولكنه قال:
هذه بندي التي عشت بها وسأظل بها وسأموت بها ..
فبكر ركيل النيابة وأفرج عنه وأمر بحبس الظابط ٤ أيام على ذمة

فبكى وكيل النيابة وأفرج عنه وأمر بحبس الضابط ٤ أيام على ذمة
التحقيق وأمر بضبط الأهالي.. من وحي خيال التحرير الآن
February 2 at 12:00pm

Ahmed Abdel Moneam Masoud

أنا مش فاهم حاجة

February 2 at 12:10pm

ماحدث فاهم حاجة اصلا likes مصر

،شباب غلبان فى دماغه



ماحدث فاهم حاجة اصلا
،شباب غلبان في دماغه

by Mona Hejazy on Wednesday,
February 2, 2011 at 11:26pm

يا جماعة مؤيدين ومعارضين ..

لو اتكلمنا بالعقل هنقول ان ١٠٠% من مطالب الشعب
اتحققت.

لو اتكلمنا بالعاطفة.. هنقول ان خطاب الرئيس اثر فينا كلنا..

بلاش خطاب الرئيس.. الناس التعبانة والي حالها واقف وعاشة
خايفة.. مش كفاية??

لو اتكلمنا بالدستور... مينفعش مبارك يمشي بكرة.. عشان
احنا مش تونس.. تونس مالهش حدود مع اسرائيل... قبل ما
نقول يمشي.. نلاقي البديل.. كدة كدة احنا هنحتاج وقت
عشان نجيب ريس جديد... يعني كدة كدة احنا لازم نستنى

٦ شهور...

ومعلومة.. دستوريا.. لو مبارك مشي.. فتحي سرور هو اللي
هيمسك البلد.. طبعاً ده مش هيرضينا.. نقعد بقى في التحرير
عشان يمشي.. وتبدأ رحلة تانية من العذاب..
دستوريا بردو... حل مجلس الشعب وتغيير مواد في الدستور ده..
من صلاحيات رئيس الدولة فقط.. يعني لو مشي.. ابقى قابلي
لو حصل حاجة.

اخيرا انا عايزة اقول ايه..

عايزة اقول اني والله والله انا من الناس اللي نزلت يوم ٢٥ ويوم
٢٨.. وكنت بقول حسني مبارك يمشي.. وحصل اللي احنا عايزينه
... ندي بقعة فرصة لبلدنا واهلنا نعيش في امان

Like comment share



موقعة الجمل Is Attending مصر

Time: ٢ - ٣ فبراير

Location: ميدان التحرير

Created by: النظام

More info:

لم ينته حوار الفيسبوكاوية حول خطاب مبارك حتى فوجئوا
بدخول مؤيدى الرئيس معتلين ظهور جماهم وخيولهم
يدهسون المعتصمين بالميدان ويبدأون حرباً لم تنته حتى اليوم
التالى .. فهل ستختلف الآراء؟

Status Photo Link Video Question

Maii Abd-Ellatif Khater

في التحرير دلوقتي ناس بمطاوى بتضرب في المتظاهرين .. فلوس
بتدفع لناس علشان تقول نعم .. حسبنا الله ونعم الوكيل ..

February 2 at 3:06pm

Ahmed Fouad Eldin

ادي اللي انتو ساينوه ع الكرسي !!! جمال وخيول بتدوس
على الناس في الشارع عشان محدش يحاسبه ويقول الشعب هو
اللي بيقطع في بعضه

February 2 at 3:00pm

Mahmoud Barakat Hassan

جميل أوي يا جيشنا يا حامينا... جمال وأحصنة وأسلحة ..
دخلت إزاي... ولا الجمال بتأيد مبارك هي كمان

February 2 at 6:55pm

Ophilya Atef Beshay

اخر كارت للنظام الفاسد اخراج بلطجية الحزب الوطني

فهمتکوا ..فهمتکوا.....حرب اهلية

February 2 at 2:01pm

Hala Mostafa ELzaghandi

وامتلاأت البلاد بخالتي فرنسا

February at 6:51pm

Ahmed Fouad Eldin

انا راجع التحرير ولو لقيت ابويا واقف مع مؤيدي الرئيس

هاضربه

February 2 at 2:30pm

Mohammad Mohsen

هيكون في دم اكثر...سيبها وارحل

February 2 at 2:40pm

Iman Khairy

مش هيسبها غير خرابة

February 2 at 2:55pm

Yasmine Okasha

عاجل : تحذيرات من مجزرة في ميدان التحرير بعد أوامر السفاح

بقتلهم

February 2 at 4:54pm

Shereen Talaat

البلطجية يهاجمون المستشفى الميداني بالتحرير

February 2 at 5:10pm

Shereen Talaat

جنب كشري التحرير مكان لعلاج المصابين.. انشروا الخبر

February 2 at 5:19pm

Hisham Mostafa

شكرا لمبارك لانه اثبت لكل كائن حى على وجه الارض..

انه بلطجى

February 2 at 5:49pm

Yasmine Okasha

الكلمة الان للجيش المصري

February 2 at 6:00pm

Yasmine Okasha

لا يجب أن يبقى الجيش على الحياد

February 2 at 5:07pm

Shereen Talaat

الجيش لا يتدخل... مؤيدين مبارك يرمون قنابل المولوتوف على

المتحف المصري الذي حميناه باجسادنا

February 2 at 6:01pm

Yasmine Okasha

حتى الجيش !!! يجد اللي فاهم موقف الجيش يفهمنى

February 2 at 7:36pm

Hala Mostafa ELzaghandi

مبارك ... الشرطة ... الجيش ...
برده احنا اكتر والكثرة تغلب الشجاعة

February 2 at 10:14pm

Tarek El Arabi

النظام يريد اسقاط الشعب

February 2 at 7:02am

Hala Mostafa ELzaghandi

الشعب يريد محاكمة الرئيس

February 2 at 6:54pm

Yasmine Okasha

ما يحدث الآن أكبر خيانة.. التلفزيون المصري سايب المجزرة
ويينقل الطبل والزممر.. مخطئ من ظن أن ديل ال... ممكن يتعدل

February 2 at 6:03pm

Yasmine Okasha

من قلب ميدان التحرير الشباب سيطروا على الوضع.. الجيش
قبض على الهجامة لا تخافوا ساندوا أخوتكم الشرفاء في الميدان
.. أصبح ميدان التحرير رمزا للتحرير والتخلص من الطاغية ...

February 2 at 5:57pm

Shereen Talaat

القبض على امين شرطة من البلطجية اسمه يس علي محمد علي
ورقمه : ٨٩٠١٥١٩١ - لسه حد بيقول مؤيدي مبارك ???

February 2 at 5:10pm

Mohamed Rafie

دلوقتي عرفنا قيمة ظباط الشرطة.. هما والبلطجية واحد بس
بإختلاف الازياء

February 2 at 7:08pm

Ahmed Fouad Eldin

مادة (١٨٤): الشرطة هيئة مدنية نظامية، رئيسها الأعلى رئيس الجمهورية.

February 2 at 2:11pm

Mahmoud Barakat Hassan

عاجل من الميدان: المقبوض عليهم اعترفوا انهم تبع عضو مجلس الشعب عن دائرة نزلة السمان

February 2 at 5:43pm

Yasmine Okasha

من الشوارع المحيطة بميدان التحرير : الثوار يؤمنون غالبية المداخل

February 2 at 6:42pm

Yasmine Okasha

طريقة دخول الميدان الان من طلعت حرب مع تجنب التحدث مع اى شخص ايا كان.. يرجى النشر

February 2 at 6:20pm

Shereen Talaat

انتبهوا: مرة اخرى ظباط امن الدولة يحشدون البلطجية في عربات
من مناطق الجمالية - السيدة - مصر القديمة - والسيدة عائشة
بطريقهم الى ميدان التحرير من ناحية قصر عابدين شارع الشيخ
ريحان.. ضرورة التصدي لهم قبل الوصول الى الميدان

February 2 at 6:16pm

Wessam Elshafey

لمصلحة ميسيين يجد إرحمونا بقي

February 2 at 6:20pm

Shereen Talaat

مظاهرات اخرى لبلطجية مبارك يتجهون الى الميدان الآن من كل
صوب بالاسلحه فلنصمد

February 2 at 7:46pm

Muhammad Barakat

يا فخامة الرئيس مبارك،، نصف الشعب يموت في الميدان والنصف
الآخر يموت بالأزمات القلبية في بيوتهم أمام التلفاز.
أبوس جزمتهك ارحل

February 2 at 6:35pm

Yasmine Okasha

نداء الى جميع الأطباء وطلبة كليات الطب التوجه الى ميدان التحرير
February 2 at 6:43pm

Wessam Elshafey

نداء لكل شباب مصر :اللى مش هيقدر يتزل التحرير.. هنصلى
صلاة فك الكرب كلنا فى وقت واحد.. الساعة ٩
مساء..انشروا

February 2 at 7:22pm

Yasmine Okasha

إلى كل من يجلسون في بيوتهم..يا لالا علي ميدان التحرير..
February 2 at 7:02pm

February 2 at 7:02pm

Shereen Talaat

الدعم قادم ثورار اكثر في الطريق والشباب العظيم سيظروا على
ميدان طلعت حرب النصر للشرفاء

February 2 at 8:16pm

Mahmoud Barakat Hassan

يا جماعة ..الناس في التحرير متحصرة.... و لسه المعارك شغالة
... بس لسة الميدان بتاعنا....والبلطجية بيزيدوا ويحضروا لبكرة

February 2 at 8:59pm

Hisham Mostafa

يا جماعة: مبارك الان يقاتل قتال الياس

February 2 at 11:00pm

Gina Mokbel

آآآآه يا بلدى يا مصر

February 2 at 12:35pm

Ahmed Fouad Eldin

بيسخر كل حاجة عشان يفضل قاعد بجد مستفز،

والله ما هنسيبك قاعد فيها يا ابن الكلب

February 2 at 9:35pm

Muhammad Barakat

إِنَّ فِرْعَوْنَ عَلَا فِي الْأَرْضِ وَجَعَلْ أَهْلَهَا شِيَعًا

February 2 at 4:41pm

Engy Mohy Eldin

إن النصر لقريب

February 2 at 4:43pm

Yasmine Okasha

عاجل : أوباما يدعو مبارك للتنحي

February 2 at 7:50pm

Ahmed Abdel Moneam Masoud

الانتقال الامن للسلطة

February 2 at 12:56am

Mai Abo Nawaia

هو ليه مبارك بيسمع كلام امريكا في كل حاجه من ٣٠ سنه
و لغايه ارحل وعمل فيها مايعرفش انجليزي؟

February 3 at 8:17pm

Wessam Elshafey

يا جماعة مبارك خلاص انتهى عصره ،ارجوكم انتبهوا للحدود
المصرية، وحماس وحزب الله

February 2 at 5:50pm

Ahmad ElTürki

الناس العظيمة في ميدان التحرير قدروا يعملوا تطبيع بين اسرائيل
وامريكا وايران وحماس وحزب الله !!؟ - سبحان الله

February 2 at 7:08pm

Wessam Elshafey

شوفوا قناة المحور دلوقتى بجد

February 2 at 6:51pm

Hala Mostafa ELzaghandi

تبوّل لا ارادى فى المحور ببرنامج ثمانية واربعين ساعة.. اسفوخس

February 2 at 10:09pm

Hani Mostafa

لما الشعب يصدق خرافة ان فيه واحدة اتدربت فى امريكا ولا

اسرائيل عشان تعمل ثورة...

يبقى محتاجين نعمل ثورة عليه عشان يفهم

February 2 at 11:56pm

Neveen Shalaby

التلفزيون المصري كاذب كاذب كاذب... كفاية تضليل ربنا

ينتقم منكم...

المصريين بيموتوا فى بعض فى التحرير والمتحف كان هيتحرق

February 2 at 6:37pm

Hani Mostafa

الارتباك في اطلاق الشائعات يؤكد ارتفاع منسوب القلق عند
النظام لدرجة تجعله تقريبا متيقن من نهايته

February 2 at 11:04pm

Mohamed Abd Elsayed

عاجل: أصحاب المؤامرة الإيرانية الأمريكية الحماسية الإسرائيلية
القطرية الإخوانية لتدمير مصر يدفعون مئات الدولارات
للمتظاهرين في التحرير ويبحثون لهم رسائل مشفرة بالأطباق
الطائرة ويتواصلون معهم بالتخاطر الذهني وتحضير الأرواح وكل
متظاهر بياخذ "هابي ميل" باللعبة

February 2 at 9:31pm

Ahmed Fouad Eldin

أنا فاضلي خمس دقائق وأقوم أطلق الرصاص علي نفسي ..
عشان حاسس اني عميل

February 2 at 10:48pm

Muhammad Barakat

يا فخامة الرئيس مبارك،، نصف الشعب يموت في ميدان التحرير
والنصف الآخر يموت بالأزمات القلبية في بيوتهم أمام التلفاز....
أبوس جزمته أعلن استقالته واحقن دماء المصريين دلو قتي،،،،،..
أرجوك كفاية.....

February 2 at 6:35pm

Hala Mostafa ELzaghandi

لكل مضيع ومخرج في التلفزيون المصري: لو ما عندكش دم خلى
عندك شوية مخ.. النظام هيتغير وانت هتبقى ف البلاك ليست .. يا
غبي

February 2 at 7:49pm

Yasmine Okasha

اعلام خائن

February 2 at 7:20pm

Amr Gohar

ادعو كل زملائي في التلفزيون المصرى ان ترفضوا تنفيذ اى أوامر
من عملاء الرئاسة فى التلفزيون

ارجوكم لا تشتركو فى هذه المهزلة

February 3 at 11:58am

Shereen Talaat

قوات الشرطه الخائنه ومصفحاتهم والأمن المركزى يتجهون الآن
الى ميدان التحرير بالشوم والعصى والقنابل كاول يوم .. اصمدوا

February 3 at 11:15am

Iman Khairy

يا ودود، يا ودود، يا ودود يا ذا العرش المجيد يا فعال لما تريد
أسألك بعزك الذى لا يرام وملكك الذى لا يضام ونور وجهك
الذى ملأ أركان السماوات والأرض.. يا مغيث أغثنا، يا مغيث
أغثنا، يا مغيث أغثنا

February 3 at 11:49am

Asmaa Falah

مستشفى المنيرة ومستشفى القصر العيني محتاجين دم

February 3 at 11:08am

Hani Mostafa

كل الشائعات تنهار أمام شباب يموتون من حجارة وقنابل

مولوتوف وهم عزل بلا سلاح ...

February 3 at 1:06am

Hani Mostafa

حرب في التحرير ومحدث عايز يحوش .. و كمان شالوا

الكاميرات .. يبقى مين اللي خاين يا جدعان؟؟

February 3 at 1:10am

Sarah Ahmed Elshayat

ادخلوا عليهم بالرشاشات بيقتلوا فيهم زى الخرفان، و ماحدش

بيعمل حاجة، الناس دى دمها ف رقبة مين؟

February 3 at 3:32am

Muhammad Barakat

إنا لله وأنا إليه راجعون

February 3 at 6:44pm

Mohamed Rafie

هوه الميدان مختطف ولا حاجة ايه الاصرار الغريب على اجلاءه!؟

February 3 at 4:54am

Neveen Shalaby

باكرأ الي ميدان التحرير مع اخوتي..

يا نعيش سوا يا نموت كلنا مع بعض

February 3 at 2:13am

من طيب نفسى :تفسير عاجل **likes** مصر

وخطر لرد فعل المصريين الآن تجاه الثورة



من طبيب نفسي:

تفسير عاجل وخطير لرد

فعل المصريين الآن تجاه الثورة

by Hani Mostafa on Wednesday,
February 2, 2011 at 11:55pm

اعتادت الشعوب المسجونة في سجن الدكتاتور على ثلاث
سمات نفسية..

وهي السلبية وأساء منها الجبن وأساء من كليهما -نسة
والندالة.. وبالتالي تتحدد قراراتهم طبقاً لتلك السمات المهيمنة ..
فعند اشتباك طرفين في مشاجرة تلاقيهم بينسحبوا وكأنهم لم
يروا شيئاً (سلبية)..

ولكن في حالة أن الاشتباك عطل مصالحهم زى اتنين بيتخاقوا
في الطريق وقافلين سكة العربيات..

فإنك تجد الناس يتجمعوا لإقناع الأضعف كي يتنازل عن حقه ، فإن هذا حتما يكون أسهل من إجبار الأقوى أن يرد الحق لصاحبه .

المهم عندهم هو فض الاشتباك كي يفتح الطريق ويعبروا وخلص بقى من القرف ده وعطلة المصالح حالنا واقف يا جدع (أنانية) .. فإذا رأوا أن صاحب الحق (الثوار) قد صاروا أقوى من ذى قبل فإنهم وبسرعة يقومون بالتصفيق له ولكنهم لن يقدموا له أى تضحيات (ندالة) .

ونحن الآن فى مصر نعيش فى النقطة الثانية فبعد مرور الشوط الأول بكمية لا بأس بها من السلبية .
(رغم التعاطف مع الثوار)

أصبح من الضرورى الآن إزاحة الأضعف ألا وهم الثوار، كي تعود الحياة لطبيعتها بغض النظر عن أنهم أصحاب حق .
مع تبريرات غير منطقية بأن تنازلات السلطة تكفى .
والحقيقة العلمية لمن قرأ التنازلات .. أنها تنازلات وهمية .
والشوط الثالث ستجدونه مسطورا إن شاء الله يوم الجمعة
(جمعة الرحيل) ..

عندما يفاجأ الجميع بأن الثوار صاروا بفضل الله قوة غير قابلة
للإبادة وقتها سيتجه الناس إلى الرئيس ويعنفونه بأن يرحل
(ولكنهم أيضا لن يقدموا أى مساعدة.. ندالة طبعا).
وستجدهم يخترعون حجج جديدة لتبرير موقفهم الجديد
(يقولوا مثلا يعنى البلد مافيهاش غيرى ؟،،، ماالبلد مليانة رجالة!)
ثم تعود الحياة إلى طبيعتها بعد نجاح الثورة إن شاء الله .
لتمر فى الشوارع يضافحك ٨٠ مليون مصرى يؤكدون أنهم
وقفوا بجوار الثورة بكل ما يملكون .
ألا لعنة الله على الجبناء .
موعدنا مع الشرفاء يوم الجمعة ..
جمعة الرحيل والخلاص إن شاء الله تعالى

Like comment share



مصر -

خميس الجرحى

Status Photo Link Video Question

Mai Abo Nawaia

المكتوب ع الجبين لازم تشوفه العين

February 3 at 2:21am

Wessam Elshafey

عاجل وضروري جداً: المستشفى اللي عملها الناس محتاجة
خيوط وشاش وقطن ومسكنات وأي معدات طبية.. الجرحى
كثير جداً ومكان المستشفى أول شمال بعد بيتزاهت في الممر
اللي ورا بتاع الجرايد اللي في الميدان في جامع عباد الرحمن..
أرجوكم ادعموهم

February 3 at 4:26pm

Neveen Shalaby

انا نازلة حالا ادور علي الخيوط والشاش ورايحة هناك .
اللي يقدر يساعد بأي حاجة يعملها دول اخواتنا

February 3 at 9:50am

Shereen Talaat

بعد ان فشل الرصاص ، بلطجية مبارك ياخذون الأكل والماء
ويلقونها في الشارع حتى يقتلونا جوعا وعطشا ..
اعنا يا رب صامدون

February 3 at 2:50pm

Neveen Shalaby

لسه جايه من ميدان التحرير ..الوضع رغم بشاعته من جرحي
وقتلي ..لا زلت اشم رائحة القوة والاصرار لآخر نفس ...
الناس هناك محتاجين دعم نفسي جدا من كل الشعب

February 3 at 2:00pm

Mohammed Abdel-mordi

يقولك كل عربي راكب حصان قصاده شاب راكب الفيس بوك
... الشباب غلبوهم بضغطة ماوس

February 3 at 11:39pm

Ahmad ElTürki

الان: الشرطة العسكرية تفتح مركز هشام مبارك وغرفة عمليات
6 ابريل وأمن الدولة والبلطجية بالمركز المصري وتم ربط
ايديهم بالكراسي والأستيلاء على موبيلاتهم وحاليا يطاردون
الوجوه المعروفة في الشوارع

February 3 at 4:37pm

Yasmine Okasha

يعني إيه رئيس الوزراء يقول معرفش مين المسؤول..البلطجية في
الميدان من العصر..والجزرة حصلت الفجر..
هو كان فين ساعتها ???

February 3 at 3:37pm

Hala Mostafa ELzaghandi

فتحى سرور: لن يضيع دم الابرياء وعليه سنتحقق من
المتظاهرين ذوى الجنسيات الاخرى.. برده بيطلعونا خونة!!!

February 3 at 3:29pm

Maii Abd-Ellatif Khater

مؤيدين ومعارضين... اللى يقدر يتبرع بالدم يتبرع

February 3 at 4:58pm

Gamal Khoziem

يا مصريين يا اعظم اهل الارض المستشفى العام يقول للمتبرعين
.. بنك الدم ممتلى اذهب الي مكان اخر.. يحيا شباب مصر

February 3 at 4:15pm

Wael Abbas

عاجل ومؤكد: الجيش الآن هو من يوقف ويحتجز الصحفيين
و المصورين فى الميدان

February 3 at 7:38pm

Ahmad ElTürki

قناصة على الأسطح يقتلون المتظاهرين بالرصاص الحى ومحاولات
لإقتحام الميدان من عبد المنعم رياض والقصر العيني

February 3 at 5:33pm

Shereen Talaat

سقط احدنا قتيلا والجيش يطلق عيارين في الهواء

February 3 at 4:54pm

Muhammad Barakat

يمهل ولا يهمل... يمهّل ولا يمهّل،، يمهّل ولا يهمل،،
يمهل ولا يهمل...

February 3 at 9:09pm

Ahmad ElTürki

مهما يزود فى الرصاص .. بكرة جمعة الخلاص

February 3 at 7:22pm

Ophilya Atef Beshay

في البداية سيتجاهلونك ثم يحاربونك ثم يحاولوا قتلك ثم
يفاضونك ثم يتراجعون وفي النهاية ستنتصر...غاندي

February 3 at 10:09pm

Mai Abo Nawaia

نداء: المتظاهرون بميدان التحرير بعد ضربهم وقتلهم..
علي جثثهم ان يتحركوا من الميدان

February 4 at 2:21am

Shereen Talaat

ارجو كل الشرفاء انضموا الينا غدا جمعة الرحيل.

February 3 at 8:13pm

Mahmoud Abdelsatar

أرجو أن نكتفي بما تحقق حقنا لدماء طاهرة .. كفاية مظاهرات
.. كفاية إعتصامات .. لنعطيهم فرصه إثبات حسن النوايا

February 3 at 12:19pm

Hani Mostafa

أفيقوووووووووووووو.. الثقة في النظام الآن كارثة

February 3 at 8:58pm

Ahmed Fouad Eldin

إن نقطة دم مصريه أثمن عندي من كل عروش الدنيا، والرحيل
فوراً أهون على قلبي من سفك دماء مصريه حفاظاً على منصبي
.. الملك فاروق ١٩٥٢

February 3 at 3:53pm

Ahmed Fouad Eldin

الفرق بين هتلر ومبارك..هتلر حرق اليهود من أجل وطنه...
ومبارك حرق وطنه من أجل اليهود

February 3 at 8:04pm

Gamal Khoziem

"إنما جزاء الذين يحاربون الله ورسوله ويسعون في الأرض فسادا أن

يقتلوا أو يصلبوا أو تقطع أيديهم وأرجلهم من خلاف أو ينفوا
من الأرض ذلك لهم خزي في الدنيا ولهم في الآخرة عذاب عظيم"
February 3 at 4:46pm

Ahmad ElTürki

انا مع إخواني المرابطين في الميدان.. واللي شايف إني كده خاين
ومش بحب مصر وبشير الفتن يتفضل يعملني ريموف
February 3 at 5:46pm

Ahmed Sultan

جمعة الرحيل.. ميدان التحرير .. ارحل... ارحل.. ارحل
February 2 at 3:40pm

Doaa Yousry

عايز تخلي فيه فتن ودم ؟عايز اسرائيل تستعمرنا ؟
حسبنا الله ونعم الوكيل في اى واحد هيتزل مظاهرة يوم الجمعة
February 3 at 9:30pm

Hala Mostafa ELzaghandi

اللى حصلنى ف جمعة الغضب مش هنساه واللى حصل للناس
خلاهم اقوى..هنكمل وجمعة الرحيل هى الفيصل ...
ومش راجعين بيوتنا


February 2 at 1:05pm

Yasmine Okasha

عاجل : ارتفاع شديد لمعنويات الشوار والتجهيز لجمعة الخلاص
(الرحيل) في كافة أرجاء مصر

February 2 at 4:55pm

لو مختار أو ليك صديق متلخبط م اللى likes مصر
بيحصل



لو مختار أو ليك صديق
متلخبط م اللي بيحصل

by Hala Mostafa ELzaghandi on Friday,
February 4, 2011 at 9:52am

متلخبط ؟ مختار ؟ مابقتش عارف تعمل ايه ؟ تزل الميدان ؟
ولا تقعد ف البيت ؟ تعارض ولا تصبر ؟ البلد هتخرب ولا
الامل ف رحيله باسرع ما يمكن ؟
كل دى اسئلة سمعتها من ناس كانت من اشد المؤيدين
للتظاهر والآن بدأوا فى التراجع ..
ولهؤلاء اقول هتسمعوا كلام كثير من هنا وهناك من ناس
مأجورة من النظام وناس مؤيدة للرئيس وناس تعاطفت دون
ارادتهم مع خطابه ..

.. تنوعت النوايا ولكن للأسف الهدف واحد..

هو سرقة ثورتنا.. اللي مات فيها ٣٠٠ شخص ع الاقل لحد
دلوقتى واصيب الآلاف.

طيب تعالوا نشوف الناس دى بتقول ايه ونحاول كده بالهداوة
نفكر ف كلامهم.. احنا ناس عاقلة وتعرف تفرّق
بين الصح والغلط ..بس محتاجين لحظة نفكر بهدوء !!

*هتلاقى ناس بتقولك : الفتنة اشتعلت بين الشعب الواحد ..
لازم نلزم البيت كما جاء فى الحديث الشريف..

لاحظ ان الحديث الشريف يتماشى مع رسالة القوات المسلحة
والسلطة: الزموا بيوتكم واخلوا الميدان..يعنى جايلهم ع الطبطاب
.. طب بالهداوة كده..يعنى ايه اصلا فتنة ؟؟؟

بتوع اللغة يا سيدى بيقولولك ايه ؟!! ... الفتنة هى التباس الحق
بالباطل .. يعنى فئتين من المؤمنين تقتتلان فيختلط علينا الامر ولا
نعرف مين الظالم ومين المظلوم فيحشنا الدين على الحياد وعدم
التورط حتى لا يزداد الامر سوءا..

طب تعالى هنا بقى..هم دول فئتين من المؤمنين تقتتلان ؟

الاجابة: طبعاً لا! القتال بين طرفين يتطلب اولاً ان يكون الطرفين
متسلحين.. دول بلطجية وشرطة مبارك المتنكرة تضرب وتقتل
اشخاصاً عَزل مسالمين

طيب.. هو احنا متلخبطين ومش عارفين مين الحق ومين الباطل؟
الاجابة: طبعاً عارفين !!

نرجع لرأى الدين.. بديهى وغير قابل للنقاش ان الدين يحثنا على
مناصرة الحق والوقوف بجانبه..

هتقولى ده كلام عايم ويمكن لا يتماشى مع الظروف الحالية و لابد
من فتوى حديثة مناسبة للموقف خاصة انه خروج ع الحاكم حرام
والكلام ده ولا تتعب نفسك...آدى

يوسف القرضاوى اكبر علماء الامة.. اصدر بيان من يومين جاء
فيه:

ان التروى الى الميدان يوم الجمعة هو واجب شرعى لا يعفى المتخازل
من الإثم الا بعذر شرعى تماماً كما فى حالة الحرب، وان مناصرة
الحق فى كل يوم هو واجب شرعى.. اذا م يتخذ الدين واحاديث
الرسول(ص) درعا يَختبئ خلفه

فأرجوك... ابعء عن المنطقة دى لأنها مش بتاعتك وانت مش

هتفهم اكثر من القرضاوى وعلماء اللغة
*ناس تانية هتقولك: احنا نزلنا بطلبات والراجل وافق عليها
..عايزين ايه تانى؟

لو صدقت الكلام ده يبقى اما انك مانزلتش معانا او كنت سرحان
مش واخذ بالك انت بتطلب ايه..

طلبنا الاول والاخير هو: الشعب يريد اسقاط النظام
طيب هل اسقط مبارك النظام؟ هل تنحى بكرامته؟ طبعاً لأ..
هيقولولك.. انت عايزه يقولك انا ماشى بسهولة كده....
دى معركة سياسية وخلينا نرضى بالمكاسب اللي حققناها..
وآدى الشعب عرف طريق الشارع وممكن نرجع تانى..
امم..الجملة دى ثلاث اجزاء..تعالوا نتمزق فيها كده..
الجزء الاول ف الجملة ارد عليه بأن الحاكم مهما كان فاسد فيمكن
ان يكون محترم ويفضّل الرحيل ليحقن دماء شعبه..
زى الملك فاروق..فاكرينه؟!...مش يبقى مجرم ويقتل ف شعبه.

الجزء التانى من الجملة: المكاسب: اه !! والله عايزة اضحك!!

هى فين المكاسب؟

انتو عارفين ف اى معركة او حتى ف لعبة شطرنج..اول ما بيكش

الملك..يعمل ايه؟

الله ينور عليكوووو..بيضحى بالوزير

ومبارك ضحى بكام وزير(حتى مش كلهم) ورجال اعمال بقوا

ورقة خسرانة بالنسبالة

الجزء الثالث.. الشعب عرف طريق الشارع وممكن نرجع تانى

احب اقولك..انسى!

مش عشان الشعب لا سمح الله هيكسل او يتهاون..

لكن ببساطة مش هيبقى فيه شعب من اساسه..ماتنساش انه

مالغاش قانون الطوارئ..و من دلوقتى بدأ يقبض على اهم

المعارضين اللى حركوا الشعب..مجموعة ٦ ابريل والادمن بتاع

صفحة خالد سعيد...و لسة هتقولى يا عم وانا مالى..

هو يعرفنى منين .انا نزلت ف الزحمة ورجعت ف الزحمة

اقولك..انهم بالقبض على الشباب هيبقى صعب جدا بجميع

الناس تانىو لو واحد فكر بس يرجع الميدان بعد شهور وتم

الاشتباه فيه.....

مش محتاجة اقولك ايه اللى هيحصله..اذا كان من دلوقتى و أدام

الكاميرات قتل سبعة ف ليلة واحدة فمابالك ساعتها هيعمل ايه!!

برده لسة مش مقتنع!!؟

طب ايه قولك ان عمر سليمان فى آخر لقاء له قال: سيحقق الرئيس الاصلاحات المطلوبة طبقا للمدة الزمنية المتاحة و حُط تحت المتاحة دى مليون خط.. يعنى بعد ست اشهر هتلاقىه بيقولك بكل بجاجة.. سورى مالققتش ..الفترة الزمنية المتاحة لم تكن كافية.. و اللى ماعرفتش اعمله فى ثلاثين سنة عايزنى اعمله ف ست اشهر!!؟

ارجوكم يا شعبى الحبيب الجميل المهاود المطر مممممخ.. ادونى كمان ست اشهر وهتشوفوا طبعا ساعتها هيكون كل الشباب المعارض تحت التراب والمعارضة الشريفة معاهم والمعارضة السخيفة معاه.. ده غير الناس اللى هياجرها(و كلنا شفناهم) هيطلعوا يقولوا.. ادوه فرصة وللأسف هتلاقى مواطنين عاديين بيهتفوا معاهم ف الزحمة..

لأنهم خدوا درس م اللى حصل للمعارضة وهتلاقى ناس بتقولك: يا عم ان شاء الله هيصالح ومش هنحتاج نعارضه تانى .. بعد الفضايح دى كلها لازم يصلح وده رأى شوية ممكن يصدقه ناس كتير.. بس لو ركزنا هنلاقى ايه؟

ع الشاشة احمد شفيق يعتذر عما حدث بالامس والميدان
بنفس اللحظة فيه شباب بتموت اسفل الشاشة.

فتحى سرور يقولك: سنحقق ونجازى المسؤول عن الانفلات الامنى
وسحب الشرطة من الشوارع وف الشارع مافيش شرطة ولا
داخلية

ولا امن..

الله!! طب ما تصلح دلوقتى عشان نصدقك ف اللى ناوى تعمله
بكره.

عمر سليمان بيقول تفاوضنا مع مجموعة الشباب.. وبالليل نعرف
ان شباب ٦ ابريل اتقبض عليهم.. الصورة بتقول سليمان بيحترم
الشباب الطاهر اللى حرك الديمقراطية والاصلاح ف البلاد..
و على محطة تانية نلاقيهم بيلوثوا سمعتهم ويتهموهم بالخيانة بأهبل
تمثيلية شفتها ف حياتى.

ويتبعوه باعلان القبض على اجانب جواسيس وتزوير لترجمة خبر
من ويكليكس واختراق موقع الجزيرة.. و احنا المفروض نصدق
وناكل الاونطا.

مبارك على الايه بى سى بيقول اللى حصل لولادنا ف الميدان

مؤسف للغاية والناس تفتكره يا حرام مسكين بيعملوا ده كله من
وراه... الحقيقة بتقول انه ماحاولش يوقفه طوال ٢٤ ساعة
من القتل والضرب ف الشباب العزل المسالم
خلاصة ده ايه.. انهم بيكذبوا.. بس مش كذب عادى.. دى بجاجة
ماشفتش زيتها ويمكن ده بيخلى الناس تصدقهم..
فى ناس مابتستوعبش ان البجاجة تكون كده والكذب يبقى
مفقوس للدرجادى، فيبيجى معاها بالعكس وبتصدق..
اه والله نرجع تانى لخطاب مبارك...
الصورة بتقول مش هترشح لفترة جديدة وهقوم بكل الاصلاحات
.....

انا مش هكمل ..كملوا انتوا.....
ناس تانية هتيجى تقولك:
احنا عارفين مبارك ابن ستين ونزلنا معاكمو يوم ٢٥ لكن البلد
بتخرب.. لا للتخريب.. حرام عليكمو.. اتهدوا بقى..
انتو مش خايفين ع البلد؟ عايزين تولعوها وخلاص؟!
احب افكركو ان اليومين اللى كان فيها المتظاهرين لوحدهم..
من غير شرطة او بلطجية.. كانت البلد نظيفة وآمنة وحالة

من الحب والتكاتف غير طبيعية بين الناس. و اللجان الشعبية
قائمة بدورها والشباب ينظموا المرور والضغط الدولية بتقوله
امشى.. و كله تمام.. وافكرناه هيمشى فعلا لغاية ما عمل بلوف
اجرامى رائع..

نزل بالخطاب اللي سحب ربع المتظاهرين من الميدان ..
إما تعاطفا معاه او تعبوا وبيدوروا على مبرر يرجعوا بيه تحت
البطانية

طب واللى لسة هناك هيعمل فيهم ايه.. الناس الوحشة اللي
ماعندهاش قلب وماتعاطفتش مع راجل كباره عدا التمانين كل
امنيته يعيش ويموت على ارض بلده..
الحل الوحيد اللي يعرفه اى بلطجى هو البلطجة...
مع اعلان الجيش وتكراره مرارا وتكرارا لن نطلق النار على مدنى
اذا نرسل مدنيين كأنهم مؤيدين لمبارك ويخلصوا على شوية من
المعارضين ويصيبوا الباقي فيخافو ويرجعوا واللى ماجاش بالتعاطف
اهو ييجى بالعين الحمرا .

*ناس تانية هتقولك

ماينفعش الرئيس سيسب السلطة فجأة.. فلنتحلّى بالحكمة و نفهم

سياسة ولا نكن جاهلين..هيحصل فراغ سياسى...
 يجد انا مش فاهمة عبارة فراغ سياسى دى جابوها منين..
 يعنى افهم من كده لو الرئيس فلسع فجأة، الدنيا بتخرب و الاعداء
 بيدخلوا البلد وكل الحاجات الغريبة دى!!؟
 طيب ما السادات مات فجأة وعبد الناصر مات برده فجأة
 وكنا كمان فى حرب استراف.. يعنى العدو واقف ع الباب..
 وف كل بلاد الدنيا الرئيس ييموت فجأة.
 اه نسيت اقولكو ان الرؤساء دول بشر ..بيدخلوا التواليت
 وييموتوا..عادى يعنى
 وما تخافوش عندنا شجرة الدر والدستور بينظم الموضوع ده.
 *ناس تانية تقولك
 ياعم المعارضة هتركب على قفانا ..مش هروح اضيع نفسى
 لحساب مصالح ناس تانية
 اقول لدول.. كل ثورة ف الدنيا بيركب عليها ناس..بيحاولوا
 يسرقوها..الرك عليك انت..نفسك طويل!! هتفضل للآخر..
 حتى بعد رحيله!! هتخرج الشارع لو اى حد حاول ياخذ حقك
 ويسرق منك ثورتك وبعدين هو ده وقته اصلا..نحقق طلبنا الاول

ويرحل ،و بعدين نروح القسم وكل واحد ياخذ حقه
* و ناس تانية تقولك

مين هيسجى بداله؟ مافيش حد

اهو انا ماشفتش اكثر سذاجة من الرأى ده..

بقى الشعب اللى هب وعمل اقوى ثورة ف التاريخ مش هيطلع
منه اتنين تلاتة شرفا احنا اللى هنختارهم برده برأى الاغلبية ان
شاء الله.

* و ناس تانية مرعوبة من الاخوان

لو مبارك مشى الاخوان هيقعدوا ع الكرسي ... الاخوان معاهم
الاغلبية .. انت مابتشوفش بيكتسحوا ازاي ف الانتخابات
لما كانت الى حد ما نزيهة..

هقولك معلومتين سواء كنت مع او ضد الاخوان

اولا: اغلب الناس اللى نزلت يوم ٢٥ ماكانتش بتروح

الانتخابات اصلا.. و اغلب الشعب ماعهوش بطاقة انتخابية..

يبقى عرفت منين انهم اغلبية؟ اللى كان بينتخبهم فهو فى الغالب
اخوانجى

ثانيا: لما تتحقق الحرية وكل الناس تترل تدلى باصواتها ..

هنشوف ساعتها الاغلبية مع مين؟
 اذا فاز الاخوان يبقى هو فعلا الاغلبية
 الله! طب انت متضايق ليه! انت ضد الديموقراطية ولا ايه!!
 تبقى ديكتاتور وماتفرقش عن مبارك ف حاجة.
 *طيب مافاضلش غير الناس اللي بتقولك..
 مبارك ده ف مقام جدنا واب لنا مهما عمل لازم نعامله باحترام
 وانجازاته كتير وحقق لنا الامان ...
 بصراحة مش هرد على دول عشان لو اتكلمت هشتم وانا متربية
 ومش عايزة اخرج عن شعورى اكر من كده...بس يجد الناس دى
 يا إما مدفوعلها..يا اما مغيبة..يا اما مرضى نفسيين
 فى يا جماعة مرض نفسى بيخلى المريض يتلذذ بالعذاب وتنشأ
 بينه وبين اللي بيعذبه علاقة عاطفية ومايقدرش يعيش من غيره
 .. خلو بالكو اغلبنا بيعانى ف بعض اللحظات من أعراض المرض
 ده بدليل تعاطف البعض مع خطاب مبارك..لكن ده مش معناه
 انهم هوبلس كيس، بدليل برده انهم ينفوقوا بعد كده .
 انا طوالت عليكمو ومش عارفة رديت على كل اللي بيتقال ولا
 نسيت

حاجة

ومش عارفة قدرت اقنع حد كان مختار ولا ماعرفتش..
بس ارجوكو حاولوا تشيلو صورة مبارك الوديعه وملامح الجد
اللى خايف على مصلحتنا وكلامه اللى كاتبينهوله ناس
متخصصة فى التأثير على البشر وهيبته وبدلته وكرافته..
ارجوكو لما تشوفوه حاولوا تشوفوا البلطجى والمجرم والمرتشى
والقاتل والخائن والجاسوس اللى جواه..

شوفوا الراجل اللى سحب الامن من بلده عشان كرسى
شوفوا الراجل اللى قتل المئات ف كام يوم عشان كرسى
شوفوا اللى عمل كل ده ..مستحيل هيسيب الكرسي بعد ست
شهور.

عزيزى المواطن!! سواء كنت معارض او لا...انت اتورطت واللى
كان كان...

مش هينفع تقول انا ف حالى والدليل ان غضب عنك نزلت
تحرس بيتكولسة!!!


مبارك دلوقتى مجروح ومهان وذليل ادام العالم بيحاول يلم شتاته
ويعرف اعدائه من اصحابه واول ما يقف على رجليه هيطيح

ف الكل هيبقى زى الطور الهايج مش شايف غير شعب ابن
كلب.. فضحه وذله ادام العالم
الثورة قامت وخلاص.. ماينفعش نرجع تانى.
كل يوم تأخير عن رحيله سيزيد الامر سوء ويفرم المزيد منا
الموضوع بقى حياة او موت.
انا نازلة بعد شوية.. ساية بنتى وشايلة روحى على كفى..
مش انا لوحدى فى ملاين رايحة الميدان مستنيكو..
ما تتأخروش.. ربنا مش هسيينا وبالتوفيق لمصر

Like comment share

THE UNIVERSITY OF CHICAGO





--

Wessam Elshafey

ارحل

February 4 at 3:06pm

Neveen Shalaby

ارحل يعني امشي ... يمكن ما يفهمشي

February 4 at 8:16pm

Mai Abo Nawaia

لما الشعب يقوم وينادي.. يا احنا يا هما في الدنيا دي.. حزر فزر ..

شغل مخك.. شوف مين فينا حيغلب مين!!!!!!

February 4 at 1:25pm

Abdelrhman Moktar

انا عايز اارووووووووووو التحرير يا بشر

February 4 at 3:12pm

Basma Elmor

المداخل الآمنة لميدان التحرير: شارع محمد محمود، شارع قصر
النيل، شارع شம்பليون، شارع القصر العيني، كوبري قصر النيل..
برجاء تجنب محطة مترو جمال عبد الناصر ومنطقة المتحف المصري

February 4 at 11:57am

Abdelrhman Moktar

عاجل : الثوار يؤمنون جميع الشوارع المؤدية لميدان التحرير ،
و التفتيش عدة مرات ، ولا وجود مطلقا للبلطجية

February 4 at 4:03pm

Hala Mostafa ELzaghandi

الشارع لنا .. احنا لوحدنا ... و الناس التانيين دول مش مننا
(صلاح جاهين)

February 4 at 6:55am

Wessam Elshafey

اللهم أنزل جنودك لحماية أرض مصر ،،، آمين آمين آمين

February 4 at 12:28am

Mai Abo Nawia

بسم الله ما شاء الله



Wall Photos

صورة لصلاة الجمعة في ميدان التحرير

February 4 at 2:38pm

Abdelrhman Moktar

صورة.. صورة ..كلنا كدا عايزين صورة

February 4 at 2:05pm

Iman Khairy

هو صلاح جاهين لما قال: "اللي هيبعد من الميدان عمره ما هيبان
في الصورة" كان قصده ميدان التحرير؟

February 3 at 7:49pm

Gamal Khoziem

الان فقط لسنا كغساق السيل

February 4 at 4:31pm

Ahmed Fouad Eldin

الشعب مصدر السلطات. الشعب يريد اسقاط النظام.

بسيطة على فكرة

February 4 at 11:04pm

Basma Elmor

هام جدا: أهم حاجة يعملها اللي مش هايترل النهاردة أو مش

موجود في مصر مايشوفش التلفزيون المصري

February 4 at 4:09pm

Maii Abd-Ellatif Khater

لأن الكذب حصري على التلفزيون المصري..

استقالة شهيره أمين من قنوات النيل

February 4 at 3:55pm

Mohamed Rafie

يا خوانا والله العظيم التلفزيون الاهطل هوة السبب في نزولي

التحرير

February 4 at 2:07pm

Mohamed Rafie

لو سمحتوا .. وسعوا الكادر شوية في الجزء بتاع ميدان مصطفى

محمود عشان نشوف العدد الحقيقي لمؤيدي مبارك

February 4 at 5:35pm

Ahmed Fouad Eldin

الآلاف في ساحة (تايمز) بنيويورك بيطالبوا برحيل مبارك ..

بس الغريبة ليه مفيش حد طلع في (كويتر) يطالب بالاستقرار

February 4 at 11:17pm

Ahmed Fouad Eldin

كل ما افتح المحور أفكر فيلم كلمني شكرا:

أنا عاطف الطاير والأسطي بتاعي كان بياخدني في المواسير

February 5 at 3:11pm

Aly Mourad

واضح ان كلمه "مندسون" و"اجنده" بقوا بدل "شفافيه"

February 4 at 2:00pm

Alaa Ezzat

حد يديني اجنده هدية من الاجندات الخارجية اللي بتتوزع على
الناس دي

February 4 at 3:19am

Mohamed Rafie

يا ماما في اجانب في ميدان التحرير؟

انا هحاول افتح سبيس تون يمكن أفهم

February 4 at 5:26pm

Maii Abd-Ellatif Khater

وجبات كنتاكي ومخدرات واستمارات للمشاركة في كتابات
القسم بتوزع على المعتصمين... كرتتستتون

February 4 at 6:40pm

Doaa Yousry

من وكالة أنباء أسوشيتد برس الأمريكية:
الأسطول السادس الأمريكي يتحرك باتجاه السواحل المصرية
بدعوى تأمين الملاحة في قناة السويس في الوقت الذي تحتشد
فيه القوات الإسرائيلية على الحدود

February 4 at 5:22pm

Hala Mostafa ELzaghandi

إذا أردت السيطرة على الناس .. أخبرهم انهم معرضون للخطر
و حذرهم من أن أمنهم تحت التهديد، ثم شكك في وطنية
معارضيك - هتلر

February 6 at 6:26pm

Hani Mostafa

دعوة إلى كل الشباب.. كل من رفض الخطاب الثاني لمبارك
إلى كل الصامدين.. أَدعُوهم إلى كوباية سحلب سخنة تدفينا
واحنا بايتين في الميدان في عز التلج .. قشطة ع الجميع

February 5 at 3:35pm

Hala Mostafa ELzaghandi

من الميدان: جمبي بايتة بنت مش معاها غير اعدادية ،معسكرة
ف الميدان لوحدها وامها ع الموبايل بتقولها ارجعي ده بيقولوا
عليكو جواسيس وبتاكلوا كنتاكي..و البنت بتدافع عن نفسها
ورفضت ترجع..قتلتها من امتي وانتي ف الميدان ..

قالتلى من ساعة لما نزلت اشترى حاجة لماما وكانت هتخبطنى
عربية امن كبيرة لولا ستر ربنا.. بعد ما العربية مشيت لقيت تحتها
طفل كان ماشى ادامى..

عرفت ان اليوم ده كان اسمه جمعة الغضب ومن يومها وانا هنا

February 5 at 8:49pm

Shereen Rizk

الاعداد قلّت ف ميدان التحرير.. يا رب يفضى بقى والناس دى
تعقل

February 4 at 8:00pm

Mohammad Mohsen

هؤلاء الذين يضحّون بالحرية من أجل الأمان، لا يستحقّون أيّاً
منهما. بنجامين فرانكلين

February 4 at 6:58pm

Mohamed Rafie

خدعة الممتلكات الخاصة ..

أقر وأعترف أنى صدقت الشائعات فى الايام الاولى بتاعة احمى
بيتك بنفسك والنتيجة كانت ان الناس تسهر طول الليل فلا
تتابع ولا تترل الميدان طبعاً فى احداث شغب حصلت لكن
ليست بهذا الحجم

February 5 at 11:50am

Ahmed Abdelgawad Farahat

الحريه أغلى من الحياه

February 5 at 11:34am

Aly Mourad

بكره مصر احلي

February 4 at 8:56pm

At the time of the

the following

the following

the following

the following

the following

the following

the following

the following

the following

the following

the following

the following

the following

the following

the following

the following

the following

أسبوع الميدان

استمر قطع خدمات الإنترنت خمسة أيام كاملة..

النظام كان فاكراً أنه هيقدر يفرق العيال بتوع النت.. ماكانش فاهم أنه بيجمعهم على الأرض.. و كل يوم بيمر بيزيد إيمانهم بالثورة وإصرارهم على إسقاط النظام.. الجرح ييشفى أرواحهم والضرب يقويهم وكل شهيد بيقتل بيتزل مكانه ألف.

إنجى بنت مصرية.. مهندسة.. هربت من الأرقام لعالم السينما.. بتحب تكتب عن الحب.. السلام.. الإنسان.. فاقت على صوت الرصاص فى المدينة الهادية اللي بتعيش فيها.. فهمت لأول مرة يعنى إيه بلطجية؟.. أصحاب البيوت متجمعين.. أطفال مرعوبين.. ورجالة بتخرج بسلاح وترجع بدم على هدمها.. شايلين بطايق البلطجية والمهنة فيها يا شعب "أمين شرطة"...

دمعت إنجى.. فهمتكو! فهمتكو!..

الشعب يريد إسقاط النظام.. والنظام يريد تربية الشعب..

الشباب سهران في ورديات تحت بيته.. تتحول طاقة الميدان
للجان شعبية.. يمكن يتفض الميدان؟

لكن الميدان مبيفضاش.. إيه فاضل تاني يعملوه؟

واحد.. اتنين.. ثلاثة.. اكشن..

أيها الإخوة المواطنون.. هعملكو وهعملكو بس سييوني أموت
على أرضكو.. "خطاب الفتنة برعاية أنس العاطفي"

اكشن.. رجع النت

اكشن.. وقعت الناس في بعضها..

أحمد يحيى غيران على دم الشهداء.. لكن من متعاطفة مع
مبارك العجوز... خايفة من الفوضى.. خايفة على ولاد بلدها
من الموت.. وفي لحظة بيعم الصمت مع أصوات خطوات
خيول وجمال داخله الميدان.. أصوات بتغطي على أى صوت..
صوت الكذب.. صوت الخوف.. يصرخ أحمد في الكل..
الأكشن الأخير للنظام.. حرب أهلية.. عايزين يقولوا الشعب
بيقطع في بعضه..!؟


يتحول الميدان لساحة حرب.. قناصة ومولوتوف وحجارة من
ناحية وشعب أعزل من ناحية...

جرحي وقتلي.. جبهة وقتال.. وبنات بتغنى شبابنا رجال!..
ونيفين بتكتب على كل الصفحات.. انزلوا.. روحوا بقطن
وشاش ومعدات.. ولاد مصر ييموتوا...

محمود عبد الستار ماقدرش يشوف الموت ويفضل ساكت..
دق قلبه بالخوف على ولاد بلده.. كفاية مظاهرات.. كفاية
اعتصامات.. النظام وعدنا.. نديله فرصة!

وصل صوته لهانى..... الى قضى عمره على سلا لم النقابات
..مظاهرات.. احتجاجات.. فى الجامعة وأدام السفارات
..بهدلة واعتقالات وأصحاب بتروح ولا ترجعش.. وأحلام
وأمنيات.. هانى الطيب النفسانى فهم الخطاب.. الى جاى
يضيع كل الى فات.. سحر الناس بكلام معسول
مدروس.. هانى بيحاول يضيع مفعول السحر.. يصرخ...
بيقول... فوقوووووووووا....

الثقة فى النظام كارثة!



أسبوع الصوم



سبت الصومود Is Attending مصر

Time: ٥ - فبراير - ٢٠١١

Location: ميدان التحرير

Created by: الشعب

More info:

مليونيات .. نداءات .. هتافات .. لافتات بكل اللغات ..
"ارحل يعني امشى ياللى مبفتهمشى" ولأن النظام لم يفهم بعد.
يعلن الثوار أسبوعاً جديداً للصمود كتحدى واضح لكل
أسلحة النظام .. فسرعان ما ابتكر النظام سلاحاً جديداً أكثر
فتكاً.. فهل يصمد الثوار أمام سلاح البونبونى؟

Status Photo Link Video Question

Ahmed sultan

الجيش حاول يدخل الميدان بالدبابات لتضييقه على الثوار..
الناس وقفته وباتت ع العجل..الميدان بتاعنا وماحدث هياخده
مننا

February 5 at 8:00am

Ahmed Fouad Eldin

مشفش الامل فى عيون الولاد وصبايا البلد.. ولا شاف العمل
سهران فى البلاد والعزم اتولد اصله معداش على التحرير!!

February 5 at 2:38pm

Mohamed Rafie

مصر عادت شمسك الذهب

February 5 at 3:53am

Emad Adel

واجراس تدق لصرخة ميلاد

February 5 at 4:49am

Tarek El Arabi

قام العليل.. رجعتلوا انفاسه.. باس جيين الوطن..

مال الوطن باسو

February 5 at 2:12am

Eman Fahmy

جاءتنا معلومات مؤكدة: إن الراحل بتاع كنتاكي "ابودقن بيضه ده"

يعمل لحساب الاخوان (منقول)

February 5 at 11:41am

Muhammad Barakat

يعنى ايه نظام مبارك؟؟ يعني مصر تعمل مظاهرات والجزائر تلغي

قانون الطوارئ.... يعني الشرطة تأخذ أجازة، واحنا نقف خدمة

طول الليل.. يعني احنا نعمل ثورة والمساجين هما إللي يتحرروا

(منقول)

February 6 at 11:54am

Mai Abo Nawaia

تغير وزاري ايه اللي انت جاي تقول عليه انت عارف ابلا معني
الثوره ايه انت فيسيين والشعب فيسيين سحله ليه دايمًا معاك

February 6 at 12:22am

Abdelrhman Moktar

بعد دا كله اكتشفت اننا يدوب ف بداية الطريق

February 5 at 1:16am

Muhammad Barakat

في الشطرنج تتساقط القطع الصغيرة قبل أن تصل لـ (كش ملك)
وهكذا حال حزب مبارك (منقول)

February 5 at 5:41pm

Mohammad Mohsen

برنس الليالي صفوت الشريف... فينه؟

February 5 at 11:58am

Mai Abo Nawaia

أحمد شفيق لقناة ال بي بي سي : هانجيب للمتظاهرين بونبوني
وشيכולاته ... طب ده الواحد يرد عليه يقوله ايه ؟؟؟؟

February 5 at 12:53pm

Mohamed Rafie

أول مطلب لنا: أن نستبدل كلمة مظاهرات بكلمة ثورة

February 5 at 1:21am

Hala Mostafa ELzaghandi

أحمد شفيق : انت لو ابوك غلط فيك..تطرده!!!!
ما رأيك في تهديد امريكا بقطع المعونة؟... يعز على التصرف ده
منهم.. مش عارفة يا جماعة ليه حاسة ان طنط ام منى هى اللى
بتتكلم:)

February 5 at 8:05pm

Neveen Shalaby

من قلب الميدان نقلاً عن محمود العراقي دبابات الجيش تحاول
اخلاء الميدان بالدخول والتضييق علي المتظاهرين ولكن المتظاهرين
ينامون امام الدبابات لتقف مرة اخري

February 5 at 8:17pm

Hala Mostafa ELzaghandi

قدّاس الاحد في ميدان التحرير يا حابس دمهم ..ايوة كده:)

February 5 at 6:23pm

Mohamed Rafie

لو عايز تشوف مصر بجدا انزل التحرير ، سيحررك من الخوف

February 5 at 12:19am

Neveen Shalaby

اللي رايح الميدان بكره الصبح : روح بدرى ومتنساش تجيب فطار
وسكريات للناس اللي كانوا بايتين في الميدان..

اشوفكم بكرة هناك علي خير ان شاء الله

February 6 at 11:36am

لماذا مـن في التحرير..لا يفهمون ما تفهمه أنت likes مـر

فالييت؟



لماذا من
في التحرير..
لا يفهمون
ما تفهمه
أنت فالبيت

by Mohamed Abd Elhamid Bayiumi on
Sunday, February 6, 2011 at 12:29am

في التحرير بعد صلاة الفجر في ليلة كاملة من الاشتباكات مع
ب"لطحية النظام" .. حيرتني الفجوة ما بين "ميدان التحرير"
و "غير التحرير" .. لماذا الانفصال؟
"لماذا لا ترضيهم تنازلات الأستاذ /محمد حسني؟" في حين انهما
ترضيك وتراها كافية ..
والحمد لله الذي هداني لإجابة السؤال
والإجابة خمسة أشياء لو نظرت لها وتأملت معي الفرق فيها ما
بين "عندهم وعندك" ..

لفكرت كثيرا قبل أن تعتقد في استمرار الثورة من عدمها

.....

١_ الاخبار

عندهم: هم في قلب الحدث يرون ويسمعون الحقيقة بل يصنعونها
أحيانا
عندك: تسمع نشرات الأخبار وتحليل المحللين في التلفزيون أو أنت
، كذب بواح له قرنين

.....

٢_ الصحبة

عندهم: تجد من كل شرائح الشعب قوم يتحملون المشاق
و المخاطر والصعاب لاحقاق الحق "في ظنهم" وهم سعيديون
وكلهم امل
عندك: بابا وماما يريدون انهاء الازمة واصحابك الذين ملوا من
الجلوس تحت المزل والجميع كلامه من التلفزيون

.....

٣_ التضحية المبذولة

عندهم: جوع ، شمس نهارا ، برد ليلا ، هتاف مرهق ، جلوس علي

الرصيف ، نوم علي الاسفلت ، مخاطرة بالحياة ، مواجهة بلطجية
عندك: الاخبار المقلقة، المشاهد المفزعة عنهم ، قلق من الحرامي
، عدم نزول الشارع للبنات ، الغلاء

.....

٤_الهدف

عندهم: هدفهم خلاص مصر.. فاحلامهم البعيدة اصلا لمصر
والله تذرف لها الدموع
عندك: عودة الحياة للشارع،رفع حظر التجول،تجربة الحكومة
الجديدة،الامن والاكل

.....

٥_الشخصيات

عندهم: مندفعين متحمسين معاندين نشطين" لا اقصد فيهم
مدحا او ذما"
عندك: ناقدين محللين متمهلين متعقلين منظرين" و لا اقصد بكم
مدحا او ذما"

.....

تريد ان تعلم لماذا لا ترضيهم تنازلات الاستاذ \ محمد حسني؟ في

حين انما ترضيك انت
لان ما يبدلون ليس كما تبدل انت "....سامحني
لصــــــــــــراحتي"
فما يكلفهم هناك لا تعادله تنازلاته ..
لكنها تعدل ما تقدمه انت لذا .. انت راضي وهم ساخطون
.. فهمتي؟
فلا تعجب اخي من "هؤلاء" في التحرير ان كانوا ليسوا مثلك..
فانت لست مثلهم كذلك..
لا شخصيتك كشخصياتهم ابدا...و لا من حولك كمن حولهم
.. ولا الاكاذيب التي تسمعها هم يسمعونها بالمرّة
ولا هدفهم الذي ينامون له علي الاسفلت الصقيع...
كهدفك الذي تنام له دافئا مستغرقا علي السرير
ولا تسبهم فهم لا يسبونك.. ولا تتمني قتلهم فهم معتصمون
ظنا منهم انه لحياتهم وحياتك

Like comment share



أحد الشهداء Is Attending مصر

Time: ٦ - فبراير - ٢٠١١

Location: ميدان التحرير

Created by: الشعب

More info:

في أسبوع الصومود.. يحتفل الثوار بالشهداء في ميدان التحرير
ويصلون على أرواحهم في مليونية تهم مشاعر العالم ..
فهل يثير ذلك أية مشاعر لدى النظام؟! وإن كان الفهم نعمة
لا يمتلكها.. فهل يمتلك نعمة الإحساس؟!

Status Photo Link Video Question

Amir Boshra

دقوا أجراس الكنايس.... و ارفعوا صوت الآدان
ربنا هو اللي حارس.....مصرنا طول الزمان

February 6 at 2:22pm

Maii Abd-Ellatif Khater

اليوم صلاه و قداس ف التحرير لشهداء ثورة يناير

February 6 at 7:08am

Engy Mohy Eldin

اللهم ارحم الشهداء وانصر دمائهم

February 4 at 2:15am

Muhammad Barakat

مصر اللي بجدد، المسلمين لما يصلوا فيها، المسيحيين هما اللي
يُحموا ضهرهم.. مافيش مسيحي واحد يتقتل مافيش فتنة طائفية،

February 6 at 12:08am

Shereen Talaat

سواق التاكسى من امام ميدان التحرير سالى يا مدام..
ألا صحيح بتاخدوا الوجهه قتلوا اذا كان ربع رغيف حاف
وجبنة يبقى ممكن

February 6 at 7:21pm

Mai Abo Nawaia

مش كانت الحكومه قالت ان المتظاهرين بيجيلهم اكل من مؤمن
بدل كنتاكي علشان تلزق في الاخوان؟
February 6 at 12:26am

Ahmed Sultan

العيال السيس اللي في ميدان التحرير دول كل واحد معاهم
شنط "حقائب سياسية" مليانة أجنداث ودولارات ويوروهات
وجنيهات واجهزة اتصال وفراخ ولحمة وبيتكلموا كل لغات
الدنيا ومعاهم جوزات سفر لكل بلاد العالم .. حاجتين في حياتي
عمري ما حببتهم رجل المستحيل والتليفزيون بتاعنا
February 6 at 1:50am

Mahmoud Barakat Hassan

أكاد أقسم أن الشعب فعلاً له أجندة ..و العبقرية في العفوية..
شكراً لك سيدي الرئيس ..لقد علمتنا ماذا نريد فعلاً بأفعالك

!!!!.....

February 6 at 12:56am

Ahmed Sultan



عمر سليمان بدأ التفاوض مع الاخوان والتجمع وممثلين عن
المتظاهرين

www.sheemapress.com

February 6 at 4:30pm

Hani Mostafa

لا أعرف كيف يعتقد البعض أن هناك تفاوض ينجح بدون
ضغط واقع بالفعل.. فبعد إزالة الضغط (التظاهرات يعنى)..
ما الذى يجبر الخصم على الانصياع ولو بالقليل..

February 5 at 9:18pm

Abdelrhman Moktar

تحول خطير فى الموقف الغربى لصالح مبارك يتزامن مع تحول فى
موقف بعض القوى السياسيه.. احذروا الخيانه.

February 6 at 1:52am

Aly Mourad

اصحوا يا بشر !

February 5 at 5:07pm

Mahmoud Barakat Hassan

إحنا مطالبنا بسيطة ..هو يمشي ..إحنا نمشي..

February 6 at 4:29am

Yasmine Okasha

ردا على جمعة الغضب.. وجمعة الرحيل ويوم الشهداء وأسبوع
الصمود، أعلن الرئيس انه قرر التنحي في "يوم القيامة" ... !!

February 6 at 6:13pm

Wessam Elshafey

أفلام جيل الثورة: أبي فوق الدبابة... عودة النت... المهندس
والأجنحة... الرصاص المطاطية لاتزال في جيبي... في بيتنا
بلطجي... نحن لا نرمي المولوتوف... مهمه في ميدان التحرير
... الرئيس عمر سليمان... حرميه في لندن... البحث عن دستور
... ليلة القبض على عز (منقول)

February 6 at 5:55pm

Shereen Talaat

اليوم في القداس كان المسلمين والمسيحيين يصلون للآبانا الذي
في السماء ان يبارك الثوره ومصر .. الله علينا بجد

February 6 at 6:18pm

Aly Mourad

دوله التحرير الحره المستقله

February 6 at 8:42pm

Mohammed Abdel-mordi

إزاي في حضنك ملمومين وانتي على حالك كده ???

February 6 at 1:02am

Maii Abd-Ellatif Khater

أتارى للشمس صوت.. وأتارى للأرض نبض.. تانى معاكم رجعنا

نحب كلمة مصر.. تانى معاكم رجعنا نحب ضحكة بعض :))))

February 6 at 6:13pm

Maii Abd-Ellatif Khater

اليوم كان اول يوم عوده للعمل.. كله مشى تمام.. و اشتغلنا

و المحلات فتحت والناس باعوا واشتروا...

مع العلم ان اللي في التحرير لسه ف التحرير .. اتمنى ان ده ينور
ان وقف الحال كانت خطه للوى الذراع

February 6 at 5:47pm



مصر

_ اثنين الحشد

Status Photo Link Video Question

Doaa Yousry

فكرت امبارح أروح مشوار لقيت عربيات عكس الاتجاه
هربانين من بلطجية، الجيش انقذني بأعجوبة وطلعنا الدائري
وبعد فترة من التوهان رجعت بيتي زعلانة أوي... يجد يا جماعة
البلد مش أمان

February 7 at 10:43am

Hani Mostafa

كل واحد يقول "نقطة دم ومن أول السطر" ..

يبقى يفرط في دم الشهداء

February 7 at 11:33am

Mohamed Abd Elsayed

سنناضل من اجل الحرية ... من اجلنا ... و من اجل الذين لا

يريدونها

February 7 at 11:24pm

Aly Mourad

مافيش اخبار عن وائل غنيم؟

February 7 at 3:47pm

Wessam Elshafey

شوفوا وائل غنيم على دريم ٢ الآن

February 7 at 10:08pm

Ahmed Abdel Moneam Masoud

دي مش غلطتنا والله العظيم ما غلطتنا ...

دي غلطه كل واحد ماسك ف الكرسي (وائل غنيم)

February 9 at 6:43pm

Hani Mostafa

كلنا مع وائل غنيم لاسقاط الطاغية

February 7 at 11:17pm

Muhammad Barakat

الناس اللي بكيت لما شافت وائل غنيم النهاردة بكيت علشان

مصر والناس اللي بكيت علشان خطاب الرئيس مبارك بكيت

علشان شخص

February 8 at 1:18am

Ahmed Fouad Eldin

طول اليوم أدعي يا رب .. تحصل حاجة تلهب الثورة ثاني ..

والحمد لله !! وائل غنيم ولعها

February 8 at 12:51am

Aly Mourad

شوفوا وائل الابراشى دلوقتى....

ضابط شرطة ييفضح كل حاجة

February 7 at 2:35am

Hani Mostafa

حرمتم محافظة الاقصر من أي تغطية إعلامية مما سمح للبلطجية
لمسلحين من التحرش بالمتظاهرين". انشروا الخبر لانقاذ الاقصر

February 7 at 12:38pm

Basma Elmor

يا شرفاء الوطن إدارة الحوار ليست مع النظام البائد ومع فئات
الشعب ممن يتعرضون لتضليل أنس الفقي (منقول)

February 7 at 12:26pm

Abdelrhman Moktar

عاجل: ٦ ابريل تدعو لمظاهرة غدا أمام التلفزيون لفضح
الاعلام

February 7 at 7:17pm

Muhammad Barakat

هوا الرئيس مازهقش لغاية دلوقتي؟؟

February 7 at 11:44pm

Iman Khairy

لو اضطررت للتوسل إلى رجل آخر من أجل حريتك فأنت لن
تناها أبدأ، الحرية يجب أن تناها أنت بنفسك (مالكوم اكس)

February 7 at 6:32pm

Mai Abo Nawaia

الرجل ده مش هايجي بالادب....طيب نعمل ايه ما احنا
شعب محترم...نستوردله شعب سافل يتظارهله ولا ايه يعني؟

February 7 at 10:34am

Sarah Ahmed Elshayat

ده لو عفريت كان انصرف D:

February 7 at 8:11pm

Neveen Shalaby

مبارك يهدي للشعب اغنية نانسي عجرم " اخاصمك اه..

اسييك لا"

February 7 at 6:19pm

Sarah Ahmed Elshayat

اليوم السابع | نيابة أمن الدولة تحقق في اتهام "العادلي"
بالتورط في تفجير القديسين ..عرفتو بقي مين اللى بيعمل
فتنة!!

February 7 at 5:30pm

Mai Abo Nawaia



وسط صرخات هلع فتيات يوثقن جريمة قتل لشاب أعزل
في شارع بالإسكندرية من قبل رجال الشرطة المصرية في
جمعة الغضب

www.youtube.com


February 7 at 11:27pm

Noha Atef Soudy

ده مش يمشى بس.. ده لازم يتحاكم ويموت كمان

February 7 at 11:15pm

Mohammed Abdel-mordi



سيارة هيئة دبلوماسية عربية تدهس ٢٠ مصري في جمعة
الغضب

www.youtube.com

February 8 at 4:32pm

Noha Atef Soudy

ده مش يمشى بس.. ده لازم يتحاكم ويموت كمان

February 7 at 11:15pm

Hanan Kama

معا محاكمة مبارك: يوم الجمعة القادمة زحف مليوني سلمي
الى قصر العروبة وماسبيرو وميدان التحرير في القاهرة....
وقصر راس التين بالاسكندريةلزيد من الضغط... انشروا

February 7 at 12:08am

Ahmad ElTürki

عمري ماصدقت أي دعوة لمظاهرة في حياتي
سؤال مش لاقى له جواب :ليه انا صدقت المره دي
وشاركت؟؟

February 7 at 11:47pm

Amir Boshra

انا اول مرة احس انى مصرى وبني ادم ولى حقوق..انا زعلان
من نفسى على سلبيتى وخوفى وسكوتى كل السنين اللى فاتت
دى

February 7 at 12:26pm

Wessam Elshafey

ذهب الليل طلع الفجر والشعب اتحرر اتحرر....
شاف مبارك قاله اتنحى والنظام فرفر فرفر...
الشعب قاله سيب السُلطة وخلينا فى حالنا....
شد نفسه وبعث حرسه وراح جر شكلنا...
قامت الناس قعداله وحلفت ماهى رايحة بيوتها...
وادی جزات اللى يتلامض مع الشعب بتاعنا (منقول)

February 7 at 6:38pm

Ahmed Sultan

أنا وإن كنت الأخير زمانه.. لآت بما لم يستطعه الأوائل
(إمضاء ٢٥ يناير)

February 7 at 3:22am

أنت تبحث عن زعامة مصر سبعة أشهر وأنا likes مصر
أدعوك لزعامة العالم الى الابد
likes لماذا مصر ؟



أنت تبحث عن
زعامة مصر سبعة أشهر
وأنا أدعوك لزعامة العالم
إلى الأبد

by Mohamed Rafie on Monday,

February 7, 2011 at 9:12pm

أنت تبحث عن زعامة مصر سبعة أشهر وأنا أدعوك لزعامة
العالم إلى الأبد.... سيدى الرئيس أنا واحد من شعب مصر
شاب وأب لأسرة بها

طفل واحد، لكنى أمتلك الحل أعرف كيف أمحو أسطر التاريخ

قبل أن تنسطر، صدقنى سيدى لدى الحل السحرى الذى نريده
جميعا وأنت معنا يا سيدى.

في البداية انا أعرف ما تعانيه الآن وأعرف أنك لا تنام مثلي وأتفهم
ما تشعر به في هذه اللحظات، أعرف أن صدرك مذبوح بخيانة من
حولك مذبوح ..

لأن أولادك طلبوا منك الرحيل، أعرف أيضا التركيبة النفسية للقائد
العسكري والمحارب المغامر، وأعرف أنك ترى شعبك جنودا
خرجوا عن النظام وخانوا قائدهم، وكسروا الاوامر العسكرية،
أعرف ما تعانيه من ضغوط داخلية وخارجية ..

وأعرف أنك تفضل الموت على الرحيل وأعرف أن الرحيل بالنسبة
اليك هزيمة عسكرية وهروب من الميدان.

أعرف أنك خائف من التاريخ الذي سيذكر من سبقوك ولن يذكر
عنك الا خائمتك التي وان سمحت لي سعة صدرك ستكون ان

الشعب ثار عليك وخلعك، لن يذكر التاريخ السبعة أشهر المتبقية
ولا كم الاصلاحات الممكن تنفيذها فيهن، ستكون يا وجعي
ويا وجعك سطرا واحدا في كتاب التاريخ سطرا يقول بأنك كنت
قائدا عسكريا فذا وحاكما ساد الفساد في عهده فعزله الشعب
وخلعه.

مهما فعلت سيدى لا يمكن تضليل التاريخ، لن يمحي هذا السطر
مهما فعلت لو قتلت كل الثوار في ميدان التحرير لن يمحي هذا
السطر لو جاءك عزرائيل الان - لا قدر الله- لن يمحي هذا السطر،
لو أصلحت ما يمكن لك أن تصلحه لن يمحي لو حاربت اسرائيل
الان لن يمحي، لو هربت لن يمحي لو تنحيت لن يمحي،
يا لتعاسة الموقف وأنعدام المخرج التاريخى يا سيدى. ناهيك عن

دعاوى الملاحقة القانونية والكلام عن ثروتك وثروة أبنائك..

إن مصر سيدى الرئيس فى لحظة فارقة لن نستطيع إيجاد المخرج

من هذه الازمة الا لو تفهمنا هذه الثورة ووصلنا الى لبها، مصر

الان تعلم العالم أجمع درسا جديدا، مصر تغير فكر واتجاهات

شعوب الارض. إن أمريكا يا سيدى أوهمتنا وتوهمت أن زمن

الثورات الكبرى أنتهى وانها وحدها من تملك الحق فى أشغال

ثورات صغيرة تهدد بها الحكام أو تخلعهم، وصل بها الصلف أن

يقول أحد رجالها أن أى بلدين أنتشرت فيهن سلاسل ماكدونلدر

لا يمكن أن يتحاربا . أمريكا يا سيدى كانت قبل 25 يناير تعتقد

أنها تعرف كل المخططات على وجه الارض كانت تعتقد أنها

تعرف حتى مخططات الله، وأنها تستطيع التنبؤ بالطقس والزلازل

وبالحركات الكونية والشعبية، أمريكا يا سيدى تعتبر نفسها أعظم

منجم في العالم تعلم آوان الحروب وتصنعها أماكن البترول وتحتلها،

ولا يقض مضجعها إلا أن يحدث شيء خارج التوقعات ويعتبرون

ذلك فشلاً.

أمريكا الآن عاجزة عن فهم هذا الشعب العجيب الذي كلما قتلته

عاش وكلما جوعته شبع وكلما ذلته زاد عزة، أن شباب مصر
ابناؤك يشبّون للعالم أن الثورات الكبرى ليست مبنية على طبقات
اجتماعية ذات مصالح مشتركة ولكن على شيء جديد ليس مكتوب
في كتاب رأس المال لكارل ماركس ولا في كل الدراسات الرأسمالية
ولا حتى في التقارير التي تصل إلى أمريكا من مجمع أبين خلدون
وغیره.

يشبّون أن الثورات تولد من رحم العقل الجمعي والوجدان الجمعي

الدين مهما كانت الطبقة الاجتماعية أو الفتوية .

الآن نفتح فتحاً جديداً ونعلم العالم أننا المرشحون إلى التأصيل

بعد ما بعد الحداثة. وإن الثورة ستفتح الآفاق على فنون جديدة وأدبيات جديدة واستراتيجيات جديدة، ستغير أجهزة المخابرات آلياتها والاعلام آلياته، المصريون أبناؤك يسطرون تاريخاً للأجيال القادمة تقول بعض الأجهزة أن هناك من يحاول ركوب الثورة لتحقيق مكاسب هؤلاء ضيقى الأفق لأن المكاسب هنا ليست إعتلاء الحكم. وما يحدث في مصر الآن هو أكبر من ذلك كثيراً ولا يهم من سيكون على قدر أهمية هذا الفتح الجديد في الفكر العالمى الذى تصنع هذه الثورة.

وأنا الآن أدعوك أن تسطر معنا هذا التاريخ أن تعبر بنا عبوراً

أقوى تأثيراً من العبور الأول والضربة الجوية الاولى .

أنا أدعوك للذهاب إلى ميدان التحرير وعرض هذه الأفكار ومباركة

الثورة والتأمل لها ثم التنحي هناك على الارض فى الميدان أمام أعين
العالم، التنحي من أجل أن تصون الثورة وتفتح باب العالم الجديد
بيديك صدقنى سيدى هذا هو الحل الذى سيغير ما سيكتبه التاريخ
عنك إذهب بكل عزة وكبرياء وسط جنودك وابناء شعبك قل لهم
أنك نحيث غضبك وسموت عليه قل لهم أنى أنا المصرى الذى
سأحرق

كتاب رأس المال بيدى وأنظر معكم لعهد جديد وعالم جديد
وتبرع

بجزء من ثروتك الشخصية للموجودين فى الميدان فالعمر لم يعد فيه
الكثير لكتر الأموال..

وأدعو إلى ثورة جديدة تشترك فيها جنبا إلى جنب مع أبنائك
ولتكون يوم ٦ إبريل القادم تقودها أنت كمواطن « سرى » وتكون

من أجل البناء، بناء مصر الجديدة ثورة تستغل طاقة الشباب
لجمع القمامة ونقل المتحف وتشجير مصر وترميم الخراب وتغيير
سلوك المرور ثورة تعيد تأهيل جهاز الشرطة وتعيد الكرامة المصرية
في الداخل والخارج، ثورة تغيير مناهج التعليم وتقضى على الأمية
، وهكذا يكتبك التاريخ في مصاف الزعماء الحقيقيون هكذا بفخر
بك شعبك واسرتك واحفادك ويسطرك التاريخ هكذا تعبر بالعالم
أجمع لمرحلة جديدة وليس بعدد من الطائرات عدة كيلومترات
، وسيدكر التاريخ أنك أول زعيم في العالم يناصر من طلبو منه
الرحيل ويفتح الآفاق لعالم جديد وفكر عالمي جديد ومرحلة
إنسانية جديدة.

أنت تبحث عن زعامة مصر سبعة أشهر

وأنا أدعوك لزعامة العالم إلى الأبد

Like comment share



لماذا ؟

by Engy Mohy Eldin on Tuesday,
February 8, 2011 at ٥:16pm

لماذا ننتقد شباب التحرير وقد أخرجوا الثائر الكامن بداخلنا ؟

لماذا نخاف الموت حين نراه ونسمعه وقد كان متخفياً لنا وراء

كل جدران؟

لماذا لا ندمع على شهدائنا وقد كانوا يحلموا بالحياة مثلنا؟

لماذا تسقط بيوت السويس في أول يوم للغضب؟

لماذا حين نطالب بأبسط حقوقنا.. بنور الحرية.. بالكرامة..

بالعدالة.. بالخبز... يطلق علينا الرصاص؟

لماذا حين نبحث عن غداً أفضل.. يكتمون أنفاسنا بقنابل
أمريكية منتهية الصلاحية؟

لماذا حين نقف بوجه الأمن المركزي... نطالب بمجرد كلمة
"مرور".. نضرب ونهان ونشد من أذرعنا لنرمى في معتقلات
كأناس سقطت من جعبة حقوق الإنسان؟

لماذا نستيقظ بالصباح لنجد أننا كنا تحت مظلة وهم كبير اسمه
"النظام" ويثبت لنا أنه لا يمد لكلمة النظام بأية صلة؟

لماذا تزور البلطجية والشرطة السرية بيوتنا ليفرقوا علينا هدايا
النظام من قمع وتهذيب واصلاح بالسيوف والأسلحة البيضاء
والسوداء وكأنها هدايا لعيد ميلاد سنة ظلم جديدة ؟

لماذا نستغيث بأرقام الشرطة لنجدهم لا يجيبوا حين إنهاء تهدينا
واصلاحنا؟

لماذا نجد أنفسنا نحمل أنفسنا بأنفسنا؟

لماذا يتحول الشعب للجان وثكنات عسكرية لحماية ممتلكاته
وعرض نسائه ؟

لماذا تنام وتصبح الأطفال على أصوات الرصاص وكأنها
أصوات لبوم العيد ؟

لماذا تطل بعد منتصف الليل وتهيب الشعب بلقمة العيش..
تخيره بين فوضى واستقرار وكأنك تحولت لإله بيده مقدرات
الأشياء؟... أية فوضى قد تصيب شعباً شهيداً وشاهداً على
أعظم عبث حدث بتاريخه في وجودك؟!

لماذا تعيد لنا شبكة الإنترنت لتحكم خيوطها بفتنة سوداء
حول أعناقنا جميعاً؟

لماذا نطالب بالاستقرار وقد عشنا سنوات في استقرار زائف
وراء دماء تنتظرنا؟

لماذا نرضى بفتنة ظلوا سنوات يزرعوها بأنفسنا لنكره بعضنا
بعضاً؟

لماذا يعلو صوت الحق بالميدان فتعلو فوقه أزيز الطائرات الحربية؟
لماذا تسكت منابر الحق وتقبض يدك على أجنحة الصحفيين
ومطالبي حقوق الإنسان؟ لماذا تعتم تاريخك أيها الاعلام
المصرى وتنتحر بحبوب النفاق كذب أمام عيون العالم

لماذا تستأجر كومبارس وجموع لتهتف لك.. أمام شعب يهتف
ضدك؟

لماذا حين نتوحد على كلمة واحدة ونطالبك ب"الرحيل"...
نجدنا في موقعة من العصور الوسطى اسموها "موقعة الجمل"؟
لماذا يَحتزنون ال ٧٠ مليار دولار في بطونهم كالجمال ثم يبعثوا
بذاك الجمل ليرفشنا بوضوح النهار؟

لماذا تدهسنا الخيول لنصبح مشهداً من تاريخ ساحق...
تضحك منه كاميرات العالم؟

لماذا بين ليلة وضحاها نجد أنفسنا في حرب أهلية دامية لأجل
الغرور؟

لماذا حين نحلم بالميدان.. يشق صدر الحلم بسيف البلطجية
المأجورين من نظامنا؟

لماذا نروى أرضنا بدمائنا وهم يشعلونها بنيران المولوتوف من
حولنا؟

لماذا تخرج سيارات دبلوماسية وبوليسية لتساوينا بأرض الوطن؟
لماذا يقف شاب سكندري أعزل وحده فيغتاله أمن بلده...

ليصبح عبرة لمن يعتبر؟


لماذا تبكى أم ابنها الذى خرج يوم ٢٥ يناير ولم يعد؟ لماذا تنام
تحت بيوت بلا أسقف فى عشوائيات مجهولة الهوية وعلى
أرصفتها شوارع القاهرة.. لتتملكوا عقارات بنىويورك وباريس
ولندن وفرانكفورت ومدريد ودبى وواشنطن؟ لماذا اكتشفنا أن
حاميتها حراميتها؟ لماذا أصبحت الشرطة فى عداوة الشعب؟ لماذا
نعزيك فى حفيدك ولم تعزينا فى شهيد واحد من أولادنا؟

لماذا نعتبرك أب - كما يدعى البعض - وتقتل أبناءك بالرصاص
الحى؟

لماذا لا تتخلى عن السلطة كما تخلىنا عنك؟
لماذا تخرج عواصم العالم لتنادى معنا برحيلك.. وأنت لا
تستمع سوى لشيطانك؟

لماذا تصر على موت مصر وأولادها لتحيا أنت؟
لماذا تصر على رحيل ٨٥ مليون مصرى حتى لا ترحل أنت؟

Like comment share ارحل



مليونية الثلاثاء

Is Attending مصر

Time: ٨ - فبراير - ٢٠١١

Location: ميدان التحرير

Created by: الشعب

More info:

لم ييك وائل غنيم وحده.. بل بكى معه شعب بأكمله ..
بكى خديعة النظام له.. بكى ضحايا القديسين للمرة الثانية ..
بكى دماء شهداء جمعة الغضب .. مشاهد دامية حاول النظام
إخفاءها ففضحه العالم الافتراضى .. بكى بؤسه وظلمته ودماء
أبنائه .. فهل تحركه دموعه ليصنع مليونية جديدة ... ؟
والسؤال الأهم : هل سيحتشد في الميدان ليزدرف المزيد من
الدموع ؟؟

Status Photo Link Video Question

Mohammed Abdel-mordi

حبر شني يا حبر شني ... قاللي مبارك اكر شني
نعملك ايه تاني يا حسني، مظاهرات وعملنا،
إعتصامات وعملنا، حتى الزار عملناه عاوز ايه تاني؟



زار في ميدان التحرير لرحيل مبارك

www.youtube.com

February 8 at 3:05pm

Ahmed Sultan

مطلوب للسعودية: ديكتاتور خبرة - يفضل أصحاب الاعمال
الاجرامية - المرض النفسي ميزة اضافية - يجيد لغة القمع -
الألوية للحكام العرب

February 8 at 5:03am

Ahmed Sultan

فيه تغيير يعني اطلع برا ... انجز ... بيرغي ف ايه دا ؟

February 8 at 9:50am

Tarek El Arabi

في ناس بتقول راضيين وناس فاهمين.. والنظام بيقول ..
مش سامعين

February 8 at 10:21pm

Gamal Khoziem

ودن من طين والثانية من عجين

February 8 at 11:55pm

Maii Abd-Ellatif Khater

إرحل سيدى الرئيس.. إرحل ولا تستحلفنا بنصر أكتوبر..

فالارض التى استردت فيها قد بعث ف السلام اضعافها..

إرحل. فقط إرحل

February 8 at 6:43pm

Hala Mostafa Elzaghandy

ياريتك ضربتنا احنا الضربة الجوية.. و رحت حكمت اسرائيل

تلاتين سنة

February 8 at 6:00pm

Mohamed Rafie

أيام الجامعة كان رئيس الجامعة يتزل للمظاهرة ويقولنا : مش

هعرف اتكلم مع ٢٠٠٠ واحد.. شوفوا عشرة منكم

يحصلوني على مكتبى.. طبعا بيقبض على العشرة وتنفض

المظاهرة.. عدم وجود قيادات ميزة

February 8 at 12:49am

Ahmed Sultan

قلبك دائما يكون شايف الحقيقة انما عقلك ممكن ساعات
يتحير.. طز في كل ايدولوجيات الدنيا لحد ما يبقى المصير في
اليد

February 8 at 6:55am

Mohamed Rafie

الثورة التي لا تكتمل تحفر قبور من قاموا بها.. جابريل ماركيز

February 8 at 4:21am

Ahmed Yehia

بيننا يا جدع نزل الميدان

February 8 at 12:34pm

Ahmed Fouad Eldin

محدث يتزل التحرير عشان كل وجبات كنتاكي سبايسي
النهارده

February 8 at 5:29pm

Ophilya Atef Beshay

فين مؤيدى مبارك !!!!! حد شافهم؟؟

February 8 at 1:14pm

Wessam Elshafey

في إطار محاكمه أحمد عز سألوه :من أين لك هذا قال هذا من
فضل ربي.رد عليه الشيطان وقاله آه يا واطي يا ناكر الجميل

February 8 at 4:19pm

Ahmed Faheem

لنا المجد ولهم العار

February 8 at 2:46pm

Hala Mostafa ELzaghandi

رسالة موبايل من وزارة الداخلية:شعار الداخلية حاليا الصدق
و الاخلاص ف العمل والالتزام بسيادة القانون ...

اللهم صلى اللهم صلى..الداخلية بتمحك يا جدعان.

February 8 at 11:33pm

Gamal Khoziem

دول اللى قالوا مش هنضرب تانى!!! الشرطة بتضرب اهالى
الوادى الجديد بالرشاش الالى من امبارح..قتلى وجرحى..
انشرووووو

February 8 at 10:50pm

Hani Mostafa

مازال إعلام النظام يتبول دون أن يتطهر.. حاجة تقرف

February 8 at 9:27pm

Shereen Talaat

معتصمون امام مجلس الشعب والشورى

February 8 at 4:05pm

Ahmed Faheem

التمرد المؤسسى اهم ما يميز الثورة المصرية فى يومها الـ ١٥

February 8 at 1:07pm

Amr Gohar

يا مصر قومي وشدي الحيل

February 8 at 4:30pm

Mohammad Mohsen

مصر فى التحرير

February 8 at 1:08am

Yasmine Okasha

راجعة من الميدان بعد تقاسم وجبة كنتاكي مع الاخوان
والافغان والامريكان والاسرائيليين والنينجا تيرتلز وقلة مندسة
من المصريين

February 8 at 5:44am

Hala Mostafa ELzaghandi

مع تحيات كعب الغزال أبو عجوة ... الراعى الرسمى للثورة

February 8 at 10:12pm

امتحان شهادة اتمام المرحلة الثانوية لعام **likes** مصر

٢٠٤٩م



امتحان شهادة اتمام
المرحلة الثانوية لعام
٢٠٤٩م

by Engy Mohy Eldin on Wednesday,
February ٩, 2011 at ١:3٠am

جمهورية مصر العربية

وزارة التربية والتعليم

الزمن: ٣ ساعات

أجب عن الأسئلة التالية:

السؤال الأول:

أ- اختر الإجابة الصحيحة مما بين القوسين:

١- الراحل بتاع كنتاكي (إخوان- حماسي-

إيراني-إسرائيلي)

٢- أعلن مبارك عن عدم ترشحه يوم (٢٥ يناير -

٢٨ يناير - ١ فبراير - ٤ فبراير)

٣- تنحى مبارك يوم (جمعة الرحيل - أحد

الشهداء - يوم القيامة)

ب- قارن بين:

١- تعامل الإعلام المصرى مع نكسة ١٩٦٧ -

وثورة ٢٥ يناير

٢- الموقف الأمريكى يوم ٢٥ يناير - ويوم ٢٨

يناير

ج- أذكر ما تعرفه عن:

١- صفحة كلنا خالد سعيد

٢- الأجندات والعناصر المندسة

٣- موقعة الجمل

السؤال الثانى:

أ- بم تفسر:

١- اختفاء الشرطة من الشوارع

٢- التضحية بأحمد عز ككبش فداء

٣- توقيف رشيد محمد رشيد رغم عرض الوزارة عليه

في بداية الأزمة

ب- أذكر النتائج المترتبة على:

١- قطع خدمة النت والتليفون المحمول

٢- فتح السجون وتحرير السجناء

٣- حديث عمر سليمان عن الأجندات

ج- أيد بالأدلة التاريخية:

١- توزيع وجبات كنتاكي في ميدان التحرير

٢- إنتماء جميع من في الميدان إلى الإخوان بما فيهم من

حضرُوا قداس الأحد يوم ٦ فبراير

السؤال الثالث:

"و سيظل التاريخ يذكر أن حكومة نظيف سقطت في ٤

ساعات من مظاهرات تم الإعلان عنها قبلها بعشرة أيام، وتم

الإتفاق على مكانها وموعدها وكأنها رانديفو بين حبيين" في

ضوء هذه العبارة أجب عن التالي:

١- هل كان نتيجة هذا الرانديفو، عقد القران الذي تم يوم

٦ فبراير في الميدان؟

٢- كيف اختلفت حكومة شفيق عن حكومة نظيف ؟
وكيف بقي كل من سامح فهمي وعائشة عبد الهادي
في الوزارة؟

٣- هل كان يكفى عزل حبيب العادلي؟ أم كان لابد من
تعليقه على باب زويلة أو تركه للمحتجين في الميدان؟

امتحان الثانوية العامة لأحفادنا

(منقول)

Like comment share






مصر —

بداية النهاية

Status Photo Link Video Question



Engy Mohy Eldin

الثورة على التلفزيون المصرى بعد ١٦ يوم —

مع مراعاة فروق التوقيت

February 9 at 6:18am

Hani Mostafa

راجل بسيط ف التلفزيون يقول المشكلة فى مصر ان المالك

أصبح ملك ... وعى رائع من شعب جميل

February 9 at 12:52am

Mohammed Abdel-mordi

اليوم ذهب احدهم لمرور طنطا لتجديد رخصته فأعطى
للموظف عشر جنيهات . الموظف قاله ده كان قبل ٢٥ يناير.
احنا قررنا ننصف البلد

February 9 at 2:57pm

Yasmine Okasha

ياااااه .. حد كان يصدق يا جدعان !!!!

هاعيش عمري كله باحب تونس !

February 9 at 12:00am

Lamiaa Sabry Eltawel

ساعد المنشآت الصغيرة لتجاوز الأزمة، اشترى من الفكهاني
مش من الهايبر ماركت، اشترى الحاجات الصغيرة من الاكشاك
وحفّز تداول الأموال في ايدي اللي بيكسبوا رزقهم يوم بيوم
....انشرووووو

February 9 at 9:55am

Mohammad Mohsen

فخور بشعبي

February 9 at 12:35am

Mai Abo Nawaia

لو نزلت ميدان التحرير.. هتلقى دولة صغيره جُوه الدوله
دولة لو حَدّ فيها خبط فيك.. هايقولك آسف
ولو حد عايز يعدّي.. هايقولك بعد إذناك
ولو حد عايز يشوف بطاقتك.. هايقولك معلى مُضطرين
تسمع فيها كتير.. حاسب عشان البنات تعدّي
مافيش فيها معاكسه أو تحرّش
لما المسيحي بيصلي.. المسلم بيحمي ضهره
ولما المسلم بيصلي المسيحي بيحمي ضهره
هيّ دي "مصر" اللي احنا عايزينها (أحمد مكى)

February 10 at 12:47am

Doaa Yousry

نفسى أوي أروح التحرير.. نفسى أشوف اللي بيحصل هناك
بنفسى عن قرب

February 9 at 4:47pm

Maii Abd-Ellatif Khater

أجندة كتبت ف كل صفحاتها.. بجزك يا بلدى
February 9 at 5:11am

Tarek El Arabi

يا جماعة ما حدش يعرف هي الاجندات الخارجية دي بتاعت
سنة كام؟

February 9 at 8:36am

Muhammad Barakat

البيه سليمان فاكرنا ما بنعرفش انجليزي..

يقولنا من حقكوا الديمقراطية ..

ويقول للشعب الأمريكى أصل المصريين مش جاهزين

للمتقراطية؟؟؟

February 9 at 12:03am

Hani Mostafa

فرعون وهامان = مبارك وسليمان (منقول)

February 9 at 9:30pm

Hani Mostafa

نداء استغاثة: المواطنين العزل في مدينة الخارجة بالوادي الجديد

الآن تحت التهديد المسلح من رجال الأمن... انشرررر

February 9 at 7:56pm

Mai Abo Nawaia

سيد عمر سليمان ايه رايك ان فيه دلوقتي ناس بتموت في
الوادي الجديد علي ايد الشرطه ممكن تكلمني عنهم شويه؟؟

February 9 at 2:07pm

Hala Mostafa ELzaghandi

سليمان عن فض الميدان: "لا نريد مزيداً من الضحايا وليس
لدينا سوى الاقتناع" ... يا جدعاً!!!!!!!!!!!!!! ان خلعنا النظام ينهار
ويعترف (😊)

February 9 at 12:15pm

Ahmed Faheem

عمر سليمان بدأ يتوتر ويتكلم بعصبية، وهذا يعني انه اقترب
من اتخاذ قرار فاصل إما وإما وفي كلا الحالتين هذا في
مصلحة الثورة

February 9 at 12:22pm

Shereen Talaat

أنباء عن مؤامرة يتم تدبيرها الآن :اجتماعات لنواب الوطني
في عدة محافظات .. انها خطة سليمان لإجهاض الثورة..
علينا الاحتياط..انشر

February 9 at 11:27pm

Mohamed Rafie

اشعر ان النظام سيرتكب حماقة جديدة
February 9 at 11:43pm

Ahmed Faheem

فلنستعد للجولة الاخيرة والفاصلة من العنف النظامي،
غالبا الجمعة

February 9 at 1:24pm

Wessam Elshafey

يوم الجمعة العصر ، هنجيك من القصر

February 9 at 10:17pm

Hala Mostafa ELzaghandi

حرصا على سلامة اطفالكم ...

الرجاء عدم اصطحابهم الى الميدان

February 9 at 6:57pm



مصر -

خميس الإحباط

Status Photo Link Video Question

Abdelrhman Moktar

التحرير انفرادية.. غير

February 10 at 5:51pm

Mai Abo Nawaia

يوتوبياااااااا في ميدان التحرير

February 10 at 1:16pm

Doaa Yousry

كل واحد فينا فقد حاجة ف التحرير .. شغله .. عينه .. صاحبه ..

واحد من اهله ،او حياته...لكن كلنا فقدنا خوفنا ..
وكسبنا كرامتنا وحبنا لبلدنا

February 10 at 3:00pm

Mohamed Rafie

عشرة آلاف متظاهر يعتصمون أمام مجلس الشعب ومثلهم
أمام منزل رئيس الوزراء المصري

February 10 at 2:15am

Amir Zakaria

مش مصدق اني ممكن اشوف رئيس تاني ف بلدنا:d:d
أنا كنت ابتديت اشعر ان (الرئيس مبارك) اسم مركّب

February 10 at 7:22pm

Aly Mourad

واضح ان محدش فهم حنا.. من البيان الاول للجيش المصري.
لو حد فهم ياريت يقول ؟

February 10 at 4:32pm

Shereen Rizk

يا جماعة السلطة اتسلمت للجيش على بي بي سى اراييك
و انباء عن تنحي مبارك النهار

February 10 at 4:18pm

Hala Mostafa ELzaghandi

الجيش والشعب .. ايد واحدة:))

February 10 at 8:58pm

Mohammed Abdel-mordi

هل تصدقون أن (الجيش والشعب ايد واحدة) ؟

February 10 at 1:53pm

Basma Elmor

الجيش لحماية الوطن لا لحكمه .. خرجنا لنطالب باسقاط
الطوارئ وتعديل الدستور ولإنشاء دولة مدنية ..

لا حكم عسكرى... مرحبا بالجيش-فقط- لو كان سيحمى
هذه المطالب مؤقتا

February 10 at 6:58pm

Asmaa Fahmy Mounir

مدنية مدنية لا نريدها عسكرية

February 10 at 7:23pm

Yasmine Okasha

لو الرئيس تنحى الليلة.. هاطلع أزغرد في البلكونة لحد ما
نفسى يتقطع ... وأمي أكيد هاتحدفني من نفس البلكونة ...
كله فدا الحرية

February 10 at 5:19pm

Wessam Elshafey

مبارك سيوجه كلمة للأمة، ،، يارب يارب يارب تكون ساعة
سهلة

February 10 at 5:33pm

Yasmine Okasha

كله بيؤكد خبر التنحي ..المهم بس حد يكون بلغ مبارك..
لحسن ما يكونش عارف ويدخل ينام بدري الليلة دي ...

D :D :D:

February 10 at 6:30pm

Aly Mourad

الكام ساعة الجية.... مش هتقدر تغمض عينيك

February 10 at 4:08pm

Mohammed Abdel-mordi

التليفزيون المصري يذيع ويؤكد :أن السيد الرئيس يجتمع الآن
مع السيد عمر سليمان في قصر الرئاسة.. مش مطمئن

February 10 at 6:14pm

Yasmine Okasha

مبارك بيقول لعمر سليمان : ايه الأخبار؟؟؟..

قال له : خلاص ياريس .. بعنا الشركات .. وهربنا الآثار ..
وحولنا الفلوس ..

فرد عليه : طيب ابعت المسلمين السعوديه .. والمسيحين امريكا
.. وأقفل وتعالى .. !

February 10 at 7:45pm

Amr Gohar

نرفض عمر سليمان هو اسوأ واعنف من مبارك بمراحل

February 10 at 6:14pm

Ahmed Fouad Eldin

أنا حاسس إن مصر بتلعب ضربات جزاء في نهائي كأس العالم

February 10 at 6:44pm

Wessam Elshafey

انجز بقى يخرّب بيتك

February 10 at 7:12pm

Yasmine Okasha

هيموتي البارد

February 10 at 8:25pm

Hala Mostafa ELzaghandi

المفروض انى بعشق الساسيينس...بس خلاص يجد مش قادرة

February 10 at 9:30pm

Yasmine Okasha

مبارك قال لهم في مصر : محدش يذيع جواب التنحي بتاعي الا

لما اوصل قصري في الامارات عشان اشوفني لايف

((((((((((((((((((:))

February 10 at 9:27pm

Wessam Elshafey

عاجل: عن التلفزيون المصرى وزير الإعلام ينفى خبر التنحي

February 10 at 7:03pm

Aly Mourad

لا بقا. ارحمنا يا احي

February 10 at 9:47pm

Yasmine Okasha

مصيبة سودة يا جدعان لا يكونوا لقوا الشعب اتبسط وشم

نفسه....فقرروا يغيروا البيان وينكدوا علينا !!!

February 10 at 9:37pm

Mohammed Abdel-mordi

نحن الآن في منطقة عنق الزجاجة ... أدعو الله ان ننجو منها

February 10 at 1:42pm

Wessam Elshafey

الرجاء نشر اللجان الشعبية بكثرة وذلك بعد خطاب الرئيس

المرتقب تنحيته الليلة، ونهيب بكل المصريين حماية وتأمين مبنى

التلفزيون المصرى والكنائس وجميع المباني

العامة..انشر(منقول)

February 10 at 6:27pm

Hala Mostafa ELzaghandi



خطاب رئيس الجمهورية ليلة الجمعة العاشر من فبراير

www.youtube.com

خطاب السيد رئيس الجمهورية ليلة الجمعة الموافق العاشر من

فبراير لعام ٢٠١١

February 10 at 10:50pm

Noha Atef Soudy

قائد يا جماعة... ٣٠ سنة كمان ، يا لهوووووووى

February 10 at 10:52pm

Abdelrhman Moktar

يسلم امانتها لعمر سليمان... "A _ A" انت لسة هتسلم؟

February 10 at 10:02pm

Engy Mohy Eldin

يعنى إيه شهادتكم؟! .. هو بيكلم أهل غزة !

ولن نوقف قانون الطوارئ لحين إنهاء محمود المليجي نائبي

من اكمال فيلم الشعب والشرير.. حسبنا الله

February 11 at 3:21am

Eman Fahmy

بعد خطاب الرئيس احب اقول جملة واحده لشباب الفيس

بوك---اللي عنده دم احسن م اللي عنده قصر رياسه---

February 11 at 11:47pm

Wessam Elshafey

حد يجيلى كرسى بعجل لانه شلنى

February 10 at 10:03pm

Asmaa Falah

الشعب نصه هيتشل ونصه هيولع في نفسه ... ويبقى مبارك

February 10 at 12:08pm

Yasmine Okasha

مش قلت لكم مش هايسينا نتبسط.. في ثانية حرق دم ٨٠

مليون... ده راجل لقطه مفيش منه اتين

February 10 at 10:12pm

Sarah Ahmed Elshayat

محیط طوطا یاخی

[illegible]

بسلطاتك يبابا غنوجك

February 10 at 10:32pm

Shereen Rizk

انا مش عارفة طب كلفت نفسك واتكلمت ليه ؟

February 10 at 10:03pm

Yasmine Okasha

المرّة اللّی فاتت بعد الخطاب.. بعتولنا جمال وخیول ...
یا ترى المرّة دي عاملین لنا المفاجأة إیه ؟؟؟ فیلة وأسود.. !!؟؟

February 10 at 10:27pm

Wessam Elshafey

مش عایزینک یعنی امشى یلی مابتفهمشى

February 10 at 5:25pm

Eman Fahmy

یا جيش انقذنا وعالقصر یا رب

February 10 at 10:09pm

MahmOud Elsaeed

المجلس الأعلى للقوات المسلحة مجتمع حاليا وسیعلن بیانا هاما

February 10 at 11:34pm

MahmOud Elsaeed

دلوقتی : الجيش هیحدد اختیاره

February 10 at 12:11pm

Yasmine Okasha

یاریت بسرعة یحدوفونا بقی بالیان العسکری بقی.. علشان
هی ماعدتش فارقة کثیر.. مبارک قال أنه هایعمل علی
الاصلاحات مش هایتنحی وده أخره ... وسلیمان قال ارجعوا
بیوتکم بقی... البیان العسکری بقی هایقول إیه ؟؟؟؟

February 10 at 10:44pm

Hesham El-husseiny

مفهمتش حاجة م البیان

February 10 at 11:35pm

Ahmed Sultan

من ميدان التحرير: حالات اغماء وبكاء حاد.. رجال
ونساء.. أحب اقولهم مبارك عمره ما هيدينا حاجة واللي احنا
عايزينه هناخد ه بادي

February 11 at 11:56am

Maii Abd-Ellatif Khater

انا هبات ف التحرير

February 10 at 10:25am

Wessam Elshafey

لا تراجع ولا استسلام

February 10 at 5:21pm

Mai Abo Nawaia

ثوار التحرير يتوجهون غاضبين إلى مبنى الإذاعة والتلفزيون

February 11 at 11:57am

Hani Mostafa

اعتقد أن الدعوة إلى إضراب عام قد حان وقته

February 10 at 11:57pm

Yasmine Okasha

بكرة العصر نروح القصر

February 11 at 12:07am

Abdelrhman Moktar

بلاش قصر الرئاسة قوتنا في التحرير

February 11 at 11:44am

Aly Mourad

سلمية وهتفضل سلمية

February 10 at 11:39pm

Hala Mostafa ELzaghandi

الجيش بيدينا الضوء الاخضر م الصبح..عايزنا نعمل حاجة
عشان يعمل انقلاب..

خلاص خلصت وبكرة انا جوة التلفزيون..إن شاءالله

February 10 at 11:25pm

Abdelrhman Moktar

يعنى نشق فى الجيش ونهدى شوية مع مواصلة الاحتجاج ..

ولا نصعد ونخلى الجيش يحسم امره ؟؟؟

February 11 at 12:00pm

Hani Mostafa

بهدوء ونركز شوية ... احنا بنتقدم على طول الخط... فى

الأول ماكانش شايف المشكلة أصلا وأقال الحكومة ...

وبعدين حس فعلا انها ثورة وحب يسكتها بشوية حرق

للعصابة المعروفة...وثالثا بدأ يخاف وفوض سلطاته لنائبه وأقر

على تعديلات دستورية...المعادلة بتقول حاجة واحدة..

مزيد من الضغط.. مزيد من التنازلات.. الصبر

February 11 at 2:32pm

Abdelrhman Moktar

توجيه أخير: لا لدواعي الفتنة والانقسام، شبابنا الوطني الذي
إرتضى بيان الرئيس ونائبه والجيش، شكراً لكم..
لكننا نختلف معكم، فلا أمل في نظام متآكل والآن يعلنها ممثل
٦ أبريل على قناة الجزيرة أن جمعة التحدي مستمرة بزحف
حاشد في كل محافظات الجمهورية.. نثق في جيش مصر
العظيم، لكن مصيرنا يصنعه الله على أيدينا.. والله لن يضيعنا

February 11 at 12:21pm

MahmOud Elsaeed

احنا الآن امام القصر الرئاسي في مصر الجديدة.. حانات.
لا تهديد امينى من اي نوع . الجيش متعاون جدا (منقول)

February 11 at 1:15am

مقتطفات ... من ناس مفعوعة likes مصر



مقتطفات ...

من ناس مفقوعة

By Hala Mostafa ELzaghandi on

Thursday, February 10, 2011 at 11:55pm

والله الرئيس معذور يا اخونا.. والله الرئيس معذور
ده لا عمره ركب أتوبيس ولا شافه.. ولا عمره وقف في
طابور

إزاي بقى نطلب منه يحس.. ويخفف عنا الحمل
والله الرئيس معذور يا اخونا.. وعلى شعبه الالامو آخذة صبور
ده ييمشي ف شارع فاضي لوحده... هيشوف طب فين
الزحمة؟

ده لا يعرف طعم الفول ولا داقه... ماهو أصله بياكل لحمه
راكب مرسيدس هائله.. متحاطه بكام دبابة
سبعين مليار في البنك... آيا عيني علينا غلابه

ده ف حكمه إتهتك العرض...وف عهده (حبيبه) إغابا

أصل إحنا كلاب الأرض...والريس ملك الغابة

قولنا الريس معذور يا جماعة

وعايزله فـ ××××× خابور

(نادر أسامة)

أنا مندرس.. أنا مندرس، هاتلي أجندة ووجبة وبس

من هارديز أو من كنتاكي، هاتلي وجبة دينر بوكس

أو سوپر زنجر من غير خس

هاتلي أجندة من الفجالة أعمل بيها ثورة في مصر

أنا مندرس.. أنا مندرس، وكل الشعب كمان مندرس

كل الناس هنا مش عايزينك، وانت يا حسني مش بتحس

كل فضايحك، كل جرايمك، كلو موجود على ويكيليكس

أنا مندرس.. أنا مندرس، عندي أجندة مستر إكس

(منقول)

حسني مبارك "آسف على الازعاج" انت عملت اكبر "مطب
صناعي" ف التاريخ والله انت وش اجرام" وعندك "زهايمر"
باختصار انت "محترم إلا ربع" ..

كل الشعب بقى ينادى "جعلتني مجرماً" وعملت الحلو "عسل
اسود" ومن السجون "العيال هربت" سرقت من عيوننا "
الفرح" ..

انت فاكِر مصر "كباريه" وعامل فيها "الزعيم" وكنا بنقول يا
عم عديها "حين ميسره" "ليه.. يا دنيا" "هي فوضى؟" ..
من الآآخر.. حسني مبارك ! "طير انت"
(أسماء فلاح)

شباب التحرير شباب جدع وصح..

بس كفاية كده بقى..

وارحل يا مبارك بقى ..

احنا اللي هنذاكر كل ده ..

بعد كده فى |||||الكتب

(منقول من طفل)

Like comment share



جمعة الزحف والانتصار
Is Attending مصر

Time: 11-فبراير-٢٠١١

Location: كل شوارع مصر

Created by: الشعب

More info:

بعد حالة الإحباط التي عانى منها الثوار إثر خطاب الخميس ..
وجد البعض أرجلهم تجرّهم دون خطة مسبقة في تجاه القصر
الجمهورى.. ترى ماذا ينتظر الثوار خلف بوابات القصر؟ ..
رصاص وموت أم حرية ونصر؟؟

Status Photo Link Video Question

Eng Mohy Eldin

رسالة للنظام: كل ساعة تمر الشعب في الشارع يرفع سقف طلباته. المطلب الحالي المطلوب تحقيقه بأسرع وقت هو تنحي الرئيس ورحيله عن مصر _ كلنا خالد سعيد

February 11 at 3:03pm

Neveen Shalaby

رسالة من قلب ميدان التحرير لكل مخبرين الفيس بووك:
احنا في ميدان التحرير إما تحقيق جميع مطالبنا أو الموت ولن
نرضي بانصاف حلول ،دماء شهدائنا لن تضيع

February 11 at 11:10am

Ahmed Sultan

انا واقف في ميدان التحرير .. وعندي أجندة وبلدنا لازم
يبقى ليها أجندة .. مش هنرضى نبقى مجرد صفحة في أجندة
ناس تانيين .. ثلاثين سنة بتحاولوا تخلونا ولا حاجة ..موتوا
بغيطكو بقى كلنا معانا اجندات واسمكو مش في ولا صفحة
فيهم .. مفيهاش غير اسم مصر

February 11 at 4:34pm

Hala Mostafa ELzaghandi

احنا ف الميدان وفي ناس عند القصر وناس ادم ماسبيرو
والاعداد ف تزايد رهيب

February 11 at 3:05pm

Doaa Yousry

اسأل الله أن لا يُراق دم مصري واحد في هذه الجمعة

February 11 at 10:50am

Mohammad Mohsen

لكي يا مصر السلامة وسلاماً يا بلادي

February 11 at 12:19am

MahmOud Elsaeed

فيه ناس متخلفة بتنشر إشاعات عن حشد إسرائيلي وأمريكي،

على حدود مصر، محدش يهتم بالحيوانات اللي باعت ضميرها

دى

February 11 at 1:42am

Ahmad ElTürki

من السذاجة أن تفكر دولة في احتلال دولة في حالة ثورة...
ثورة يعني شعب عنده استعداد يموت عشان بلده..

بلاش الأفلام الأميركاني دي

February 11 at 1:59pm

MahmOud Elsaeed

أنس الفقهي.. اللجنة الإلكترونية..شغالين زي الفل، ولاد الكلب
متعلموش من أول مرة..مفيس فايده..
الحقيقة مش بتستحي

February 11 at 12:19am

Mohammed Abdel-mordi

الله وحده يعلم ماذا سيحدث لنا في الدقائق القادمة...

اللهم يا خفي الألفاف ... نجنا مما نخاف

February 11 at 4:23pm

Amr Gohar

هانت يا مصر

February 11 at 3:45pm

Hani Mostafa

ربنا ييمتحن صبرنا... واحنا امتياز ان شاء الله

February 11 at 3:10pm

Mohammed Abdel-mordi

أنباء عن وصول الفريق سامي عنان لمبنى التلفزيون لالقاء بيان

للمصريين بعد قليل... استرها يارب

February 11 at 4:12pm

Mohammed Abdel-mordi

عبارة (بعد قليل) لغويا تعني دقائق ولكن ثبت مؤخرا أنها قد

تمتد الى أسبوع كامل

February 11 at 3:47pm

Eng Mohy Eldin

عمر سليمان : أيها المواطنون في هذه الظروف العصيبة التي تمر
بها البلاد.. قرر الرئيس محمد حسني مبارك تخليه عن منصب
رئيس الجمهورية وكلف المجلس الأعلى للقوات المسلحة لإدارة
شئون البلاد.. والله الموفق والمستعان



بيان تنحي مبارك.. بيان انتظرناه طويلا

www.youtube.com

February 11 at 5:04pm

Mohammed Abdel-mordi

انه التنحي يا رجال الأمة

February 11 at 5:05pm

55555

Lead

اشاء ثبوت ۲۵ نذر

Mohammed Abdel-mordi

تحيا مصر... تحيا مصر... تحيا مصر... تحيا مصر... تحيا مصر
...تحيا مصر

February 11 at 5:06pm

Omar Mohy Shawkat

تحيا مصر.. تحيا مصر ، نموت نموت ويحيا الوطن

February 11 at 5:28pm

Alaa Ezzat

الله اكبر الله اكبر الله اكبر.. اشرف ثورة في تاريخ الانسانية... احنا

احر!!!!!!!!!!!!!!!!!!!!ررررر

February 11 at 5:05pm

Ahmad ElTürki

الحمد لله، حمداً كثيراً كثيراً!!!!!!!!!!!!

February 11 at 5:29pm

Doaa Yousry

وانطلقت الزغاريد والتصفيق وكلا كسات السيارات وكلمات
"الله أكبر" من شارعنا الهادي..

ألف مبرووووووووووووك يا مصر

February 11 at 5:11pm

Muhammad Barakat

الله عليك يا مصر.. القاهره تحيا من جديد. القاهره في أروع
صورها الان

February 11 at 9:27pm

Emad Adel

أن الأوان ترحلي يا دولة العواجيز... مبروك يا مصر

February 11 at 6:43pm

Eman Fahmy

✈ ✈ ✈ ✈ ✈ ✈ ✈ ✈ ✈ ✈ ✈ ✈
✈ ✈ ✈ ✈ ✈ ✈ ✈ ✈ ✈ ✈ ✈ ✈

اخر طلعة جوية---برة جمهورية مصر العربية ---و سمعني

Ahmed Sultan

لقد هررنا..لقد هررنا..من اجل هذا اليوم

February 11 at 6:16pm

Eng Mohy Eldin

انتصرت دماء الشهداء .. ويحتفل المصريين الآن في ميدان

الشهداء .. ميدان التحرير سابقا .. وكل ميادين مصر..

مصر حرة- كلنا خالد سعيد

February 11 at 11:00pm

MahmOud Elsaeed

الحرية حلوة يا ولاد (D: (:

February 11 at 9:58pm

Lamiaa Sabry Eltawel

اللهم لك الحمد كما ينبغي لجلال وجهك وعظيم سلطانك.

اللهم احفظ بلادنا من كل شر وولي علينا خيارنا ومن يتقي

الله فينا.

February 11 at 5:38pm

Hesham El-husseiny

مش عارف اقول غير الحمد لله كثيرا وسبحان الله بكرة وأصيلا

February 11 at 11:49pm

Basma Elmor

الشعب..أراد..فأسقط النظام!

February 12 at 11:58 pm

Gina Mokbel

قوة الشعب

February 11 at 6:34pm

Yasmine Okasha

أظن كده بقى...محدث يقول لي دي مظاهرات مش ثورة !!!

February 11 at 6:12pm

Mohammed Abdel-mordi

انها ثورة الأبطال

February 11 at 5:04pm

Mohammad Mohsen

أشيك ثورة في تاريخ الشعوب

February 11 at 10:06pm

Aly Mourad

اول ثورة الكترونية في العالم - اول ثورة تحدد بميعاد مسبق
والاغنيا يسبونا وننجح - اول ثورة برعاية الفيس بوك وتويتر
وكتتاكي - اول ثورة تهزم الشرطة في ٦ ساعات ...
رسالة للرئيس المخلوع : امسك كوباية العرقسوس واخبطها في
كوباية بن علي وعيطوا سوا

February 12 at 1:08am

MahmOud Elsaeed

رساله من زين العابدين إلى حسني مبارك : هات معاك دراع

بلای ستاشن D:

February 11 at 11:01pm

Ahmed Abdel Moneam Masoud

يا شهيد نام واتمنا ...حسني في نار وانت في جنه

February 11 at 11:20pm

Maii Abd-Ellatif Khater

حضرت ميلاد الحريه في ميدان التحرير..بين اللي صنعوها بايديهم

فعلا..كنت زمان بقول اه ي بلد عايزه ولد..

و عرفت الايام اللي فاتت ان البلد دى ولادها كتييسير...

February 12 at 9:26am

Doaa Yousry

ماعرفتش اوصل التحرير بس لحقت احتفال الكربة والميرغنى..

دلوقتي عرفت معنى انى اكون مصرية وفخورة:)

February 11 at 10:54pm

Hala Mostafa ELzaghandi

راجعة م الميدان مهدودة بس لسة عايزة اهتف

احنا شباب الانترنت.. احنا بتوع الواد والبث... احنا الفيسبوك

والتویتر.. احنا شباب الكمبيوتر... قالوا علینا شباب کتنا کی..

واحننا نزلنا يا مصر

فدا کی....وو

February 11 at 11:33pm

Yasmine Okasha

وكنّا دائماً بنقول مفيش فرحة بتلمنا غير فرحة الكورة..!!!

February 11 at 5:55pm

Amir Zakaria

انما هم هيسموا محطة حسنى مبارك ايه دلوقتى؟؟:D

February 11 at 6:43pm

Tarek El Arabi

الاجابة: مصر

February 11 at 5:57pm

Shereen Talaat

حرية :

February 11 at 2:46am

Tarek El Arabi

فيه ناس عايشة بتحلم بيها... و ناس عايشة عشان تبنيها...
وناس ضحيت بعمرها وناس مهمهاش جرحها وكل ده
عشان ترضيها... والحكاية اصلها وفصلها.. بلدي مصر

February 11 at 10:54pm

Hani Mostafa

مصر دولة عظمى

February 11 at 10:46pm

Alaa Ezzat

واحد بيقول للتاني في ميدان التحرير هوا مشي يجد !!!

داحنا كنا بنهزر معاه هوا قفش ليه كدة ???

February 11 at 8:44pm

Eman Fahmy

قالوا مجنون اللي يفكر بلدنا دي تتحرر--طب فين وازاي و
بمين ؟ قالوا مجنون اللي يمشي واحد كابس تملي من عام ٨١..
قالوا ع اللي هيجلنا وقال اكيد هيكون جمال-- ما هو قالك
يس-- خليككم ساكتين ..

قالوا مجنون اللي يرجع للمصري تاني قيمته--و كل الناس
فاسدين ..

قالوا مجنون اللي يفضل بايت في خيمة وسط ناس متظاهرين

February 11 at 10:56pm

Aly Mourad

الا هي اخبار الاجندات والعناصر المدسوسة ايه؟

February 12 at 2:00am

Hala Mostafa ELzaghandi

بكرة مسافرة الدوحة وهرفع راسى لفووووق واقول انا مصرية:)

February 11 at 11:47pm

Ahmed Sultan

اول مرة اعمل حاجة واكملها للاخر كنت ف ميدان التحرير
من يوم ٢٥ يناير لحد النهاردة الانجاز والنجاح طعمه حلواوي

February 11 at 11:30pm

MahmOud Elsaeed

شكراً تونس :)

February 11 at 10:34pm

Ahmed Abdel Moneam Masoud

مصر وتونس ايد واحد

February 12 at 12:58am

Hisham Mostafa

تونس البدايةو مصر مش النهاية

February 11 at 11:29pm

Amr Gohar

مبروك مصر..مبروك تونس.. مبروك كل الاحرار.. مبروك الوطن
العربي.. الفرحة الكبرى بتحرر الوطن العربي

February 11 at 6:29pm

Hisham Mostafa

انا رأيت ان الدول العربية تدخل مسابقة.. اللي هيسقط نظامه
في اقل وقت يبقى هو الكسبان ..موندريال الحرية

February 11 at 11:40pm

Mai Abo Nawaia

الله حي الثالث جاي..... الله حي الثالث جاي

February 12 at 12:36am

MahmOud Elsaeced

مين اللي عليه الدور يا ترى ؟ أنا برشح الجزائر

February 11 at 10:52pm

Hisham Mostafa

يلا يا جزائر

February 11 at 6:32pm

Hani Mostafa

تراحمت أحلامنا فوق جسر الصمود.. قررنا ألا نعود.. تبسم

النهر من تحت أقدامنا يضرب كفا بكف ...

للمنا أشلاءنا وشهداءنا وأملاً تجسّد في الحشود ..تجاوزنا موتا

وشيكا.. وعبرنا ..رفعنا رؤوسنا ومن خلفنا مغيبٌ مهيب ...

واتسع الميدان للتاريخ افترشنا الساحة.. توسّدنا الأسفلت كى

نستجمع بقايا الحلم.. همس التراب في أذنى

أنت شعبٌ ينتصر

February 11 at 10:20pm

MahmOud Elsaeed

أفضل سيناريو: الجيش يتدخل, برعاية أمريكية, من أجل المصالح,
لتوفير ديمقراطية, مع حماية البلد من خوازيق الإسلاميين

February 11 at 5:53am

Mahmoud Barakat Hassan

الآن حانت اللحظة الأهم والأصعب

February 11 at 10:57pm

أسبوع الصمود

" ارحل يعني امشى ولا مبتسمعشى!!!".. محمود اكتشف أن
الجزاير سمعتنا لكن النظام سمعه ثقيل..مسك الشباب ميكروفون
..صامدون صامدون...وأعلنوا أسبوع الصمود فى الميدان..
وقداس الأحد فى الميدان!! صلاة الغائب فى الميدان!! الفرحه
بالشهيد فى الميدان!! الكل بيصلى بطريقته والدعاء لواحد
بس..للشهيد..الى حنا بدمه تراب مصر.

أمير فرحان..بيغنى..دقوا أجراس الكنايس....و ارفعوا صوت
الآدان.. ومحمد بيشاركه الغنا..بيشاركه الفرحه..مصر اللي بجد
..مصر اللي مافيهاش فتنة طائفية..و صدق محمد رفيع لما قال
.....عايز تشوف مصر بجد..انزل ميدان التحرير.

مليونيه الصمود قربت..أحمد فؤاد الدين كان بيتمنى حاجة
تولّعها...حاجة تخلى الكل يتزل.

واتحققت أمنيته لما ظهر وائل غنيم.. صاحب أول دعوة ليوم
٢٥ ..طلع من حبسه.. شاف النور.. فتح عيونه على صور
الشهدا

اتحركت دموعه وبصدق بكى " مش غلطتنا والله العظيم مش
غلطتنا.. دي غلطة كل واحد ماسك فى الكرسي " .. وجرى
واختفى من أدام الشاشة .. وبصدق بكى أحمد عبد المنعم
وبكت معاه ملايين.. اتحركت المشاعر.. اتفتحت البيوت..
زحفت الحشود.. دبت الحياة بالشوارع ... اتملت بالغنا
والشعر.. نكت وأناشيد.. حتى الزار عملوه.. الكل فهم .. الكل
نزل... الكل قرر يسقط النظام.. انضم للشوار ثوار..

واكتشفت دعاء حاجة جديدة فى بتوع التحرير..
بعد ما كانت خايفة من فقدان الناس لأشغالهم .. لرزقهم..
لعيونهم .. لأهاليهم.. لأصحابهم.. لأرواحهم.. اكتشفت دعاء
السر.. اكتشفت لما فقدت حاجة كبيرة ... دعاء فقدت
خوفها.. فتحت عندها وشافت الميدان لأول مرة على حقيقته..
فى شىء بيتغير ..

محمد عبد المرضى يحاول يمشى مصلحة بعشرة جنيه
للموظف.. الموظف يرفض ويقول ده كان قبل ٢٥ يناير.. فى
شىء بيتغير.. وأحمد فهم يستنتج أن الجولة الأخيرة يوم
الجمعة.. الناس بقى عندها اصرار وبايته على الاسفلت..

أدام القصر " الشعب يريد اسقاط النظام"..
في الميدان " الشعب يريد اسقاط النظام"..
في البيوت " الشعب يريد اسقاط النظام"..
لحظات الغروب بتزيد إرادة المصريين قوة وإيمان..
ويسقط النظام.. ينتصر الشعب

"إذا الشعب يوماً أراد الحياة فلا بد أن يستجيب القدر "..
تنطلق التكبيرات.. الله اكبر الله اكبر.. صلوات شكر.. دعوات
للشهداء.. زغاريد.. أعلام.. كلاكسات.. غنا.. أفراح...
أحضان في كل مكان.. نقطة ومن أول السطر.
محمود بركات كان عارف.. اللي فات كان محسوم من يوم ما
الشعب قام... أما الآن.. فحانت اللحظة الأهم والأصعب..
لأن ببساطة... الثورة لم تنته بعد...

الثورة مستمرة



ملحقات الأجندة



هتافات التحرير

Status Photo Link Video Question

Mai Abo Nawaia

هتافات ٢٥ يناير

تحيا مصر.. تحيا مصر

عيش.. حرية.. كرامة إنسانية

عيش.. حرية.. عدالة اجتماعية

حرية.. حرية.. حرية.. حرية

يا حرية فينك فينك.. الطوارئ بيننا وبينك

مش هنتخاف مش هنطاطي.. إحنا كرهنا الصوت " علي

شعب تونس يا حبيب.. شمس الثورة مش هتغيب
بالروح بالدم.. نفديك يا وطن
ارفع صوتك قول للناس.. احنا كرهنا الظلم خلاص
واحد اتنين.. احنا المصريين
صحي الخناق وهز الكون.. مصر بلدنا مش هتهون
لما تشب تونس قام.. هرب اللص والمدام
حد أدنى للأجور.. قبل الشعب ما كله يثور
حقى ألاقى شغل وأعيش.. والملايم ما بتكفيش
يلا يا مصري صحي الروح.. الحرية باب مفتوح
يلا يا شعب عدّي الخوف.. خلي الدنيا تصحى تشوف
شعب حضارة ومجد سنين.. مش هيطاطي ليوم الدين
راجعين راجعين ... يا بلدنا مش خايفيين جاين جاين
... يا بلدنا نوفي الدين

المحدود الدخل يموت ... ولا ينادى بعلو الصوت
يلا يا شعب عدّي الخوف ... خلي الدنيا تصحى تشوف

شعب حضارة ومجد سنين ... مش هيطاطى ليوم الدين

يا ولاد بلدنا ... مصر غنية وخيرها كثير واللى نهبها ...

هوا وغيره برضه كثير

تعالوا نختار حاكم ليها.. يحافظ عليها.. يصون خيرها وينميه

إيدنا فى إيده طول ما صاينها ... ونحيب غيره لو ما وعيش

الشعب يريد اسقاط النظام

February 25 at 11:45pm

Engy Mohy Eldin

هتافات ٢٨ يناير

الشعب يريد اسقاط النظام

يا أهالينا يا أهالينا.. يا أهالينا ضموا علينا

آه يا حكومة قطع اليد

أنت يا مصرى إيه أفكارك؟

ثورة مصر جاية جاية بالعدالة والحرية
خالد سعيد مات مقتول ومبارك هو المسئول
حكم ٣٠ سنة فى هذا العصر هو اهانة لشعب مصر
واحد اتنين.. الشعب راح فين؟!
لا لقانون الطوارئ وتزوير الانتخابات
لا للفقر والغلاء والبطالة والفساد ونهب المال العام
بالروح بالدم نفديكى يا مصر
احنا الشعب
لا ذل ولا اهانة للمصريين
ارفع صوتك زى الناس.. احنا كرهنا الظلم خلاص
الدنيا تولع نار
والإصلاح بقى مطلوب قبل ما الشعب يأكل الطوب
يا وزراء طفوا التكييف مش لاقين حق الرغيف
يسقط يسقط الاستبداد

بالطول بالعرض هنجيب النظام الحاكم الارض

تحيا مصر والله اكبر

اصحوا وفوقوا يا مصريين.. مش هنقول للظلم آمين

الطلاب ويا العمال.. ضد الفقر والاحتلال

يا وزير داخلية مصر.. الحرية لشرفاء مصر

ثورة ثورة حتى النصر.. ثورة فى تونس وفى مصر

ارحل ارحل عنا يا ظالم

ثورة ثورة يا مصريين على حزب المجرمين

ثورة ثورة حتى النصر.. ثورة فى كل شوارع مصر

لا للطوراء

اقالة وزير الدخيلة مطلبنا

يا أبو دبورة ونسر وكاب.. احنا أخواتك مش ارهاب

بطل تمشى جنب الحيط.. اصل سكاتك مش هيفيد

لو عايز عيش بلاش تنتحر.. وانزل خد حقك

كفاية ارحلوا عنا.. الحزب الوطني خر بها

تحيا مصر.. عاوزين كمان حرية

حرية أهالينا.. عاوزين نخلص من بلاوينا

February 2 at 9:15pm

Hala Mostafa ELzaghandi

هتافات ٢٩ يناير - ١١ فبراير

مش هنمشى.. هو يمشى

ارحل يعني امشى.. يمكن مبيفهمشى

الجيش والشعب ايد واحدة

حسنى اتجنن.. حسنى اتجنن

أول طلعة جوية هتكون على السعودية

ادامك حل من الاتنين.. يا السعودية يا البحرين

يا سوزان.. خافى عليه واسحبه

الشعب يريد اسقاط الحكومة

لا مبارك ولا سليمان.. مش عايزينك أنت كمان

يا مبارك يا طيار جيت منين سبعين مليار
يسقط يسقط حسني مبارك.. يسقط يسقط حسني مبارك

الشعب يريد محاكمة السفاح

February 11 at 11:30pm



لافتات التحرير

by Engy Mohy Eldin on Friday,
February 11, 2011 at 11:٣٠pm

ارحل بقي إيدي وجعتني

ارحل علشان اروح استحمي

انجز علشان احلق شعري

امشي بقي عايزه اتفرج على الكرتون

ارحل بقي كتفي وجعتني

انجز عندنا ثانوية عامة

ارحل عايز اتجوز

ارحل يا بارد مراقي وعيالي وحشوني

ارحل يالا غور ده الحمام بالطابور

أنا زهقت من كنتاكي ارحمني وارحل

ارحل الوليه عايزه تولد والواد مش عايز يشوفك

صحويني لما مبارك يمشي.

مبارك... طير أنت

ارحل يا بارد أنا سقعت

ارحل بقي عندي حضانة

ارحل مراقي وحشتني متجوز من ٢٠ يوم

ارحل بقى.. كفاية عليك بابا وجدو

ارجع يا ريس كنا بنهزر معاك...الكاميرا الخفية

نفسى بلدي ترجع تاني أم الدنيا بجد

معلش يا بلدى اتأخرت عليكى

شكرا ... شباب مصر "FACE BOOK"



Like comment share



لافتات التحرير

by Mai Abo Nawaia on Friday,
February 11, 2011 at 11:00 pm

مبارك تاريخ انتهاء الصالحية ٢٥-١-٢٠١١

game over مبارك

يسقط يسقط حسني مبارك

Leave & let us live

ارحل يا مبارك يا بارد قوي

مبارك يتحدي الملل

لو انت رخم احنا ارخم منك

ارحل بقي انت مازهقتش

طب رحلنا احنا للسعوديه

ارحل يا تنح

يامبارك موبايلات بقي

يامبارك غور غور خلي الشعب يشوف النور

من الحداثق المعلقه الي الاهرامات النصر آت

في البدايه تونس والان مصر

مصر الثوره..تبقي حره..يادكتاتور بره بره

ارحل بالزوق

انتهى عصر الخوف

فيس بوك علي كل ظالم

مجلس عز باطل

من حقي الاقي رغيف العيش

لا للتعذيب

اهم انجازات الثوره

١. اقاله الحكومه الاردنيه

٢. رفع قانون الطوارئ في الجزائر

٣. اعلان الرئيس اليمني عدم ترشيحه مره اخري

٤. قمع الشعب السوري قبل قيامه بثوره

٥. عقبال البعيد لما يفهم

رابطه نحاري مصر يسألون الاسطي مبارك عن نوع الغراء
الذي يستخدمه

بقالي ٧ يام هنا وما اخدتش كنتاكي

مش كنا عملنا الكرسي تيفال علشان مايلزقش

الكذب الحصري ع التلفزيون المصري

كلنا ميدان التحرير

لا الظلم هين يا ناس ولا الشباب قاصر...مهما حاصرتوا

الميدان عمرو ما يتحاصر(الابنودي)

هانفضل قاعدين اصل التكرار يعلم الحمار

الشعب يريد مكافحه الأسفاح

يسقط الطاغية

العلميون في مصر... يطالبون بتشكيل لجنة لتقصي الحقائق
ومحاكمة المجرمين سقوط النظام

مصر اجمل بدون مبارك

يامبارك يا طيار جبت منين سبعين مليار

ارحل يا ظالم

ارحل بقي يا عم خلي عندك دم

ارحل قبل الصعايده ماياجوا

عفوا مبارك خارج الخدمه يرجي معاوده الاتصال بالشعب

احترس مبارك يدمر الدوله ويسبب الوفاه

اخر طالعه جويه الي جده

اخر طلعة جوية هتكون على السعودية

ادامك حل من الاتنين.. يا السعودية يا البحرين

عاجل:التلفزيون المصري ان مبارك شارك في غزوه احد

تحذير ارحل قبل الصعايده ما يجولك

كنتاكي التحرير..(صوره كنتاكي+اجنده+١٠ دولارات)

خلطه وندمان عليها

١. حسني مبارك..غي منه فيه

٢. جمال مبارك...لن اعيش في جلاب ابي

٣. انس الفقهي..انا لا اكذب ولكني اتحمل

٤. وزير الداخليه..وش اجرام

٥. التلفزيون المصري...العاهه

٦. الداخليه...الهروب الكبير

٧. عمر سليمان...٤٨ ساعه في اسرائيل

٨. لصوص ولكن وزراء

الشعب بيكرهك اخر حاجه

لا مولتوف ولا كلاشنكوف هانخليك ترحل يا خروف

اجندتك حمرا

اطفالنا تريد اسقاط النظام

مخطرش علي بالك يوم ترحل غني..يامبارك يا مجوعي...

امضاء الشعب

ولا مبارك ولا سليمان ولا عازين شفيق كمان

معلش يا بلدي اتاخرت عليك

عواد باع الارض.. يا دزمه ارحل

يا مبارك فكك منا ونفض لنفسك

الشعب + حريه - واحد = حياه مستقره

بعد ما شعبنا ثار بتقول مش اخلاقنا...

كانت اخلاقك فين لما الحزب سرقنا

س. لماذا لم يرحل مبارك؟

ج.

١. يمكن مش معاه حق التذكرة
 ٢. عايز يكمل ثروته ١٠٠ مليار
 ٣. ممكن يكون رخم
 ٤. ممكن يكون مش فاهم
 ٥. ممكن يكون بيعحب الشعب ومش قادر علي فراقه
(بس مش قوي كده يعني)
- إذا الشعب يوما أراد الحياة فلا بد ان يستجيب البقر
- إذا الشعب يوما أراد الحياة فلا بد ان يستقيل القدر
- يا عمر سليمان انا بطلت اجندات وجبت كشكول سلك
- مبارك يريد تغير الشعب

المنوف: تعتذر للشعب المصري

لحرا .. يمكن مايفهمشي الا بالمقلوب

آليري آلير..حسني مبارك شارو فالي.....ارحل ارحل

بالنوبي

شعب واحد..مصير واحد

يامبارك غور غور مش هانقف تاني في طابور

مطلوب التبرع بالدم لمبارك

انتهي الدرس يا غبي

طبيب اسنان جاي اخلع مبارك

لا لمبارك...لا للفساد...لا للطبقه الحاكمه الفاسده

خلي اسرائيل تنفعلك

لو كان هو دكتوراه في العناد احنا معانا نوبل في الصبر

اضحك الثوره تطلع حلوه

Kmc كنتاكي مبارك تشيكن

ثوره سباع مش ثوره جيا ع

نقول ايه تاني كل الكام اتقال مش ناقص غير نجيب لمبارك

كرسي تيفال

مبارك ابن شداد يغزو ميدان التحرير بالخيول والجمال

لا بد من يوم معلوم يترد فيه المظالم... ايض علي كل

مظلوم

اسود علي كل ظالم

كش ملك مات الملك

الرحيل الرحيل يا بيع الارض والنيل

الي مزبله التاريخ يا مبارك

عنواني الجديد ميدان التحرير

يا بخت من زار وخفف

يا مبارك قدامك سكه سفر

ارحل يا مجنون يا ابن المجانين .. لو عايز شهداء تاني ..

احنا جاهزين

تمشي ما تمشيش مش فارقه معايا انا حببت الناس اللي هنا

وانا اللي مش ماشي

انت غبي تبييت انت حمار ولا ايه؟

حان الان وقت التنحي ايدي وجعتني بقي

محل الميلاد مزيف الشرقيه محل الميلاد الحقيقي ميدان

التحرير

انا هاتجنن ازاي الغبي ده حكمننا ٣٠ سنه

لا مبارك ولا سليمان كلهم عملاء الامريكان

حسني مبارك لن يحكمنا بعد اليوم

ارحل صوتي راح

الرئيس يخاطب الشعب ويقول اجمعوا مصاريك السفر

يا جمال قول لابوك الصعايده بيكرهوك

اول انجازات الحكومه الجديده اشعال فتيل الحرب الاهليه

لاول

مره في تاريخ مصر

يا جمال مصر كبيره عليك

انها ميتة واحده فالنجعلها في سبيل الله

يا مبارك غور مصر بقت بور

انا موظف انا مطحون... جبت منين ٣٩٠ مليون

ناس بوك

بالصعيد.... ارحل جبر يلمك

انجازات مبارك.... عمل كباري... عمل مترو انفاق

...عمل عبيط

دم الشهداء مش هايضيع

اسقاط السجن الوطني الديمقراطي

ارحل يا مبارك تل ايب هي دارك

ارحل يا مبارك نتياهو في انتظارك

اخر طلعه جويه هاتكون علي السعوديه

شكرا يا مبارك جمعتنا والان ارحل

سامحني يا رب انا كنت خايف وساكت

ارحل ارحل يا خسيس دم المصري مش رخيص

يامبارك صبرنا كثير ومش طالبين الا الرحيل

في التحرير حتي التحرير

ارحل حالا

الملك فاروق ارجل منك يا نيرون

مسيحي + مسلم = مصر

بلاش عناد يا مبارك قولي مين في الشعب اختارك

مش هانمشي الا لما يمشي

ثوره ثوره حتي النصر... حسني مبارك بره مصر

حسني اتجنن اخر حاجه

حسني مبارك عايز ايه؟ .. عايز الشعب يبوس رجليه مش

هانبوس .. وعليك يا مبارك بالجزمه هاندوس

أفلام جيل الثورة ٢٠١١

١. ابي فوق الدبابه
 ٢. عوده النت
 ٣. المهندس والاجنده
 ٤. جائنا الرئيس التالي
 ٥. نحن لا نرمي المولوتوف
 ٦. مهمه في ميدان التحرير
- لכו ، מובאק / ارحل بالعبري

اسقطنا علي بابا ومرجانه فقط

انت زعلت يا ريس ده احنا كنا بنهزر معاك

الله هو مشي ... ده قفش بقي

لا دينيه ولا حريه ولا طائفه عايزها دوله مدنيه

مدنية!! مدنية!! مدنية!!

Like comment share



احنا مين ؟

More Info

إنجى وهالة وسلطان ... ثلاثة أصحاب من عالم السينما
والكتابة جمعهم أجندة واحدة في حب مصر .

Facebook

<http://www.facebook.com/engy.m.eldin>

<http://www.facebook.com/hala.elzaghandi>

<http://www.facebook.com/ASultan17>

Status Photo Link Video Question



Engy Mohy Eldin

More Info

إنجى محى الدين' ولدت بالقاهرة عام ١٩٨٥، ' تخرجت من هندسة عين شمس فى عام ٢٠٠٧، ' تعمل الآن مهندسة طيران بالخطوط الجوية القطرية، ' تحب الكتابة وتدرس كتابة السيناريو بأكاديمية رأفت الميهى لفنون وتكنولوجيا السينما' تعمل على كتابة فيلم روائى قصير ولديها مدونة باسم (حواديت مصرية).

Blog

<http://geenmohyeldin.blogspot.com>



Hala Mostafa

Elzaghandi

More Info

هالة مصطفى الزغندى ' تعيش بالقاهرة ' تحب الكتابة '
'، وتخرجت من أكاديمية رأفت الميهى لفنون وتكنولوجيا
السينما'، كتبت ثلاثة أفلام قصيرة وفيلماً روائياً طويلاً '
وتكتب لقناة الجزيرة فى دراما الأطفال'، تدرس الآن دبلومة
فى المجتمع المدنى وحقوق الإنسان بكلية الاقتصاد والعلوم
السياسية.

**Ahmed Sultan**

More Info

أحمد سلطان' ولد بالمنوفية عام ١٩٨٣، 'تخرج من كلية الحقوق في عام ٢٠٠٥ 'عمل معداً ومذيعاً في عدد محطات راديو الإنترنت كحريتنا وصوت الساقية، يعمل الآن في الشبكة العربية لمعلومات حقوق الإنسان' يحب التمثيل وشارك في بعض الأفلام والمسرحيات المستقلة، وله مدونة (كلام سلطان).

Blog

www.kalamsultan.blogspot.com



الجزء الثاني _ الثورة مستمرة

أجندة الثورة invited you

Time: قريباً

Location: جميع مكتبات مصر

Created by: أجندة الثورة

More info:

ومادامت ثورة ٢٥ يناير لم تكتمل.. فسنظل نكتب تاريخنا
بأيدينا.. فندعوكم لتشاركونا في كتابة تاريخ جديد لمصر عبر
صفحات الجزء الثاني من أجندة الثورة _ الثورة مستمرة من
خلال ما كتبتم من تعليقات أو دونتم من مقالات أو شاركتكم

بصور أو فيديوهات على صفحاتكم منذ ١٢ فبراير وحتى يومنا
هذا وراسلونا على..

Email revolution_agenda@hotmail.com

Email mozakerat.sha3b@gmail.com

Book linkes

revolutionagenda@groups.facebook.com

<http://www.facebook.com/pages/أجندة-الثورة>

[الثورة-__-مذكرات-شعب/١٧٣٠٤٨٨٩٢٧٤١٠٦١](http://www.facebook.com/pages/الثورة-__-مذكرات-شعب/١٧٣٠٤٨٨٩٢٧٤١٠٦١)


وانظروا مشاركاتكم فى الجزء الثانى من


أجندة الثورة / الثورة مستمرة


Status Photo Link Video Question


Your posts


فهرس الأجنة


٧ الإهداء 


٩ المقدمة 


١٣ يعنى إيه "فيس بوك"؟ 


١٩ مصر "بروفيل" 


أسبوع الحلم 


٣١ ١٤ يناير: انتصار ثورة الياسمين 

٣٩ ١٥ يناير: حلم خالد سعيد 

٤٧ ١٦ يناير: مصر هتختار طعام إيه؟! 

٥١ ١٧ يناير: كلنا بو عزيزى 

٥٥ ١٨ يناير: احنا مش مجانيين!!! 

٦٣ ١٩ يناير: ٢٥؟؟؟ 

- ٢٠ يناير: نحن نحارب يأسنا..وهم يحاربون
- ٧١ فيس بوكنا
- ٢١ يناير: فى أمل.....٧٥

أسبوع الغضب

- ٢٢ يناير: السويس..البداية ٨٣
- ٢٣ يناير: كفاية كذب بقى..... ٨٧
- ٢٤ يناير: أنا نازل يوم ٢٥ ٩٥
- ٢٥ يناير: ثلاثاء الغضب ١٠٩
- ٢٦ يناير: وسقط جدار الخوف ١٤٧
- ٢٧ يناير: خميس الاستعداد ١٦١
- ٢٨ يناير: جمعة الغضب..... ١٨١

📄 أسبوع الميدان

📄 ٢٨ يناير_ ٢ فبراير: لا نت.. لا

١٩١ اتصالات

📄 ٢ فبراير: الأربعاء الاسود

📄 ١٩٩ خطاب الفتنة

📄 ٢١٩ موقعة الجمل

📄 ٢٤١ ٣ فبراير: خميس الجرحى


📄 ٢٦٥ ٤ فبراير: جمعة الرحيل


📄 أسبوع الصومود


📄 ٥ فبراير: سبت


٢٨٣ الصومود


📄 ٢٩٥ ٦ فبراير: أحد الشهداء

٣٠٣ ٧ فبراير: اثنين الحشد 


٣٢٧ ٨ فبراير: مليونية الثلاثاء 


٣٤١ ٩ فبراير: بداية النهاية 


٣٤٩ ١٠ فبراير: خميس الإحباط 


٣٧١ ١١ فبراير: جمعة الزحف والانتصار 

ملحقات الأجندة

٣٩٩ هاتفات التحرير 

٤٠٧ لافتات التحرير 

٤٢٧ احنا مين؟ 

٤٣١ الجزء الثاني - الثورة مستمرة 

تصميم الأجندة

تصميم الغلاف : محمد كامل

فكرة إخراج الصفحات : سلطان و هالة

تصميم الصفحات وتنسيقها : هالة وإنجي

